


9/57



Ժամանակակից ԵՎՐԱՍԻԱ



V (1)
2016

9/5/ 07.06.2017

1-40K3.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ
ԱՐԵՎԵԼԱԳԻՏՈՒԹՅԱՆ ԻՆՍՏԻՏՈՒՏ


ԺԱՄԱՆԱԿԱԿԻՑ ԵՎՐԱՍԻԱ

ՏՆՏԵՍԱԿԱՆ ԵՎ ՔԱՂԱՔԱԿԱՆ ԽՆԴԻՐՆԵՐ

ՌՈՒԻԲԵՆ ՍԱՖՐԱՍՏՅԱՆԻ ԽՄԲԱԳՐՈՒԹՅԱՄԲ

ՀԱՏՈՐ V (1)

ԵՐԵՎԱՆ 2016



NATIONAL ACADEMY OF SCIENCES OF THE REPUBLIC OF ARMENIA
INSTITUTE OF ORIENTAL STUDIES

CONTEMPORARY EURASIA

ECONOMIC AND POLITICAL ISSUES

EDITED BY RUBEN SAFRASYAN

VOLUME V (1)

YEREVAN 2016



707-2017

НАЦИОНАЛЬНАЯ АКАДЕМИЯ НАУК РЕСПУБЛИКИ АРМЕНИЯ
ИНСТИТУТ ВОСТОКОВЕДЕНИЯ

СОВРЕМЕННАЯ ЕВРАЗИЯ

ЭКОНОМИЧЕСКИЕ И ПОЛИТИЧЕСКИЕ ВОПРОСЫ

ПОД РЕДАКЦИЕЙ РУБЕНА САФРАСТЯНА

ТОМ V (1)

ЕРЕВАН 2016

ՏՊԱԳՐՎՈՒՄ Է ՀՀ ԳԱԱ ԱՐԵՎԵԼԱԳԻՏՈՒԹՅԱՆ ԻՆՍՏԻՏՈՒՏԻ
ԳԻՏԱԿԱՆ ԽՈՐՀՐԴԻ ՈՐՈՇՄԱՄԲ

ԳԼԽԱՎՈՐ ԽՄԲԱԳԻՐ

Ռուբեն Սաֆրաստյան, ՀՀ ԳԱԱ ակադեմիկոս

ԽՄԲԱԳՐԱԿԱՆ ԽՈՐՀՈՒՐԴ

Լիլիթ Հարությունյան, պ. գ. թ., դոցենտ, ՀՀ ԳԱԱ ԱԻ ավագ
գիտաշխատող

Գոհար Իսկանդարյան, պ. գ. թ., դոցենտ, ՀՀ ԳԱԱ ԱԻ ավագ
գիտաշխատող

Վահրամ Տեր-Մաթևոսյան, պ. գ. թ., ՀՀ ԳԱԱ ԱԻ ավագ
գիտաշխատող

Լևոն Հովսեփյան, պ. գ. թ., ՀՀ ԳԱԱ ԱԻ ավագ գիտաշխատող

Նազելի Նավասարդյան, պ. գ. թ., ՀՀ ԳԱԱ ԱԻ գիտաշխատող
(հատորի պատասխանատու)

«Ժամանակակից Եվրասիա» գիտական պարբերականի V(1) համարը նվիրված է Եվրասիական տարածաշրջանում ընթացող զարգացումներին և տարածաշրջանի վրա դրանց ազդեցության ուսումնասիրությանը: Հատորում ընդգրկված հոդվածները վերաբերում են Մերձավոր Արևելքի, Հարավային Կովկասի առանցքային քաղաքական գործընթացներին, տնտեսական ու անվտանգության հիմնախնդիրներին, ներքաղաքական վերափոխումներին: Պարբերականը նախատեսված է պատմաբանների, քաղաքագետների, փորձագետների, դիվանագետների, ուսանողների, ինչպես նաև ընթերցող այլ շրջանների համար:

ISSN 1828-3948

PUBLISHED BY THE DECISION OF THE SCIENTIFIC COUNCIL
OF THE INSTITUTE OF ORIENTAL STUDIES OF NAS RA

EDITOR IN CHIEF

Ruben Safrastyan, Academician of NAS RA

EDITORIAL BOARD:

Lilit Harutyunyan, PhD, Assoc. Prof., Senior Research Fellow IOS NAS RA

Gohar Iskandaryan, PhD, Assoc. Prof., Senior Research Fellow IOS NAS RA

Vahram Ter-Matevosyan, PhD, Senior Research Fellow IOS NAS RA

Levon Hovsepyan, PhD, Senior Research Fellow IOS NAS RA

Nazeli Navasardyan, PhD, Research Fellow IOS NAS RA, Responsible for the Volume

The current issue of the "Contemporary Eurasia" V (1) is devoted to the ongoing developments and processes in the Eurasia and their impact on the region. The Volume contains articles dealing with the key political developments, economic and security issues, internal political transformations in the Middle East and South Caucasus. The publication may be of interest for social scientists, experts and students.

ISSN 1828-3948

ИЗДАЕТСЯ ПО РЕШЕНИЮ УЧЕНОГО СОВЕТА ИНСТИТУТА
ВОСТОКОВЕДЕНИЯ НАЦИОНАЛЬНОЙ АКАДЕМИИ НАУК
РЕСПУБЛИКИ АРМЕНИЯ

ГЛАВНЫЙ РЕДАКТОР

Рубен Сафрастян, академик НАН РА

РЕДАКЦИОННЫЙ СОВЕТ

Лилит Арутюнян, к. и. н., доцент, старший научный сотрудник ИВ НАН РА

Гоар Искандарян, к. и. н., доцент, старший научный сотрудник ИВ НАН РА

Ваграм Тер-Матевосян, к. и. н., старший научный сотрудник ИВ НАН РА

Левон Овсепян, к. и. н., старший научный сотрудник ИВ НАН РА

Назели Навасардян, к. и. н., научный сотрудник ИВ НАН РА,
(ответственная за выпуск)

Выпуск V (1) периодического сборника “Современная Евразия” посвящен актуальным событиям Евразии, и изучению их влияния на развитие ситуации в регионе. Включенные в сборник статьи рассматривают ключевые политические, экономические проблемы, а также вопросы безопасности и внутривосточных трансформаций в Ближневосточном регионе и на Южном Кавказе. Выпуск предназначен для историков, политологов, дипломатов, экспертов, студентов, а также для широкого круга читателей, интересующихся Евразийским регионом.

ISSN 1828-3948

ԲՈՎԱՆԴԱԿՈՒԹՅՈՒՆ

ԱՐՄԵՆ ՄԱՆՎԵԼՅԱՆ

ԷՆԵՐԳԵՏԻԿ ԱՇԽԱՐՀԱՌԱՋՄԱՎԱՐԱԿԱՆ ԿԵՆՏՐՈՆՆԵՐԻ
ՏԵՂԱՇԱՐԺԵՐԻ ԱԶԴԵՅՈՒԹՅՈՒՆԸ ՀԱՐԱՎԿՈՎԿԱՍՅԱՆ ՏԱ-
ՐԱԾԱՇՐՋԱՆԻ ՎՐԱ10

ԳՈՀԱՐ ԻՍԿԱՆԴԱՐՅԱՆ

ՀԱՅԱՍՏԱՆ-ԻՐԱՆ ՏՆՏԵՍԱԿԱՆ ՀԱՐԱԲԵՐՈՒԹՅՈՒՆՆԵՐԸ
ԵՎ ԶԱՐԳԱՅՄԱՆ ՀԵՌԱՆԿԱՐՆԵՐԸ21

ԵՎԱ ՀԱՐՈՒԹՅՈՒՆՅԱՆ

ՃԱՊՈՆԻԱՅԻ ՏՆՏԵՍԱԿԱՆ ՀԱՐԱԲԵՐՈՒԹՅՈՒՆՆԵՐԸ
ՍԱՌԻԴՅԱՆ ԱՐԱԲԻԱՅԻ ՀԵՏ34

ԱՐԱՔՍ ՓԱՇԱՅԱՆ

ԱԴՐԲԵՋԱՆ-ՍԱՌԻԴՅԱՆ ԱՐԱԲԻԱ ՀԱՐԱԲԵՐՈՒԹՅՈՒՆՆԵՐԸ.
ՄԻՏՈՒՄՆԵՐ ՈՒ ՀԵՌԱՆԿԱՐՆԵՐ44

ԳՐԻԳՈՐ ՎԱՐԴԱՆՅԱՆ

ԱԼԱՎԻԱԿԱՆ ՀԱՄԱՅՆՔԻ ԱՆՎՏԱՆԳՈՒԹՅԱՆ ԽՆԴԻՐՆԵՐԸ
ՌՈՒՍԱԿԱՆ ՌԱԶՄԱԿԱՆ ՆԵՐԿԱՅՈՒԹՅԱՆ ՀԱՄԱՏԵՔՍ-
ՏՈՒՄ53

ԳՈՒ ԳԵՎՈՐԳՅԱՆ

2012Թ. ԱՅԼԸՆՏՐԱՆՔԱՅԻՆ «ԺՈՂՈՎՐԴԱՎԱՐԱԿԱՆ» ՆԱԽԱ-
ԳԱՀԱԿԱՆ ԸՆՏՐՈՒԹՅՈՒՆՆԵՐԸ ԵԳԻՊՏՈՍՈՒՄ ԵՎ ԻՍԼԱ-
ՄԱԿԱՆՆԵՐԻ ՀԱՂԹԱՐՇԱՎԸ69

ՄՈՒՇԵՂ ՂԱՀՐԻՅԱՆ

ՏԱՐԱԾՔԱՅԻՆ ԵՎ ՆԱՎԹԱՅԻՆ ՎԵՃԵՐԸ ԲԱՂԴԱԴԻ ԵՎ ԷՐ-
ԲԻԼԻ ՄԻՋԵՎ (2003-2015 ԹԹ.)89

CONTENTS

ARMEN MANVELYAN THE IMPACT OF THE MOVEMENT OF GEOSTRATEGIC CENTERS OF ENERGY ON THE SOUTH CAUCASUS	10
GOHAR ISKANDARYAN ARMENIA-IRAN ECONOMIC RELATIONS AND PROSPECTS OF DEVELOPMENT	21
HARUTYUNYAN YEVA JAPAN'S ECONOMIC RELATIONS WITH SAUDI ARABIA	34
ARAKS PASHAYAN AZERBAIJAN-SAUDI ARABIA RELATIONS: THE TENDENCIES AND THE PERSPECTIVES	44
GRIGOR YARDANYAN SECURITY PROBLEMS OF ALAWITE COMMUNITY IN THE CONTEXT OF RUSSIAN MILITARY PRESENCE IN SYRIA	53
GOR GEVORGYAN 2012 ALTERNATIVE "DEMOCRATIC" PRESIDENTIAL ELECTIONS IN EGYPT AND THE RISE OF ISLAMISTS	69
MUSHEGH GHANRIYAN TERRITORIAL AND OIL DISPUTES BETWEEN BAGHDAD AND ERBIL (2003-2015)	89

СОДЕРЖАНИЕ

АРМЕН МАНВЕЛЯН ПЕРЕМЕЩЕНИЯ ГЕОСТРАТЕГИЧЕСКИХ ЭНЕРГЕТИЧЕСКИХ ЦЕНТРОВ И ИХ ВЛИЯНИЕ НА ЮЖНО-КАВКАЗСКИЙ РЕГИОН	10
ГОАР ИСКАНДАРЯН АРМЯНО-ИРАНСКИЕ ЭКОНОМИЧЕСКИЕ ОТНОШЕНИЯ И ПЕРСПЕКТИВЫ ИХ РАЗВИТИЯ	21
АРУТЮНЯН ЕВА ЭКОНОМИЧЕСКИЕ ОТНОШЕНИЯ ЯПОНИИ С САУДОВСКОЙ АРАВИЕЙ	34
АРАКС ПАШАЯН ОТНОШЕНИЯ МЕЖДУ АЗЕРБАЙДЖАНОМ И САУДОВСКОЙ АРАВИЕЙ: ТЕНДЕНЦИИ И ПЕРСПЕКТИВЫ	44
ГРИГОР ВАРДАНЯН ПРОБЛЕМЫ БЕЗОПАСНОСТИ АЛАВИТСКОЙ ОБЩИНЫ В КОНТЕКСТЕ РОССИЙСКОГО ВОЕННОГО ПРИСУТСТВИЯ В СИРИИ	53
ГОР ГЕВОРГЯН АЛЬТЕРНАТИВНЫЕ «ДЕМОКРАТИЧЕСКИЕ» ПРЕЗИДЕНТСКИЕ ВЫБОРЫ 2012 г. В ЕГИПТЕ И ПОБЕДА ИСЛАМИСТОВ	69
МУШЕГ ГАГРИЯН ТЕРРИТОРИАЛЬНЫЕ И НЕФТЯНЫЕ СПОРЫ МЕЖДУ БАГДАДОМ И ЭРБИЛЕМ (2003-2015 ГГ.)	89

ԱՐՄԵՆ ՄԱՆՎԵԼՅԱՆ

**ԷՆԵՐԳԵՏԻԿ ԱՇԽԱՐՀԱՌԱՋՄԱՎԱՐԱԿԱՆ
ԿԵՆՏՐՈՆՆԵՐԻ ՏԵՂԱՇԱՐԺԵՐԻ ԱԶԴԵՑՈՒԹՅՈՒՆԸ
ՀԱՐԱՎԿՈՎԿԱՍՅԱՆ ՏԱՐԱԾԱՇՐՋԱՆԻ ՎՐԱ**

ՆԵՐԱԾՈՒԹՅՈՒՆ

Էներգետիկ աշխարհառազմավարական կենտրոններ են կոչվում այն տարածաշրջանները, որոնք ոչ միայն հարուստ են նավթի ու գազի մեծ պաշարներով, այլև կարևոր նշանակություն ունեն միջազգային շուկաներ էներգակիրների տարանցման գործում: Այդ տարածաշրջանները միշտ էլ եղել են նավթ սպառող հիմնական տերությունների ուշադրության կենտրոնում՝ որպես վերջիններիս հումքի մատակարարման կարևորագույն աղբյուրներ, և դրանց նկատմամբ վերահսկողությունը սուր մրցակցությունների ու հակասությունների պատճառ է հանդիսացել: Այդ կենտրոններն առանցքային նշանակություն ունեն նաև նավթի գնագոյացման ձևավորման վրա և այս հանգամանքով է պայմանավորված այդ տարածաշրջանների ռազմավարական կարևորությունն էներգետիկ համաշխարհային շուկայի համար:

Միաժամանակ այդ տարածաշրջաններն իրենց վրա են կրում էներգետիկ շուկաներում կատարվող փոփոխությունների թե՛ դրական և թե՛ բացասական ազդեցությունները: Օրինակ՝ այդ տարածաշրջաններում գտնվող պետությունների զարգացման ու անվտանգության դինամիկան շատ հաճախ կախված է համաշխարհային էներգետիկ շուկայում նավթի ու գազի գների տատանումներից: Այդ պետությունների տնտեսական ու քաղաքական համակարգերը նույնիսկ կարող են հայտնվել լրջագույն ռիսկերի առաջ՝ պայմանավորված համաշխարհային էներգետիկ շուկայում կատարվող գնային տեղաշարժերով՝ պահանջարկի ու առաջարկի փոփոխությամբ, ինչն իր հերթին նվազեցնում կամ կարևորում է տվյալ տարածաշրջանի ռազմավարական նշանակությունը:

Այդ պետությունների ներքին ու արտաքին քաղաքականության վարքագիծը երբեմն ուղիղ համեմատական է նավթի

ու գազի շուկաներում տեղի ունեցող զարգացումներին: Այն ազդում է ոչ միայն առանձին վերցրած պետությունների, այլև տարածաշրջանների անվտանգության դինամիկայի, միջպետական հարաբերությունների որակի ու նույնիսկ ներքաղաքական զարգացումների վրա: Նավթի միջազգային շուկայում տեղի ունեցող տեղաշարժերը շատ դեպքերում կարող են նաև այդ տարածաշրջաններում ձևավորված ռազմաքաղաքական հավասարակշռության փոփոխության հանգեցնել և հակամարտությունների պատճառ դառնալ:

Միջազգային շուկայում նավթի գների թե՛ կտրուկ բարձրացումը և թե՛ գնանկումը հանգեցնում են ոչ միայն տնտեսական ու քաղաքական փոփոխությունների, այլև խորքային աշխարհառազմավարական տեղաշարժերի, ինչը փոխում է նաև հիմնական խաղացողների՝ էներգակիրներով հարուստ տարածաշրջաններում նավթի խոշոր արդյունահանողների և ամենամեծ սպառողների շահերը: Մեծ Մերձավոր Արևելքում, նաև մասամբ Հարավային Կովկասում տեղ գտած վերջին տարիների զարգացումները հենց այդ փոփոխությունների ու ազդեցությունների վառ օրինակներ են:

Նավթի գների անկումը համաշխարհային շուկայում առաջարկի ու պահանջարկի անհավասարության պայմաններում հանգեցրել է նավթային տարածաշրջանների անվտանգային դինամիկայի նվազմանը՝ ավելացնելով հնարավոր պատերազմների ու ճգնաժամերի ռիսկերը: Նման երևույթ առաջին անգամը չէ, որ նկատվում է այդ տարածաշրջաններում, սակայն հետխորհրդային շրջանում հարավկովկասյան տարածաշրջանի համար ընդհանրապես և առանձին պետությունների համար մասնավորապես սա նոր երևույթ է, որը կարող է էականորեն փոխել տարածաշրջանում ձևավորված ռազմաքաղաքական հավասարակշռությունը:

Էներգակիրներով հարուստ պետությունները նավթի գների փոփոխության պայմաններում

Էներգետիկ տարածաշրջանների աշխարհառազմավարական նշանակությունը կախված է նաև այնտեղ գտնվող և էներգակիրներով հարուստ պետությունների կարևորությունից նավթի միջազգային շուկայում: Առանձին վերցրած նավթային պետության գոյատևման բանաձևը կախված է նավթագազային համակարգի զարգացածությունից և դրանից քաղաքական ու տնտեսական համակարգերի կախվածությունից: Այս թեման երկար տարիներ եղել է արևմտյան գիտական շրջանակների

ուշադրության կենտրոնում, որոնք փորձում էին այսպիսով դուրս բերել նավթային պետությունների գոյատևման բանաձևի ալգորիթմը: Դեռ անցած դարի վերջին՝ 1997թ., Կալիֆոռնիայի համալսարանում հրատարակվեց գիտական աշխատանք՝ «Առատության պարադոքսը. նավթի աճը և նավթային պետությունները» (The Paradox of Plenty: Oil Booms and Petro-states) վերնագրով, որի հեղինակը համալսարանի պրոֆեսոր Թերի Լին Կարլն (Terry Lynn Karl) էր, ով փորձել էր վերլուծել, թե ինչու են նավթով հարուստ պետությունները ձախողվում և ինչ սխալներ են գործում այդ հումքի արդյունահանումն ու արտահանումը կազմակերպելու ժամանակաշրջանում¹:

Ըստ հեղինակի՝ նմանատիպ պետություններում տնտեսական խնդիրների ու ճգնաժամերի հիմքը, կարելի է ասել, դրվում է նավթի նկատմամբ աճող պահանջարկի և բարձր գների ժամանակաշրջանում, սակայն դրանց բացասական հետևանքները նկատվում են, երբ նավթի գները սկսում են անկում ապրել: Հիմնական խնդիրներն առաջանում են այն ժամանակ, երբ նավթից ստացվող գերեկամուտները հնարավորություն են տալիս նմանատիպ պետություններում գործող վարչակազմերին շատ դեպքերում փոխելու քաղաքական ու տնտեսական համակարգերը և դրանց զարգացման տրամաբանությունը՝ ամրապնդելով սեփական իշխանությունը:

Առաջին ու հիմնական սխալը, ըստ արևմտյան հեղինակների, այն է, որ գերշահույթ ունեցող նավթային պետությունները փոխում են պետության հիմնական գործառույթներից մեկը՝ հավաքման ու բաշխման համակարգը, ինչը կառավարման ավտորիտար ձևի անցման առաջնային քայլերից է: Այսինքն՝ նմանատիպ պետություններում գործող վարչախմբերը վերանայում են հարկման համակարգը և այդ երկրները վերածում այսպես կոչված «հարկային դրախտների»՝ ազատելով տեղական ոչ նավթագազային ընկերությունները հարկային տուրքերից ու պարտավորություններից: Դրական թվացող այս գործընթացի իրական նպատակն է նվազեցնել տնտեսության ոչ նավթային սեկտորի ազդեցությունը պետության ֆինանսավորման համակարգում, ինչը հանգեցնում է նաև դրանց քաղաքական ազդեցության կրճատմանը:

¹ Մանրամասն տե՛ս Terry Lynn Karl, The Paradox of Plenty: Oil Booms and Petro-states, http://cddrl.fsi.stanford.edu/publications/the_paradox_of_plenty_oil_booms_and_petrostates.

Պարզեցնելով հարկման համակարգը՝ գործող վարչակազմերը կախման մեջ են հայտնվում նավթագազային ընկերություններից, որոնք դառնում են այդ տիպի պետությունների ֆինանսավորման հիմնական, իսկ երբեմն նաև միակ աղբյուրը: Այդ պետությունների վարչակազմերը միաժամանակ դադարում են հաշվետու լինել բնակչությանը իրականացվող քաղաքական ու տնտեսական գործառույթների համար, իսկ նավթի վաճառքից ստացվող գերեկամուտները նավթի բարձր գների պայմաններում հնարավորություն են տալիս նրանց ոչ միայն հրաժարվելու հարկման համակարգից, այլև իրականացնելու բաշխման գործառույթ, որի հիմքում ընկած է բնակչության մի հսկայական զանգվածի, այդ թվում նաև ոչ նավթային սեկտորի ընկերությունների սուբսիդավորումը պետական եկամուտներից: Այս գործառույթի արդյունքում նմանատիպ վարչակազմերը կարողանում են վերջնականապես իրենց ենթարկել պետության բոլոր ինստիտուտները՝ միաժամանակ «գնելով» բնակչության մի հսկայական զանգվածի օրինականությունը:

Հարկահավաքման համակարգի վերանայումը, որը սկզբնական շրջանում նպաստում է այդ պետությունների վարչակազմերի ուժեղացմանը, հետագայում լուրջ խնդիրներ է առաջացնում այդ պետությունների համար նավթի գնանկման շրջանում, երբ վերջիններս ստիպված են լինում փոխել այդ քաղաքականությունը՝ անցնելով դրա խստացման ռեժիմին ֆինանսական լրացուցիչ միջոցներ հավաքագրելու համար, ինչը որպես կանոն առաջացնում է բնակչության մի ստվար հատվածի ու հատկապես ոչ նավթային ընկերությունների դժգոհությունը:

Հաջորդ սխալը, որ գործում են այդ վարչակազմերը, կապված են խոշոր ներդրումներ պահանջող ծրագրերի հետ, որոնք նրանք սկսում են իրականացնել հատկապես ծառայությունների ու շինարարության ոլորտում՝ բնակչության համար աշխատատեղեր ապահովելու համար: Խնդիրն այն է, որ նավթագազային ոլորտը, լինելով ֆինանսատար, միաժամանակ աշխատատար չէ: Այսինքն՝ նավթագազային ոլորտում հսկայական՝ միլիարդավոր դոլարների ներդրումների պայմաններում ստեղծվում են չնչին թվով աշխատատեղեր, և գերեկամուտներ ստացող նավթային պետություններն աշխատատեղերի ստեղծման համար ստացվող եկամուտների մի մասը սկսում են ուղղել դեպի ծառայությունների ու շինարարությունների

ուղորտներ, որոնք ապահովում են ոչ բարձր որակավորում պահանջող մեծաքանակ աշխատատեղեր:

Սակայն, ինչպես նշեցինք, այս համակարգը կարող է գործել միայն նավթի բարձր գների պայմաններում: Նավթի գնի անկումը և եկամուտների նվազումը կրճատում են նաև ներդրումները շինարարության ու ծառայությունների ոլորտներում՝ հանգեցնելով աշխատատեղերի զանգվածային կրճատման, այստեղից բխող տնտեսական ու քաղաքական հետևանքներով:

Նավթի բարձր գները, գերեկամուտներն ու արտարժույթի հսկայական ներհոսքն իրենց հերթին հանգեցնում են տեղական արժույթի գերարժևորմանը, և ստեղծվում է մի իրավիճակ, որը տնտեսագետները կոչում են «հոլանդական» հիվանդություն: Տեղական արժույթի գերարժևորումը հանգեցնում է ոչ նավթային սեկտորի ապրանքների թանկացմանը և որպես հետևանք՝ դրանց մրցունակության անկմանը պետության ներսում, ի տարբերություն ներմուծվող ապրանքների, իսկ դրսում նվազեցնում է արտահանումը: «Հոլանդական» հիվանդությամբ տառապող տնտեսության ոչ նավթային սեկտորը սկսում է նվազել՝ հանգեցնելով հազարավոր ձեռնարկությունների փակման և աշխատատեղերի կրճատման: Այսինքն՝ առաջանում է մի տարիմաստ իրավիճակ, երբ նավթային գերեկամուտները հանգեցնում են ոչ նավթային սեկտորի, այդ թվում՝ գյուղատնտեսության ոլորտի քայքայմանը և գործազուրկների թվի ավելացմանը: Փաստորեն սկսում են ոչնչանալ տնտեսության այդ ճյուղերը, և նավթային պետությունները խորքային կախման մեջ են հայտնվում աշխատող միակ ուղղությունից՝ նավթագազային համակարգից: Նմանատիպ երկրները շատ հաճախ կոչվում են մեկ տնտեսության պետություններ, ինչն էլ համարվում է ռիսկային՝ նվազեցնելով նրանց կայունության մակարդակը:

Այսպիսով, նավթային ռեսուրսներ ունեցող պետությունները պետական համակարգն ու հատկապես նրա հարկային ոլորտը հզորացնելու, արդյունաբերության ոչ նավթային սեկտորում ներդրումներ կատարելու, ֆինանսական «հոլանդական» հիվանդության ախտանիշներից ազատվելու համար քայլեր ձեռնարկելու փոխարեն գնում են ավելի հեշտ, սակայն ռազմավարական զարգացման տեսակետից սխալ ուղիով՝ հարկերի ու մաքսերի զանգվածային նվազեցման և նավթադո-

լարների հաշվին շինարարության ու ծառայությունների սեկտորի ֆինանսավորման ճանապարհով:

Նավթի բարձր գների պայմաններում տեղի ունեցող տնտեսական փոփոխություններն ուսումնասիրող Թերի Լին Կարլի աշխատությունն ուղղված էր զգուշացնելու նմանատիպ պետություններին՝ խուսափելու այդ սխալներից: 2003 թ. հրատարակվեց մեկ այլ հետազոտություն՝ Սվետլանա Յալիկի (Svetlana Tsalik) «Կասպյան նավթային եկամուտներ. ո՞վ կօգտվի» (Caspian Oil Windfalls: Who Will Benefit?) վերնագրով²: Այս աշխատանքում ոչ միայն փորձ էր արվում բացատրելու՝ նավթային բարձր եկամուտների վտանգները, այլ նաև որոշակի օրինակներով ցույց են տրվում մեթոդներ նավթի բարձրացող գներին որպես կանոն հաջորդող գնանկման հետևանքներից խուսափելու համար, հատկապես Կասպյան ավազանի պետությունների համար:

Սակայն, չնայած այս զգուշացումներին և կատարված մեծաթիվ հետազոտություններին ու գիտական աշխատանքներին, էներգակիրներով հարուստ շատ պետություններ կրկնում էին այն դասական սխալները, որոնք էլ պատճառ են դառնում նավթի գնանկման պայմաններում ֆինանսատնտեսական և հետագայում քաղաքական խորքային ճգնաժամերի կրկնվելու համար: Հետևաբար, նավթային գերշահույթի շրջանում սխալներ անող պետությունների գոյատևման հիմնական խնդիրն է հասկանալ, թե որքան կարող են ձգվել նավթի ցածր գները, և ինչ ռեսուրսներ ունեն նրանք այդ ճգնաժամը վերապրելու համար, մինչև համեմատաբար բարձր գների ժամանակաշրջանը:

Հարավային Կովկասում այս խնդիրն առաջին հերթին կենսական նշանակություն ունի Ադրբեյջանի համար, որի նավթային եկամուտները և արդյունահանման ծավալները տարեցտարի նվազում են՝ հանգեցնելով ֆինանսատնտեսական ու նաև քաղաքական ճգնաժամի: Ադրբեյջանը, որն ունի տարածաշրջանում ամենացածր հարկվող համակարգը, ստիպված է լինելու հարկային կոշտ քաղաքականություն իրականացնելու, ինչը կարող է էլ ավելի սրել սոցիալական իրավիճակը և դժգոհություններն այդ երկրում: Ստեղծված իրավիճակում պաշտոնական Բաքուն ստիպված է մեծացնել իր արտաքին պարտքը՝

² Svetlana Tsalik, Caspian Oil Windfalls: Who Will Benefit? https://www.open-societyfoundations.org/sites/default/files/full_report_0.pdf.

բանակցություններ վարելով Համաշխարհային բանկի և Արժույթի միջազգային հիմնադրամի հետ, իսկ վերջիններս պահանջում են հարկային կոշտ քաղաքականության մշակում՝ միջազգային պահանջներին համապատասխան³:

Նավթի ու գազի եկամուտների անկման պայմաններում 2016 թ. Ադրբեջանի պետբյուջեն էականորեն կրճատվեց և ըստ ադրբեջանական աղբյուրների՝ կազմում է ընդամենը 16 մլրդ մանաթ, որն առկա միջին փոխարժեքով կազմում է մոտ 10 մլրդ դոլար⁴: 2014 թ. Ադրբեջանի բյուջեն կազմում էր մոտ 25 մլրդ դոլար: Այսինքն՝ այն ամենը, ինչ այսօր տեղի է ունենում Ադրբեջանում և, ընդհանրապես նավթ արդյունահանող պետություններում, բազմաթիվ անգամներ կրկնվել է, սակայն նավթից ստացվող գերշահույթների շրջանն այն աստիճան գայթակղիչ է, որ ավտորիտար ռեժիմները կառավարման գրագետ համակարգեր կազմակերպելու փոխարեն, որպես կանոն նախընտրում են այն օգտագործել են սեփական վարչակարգերի ամրապնդման համար:

Կարելի է արձանագրել, որ նմանատիպ պետությունները գոյատևում են ցիկլային երկու համակարգերում՝ բարձր և ցածր գների պայմաններում: Ցածր եկամուտները կարող են ներքաղաքական ճգնաժամերի՝ սոցիալական, էթնիկական ու քաղաքացիական բախումների պատճառ հանդիսանալ: Այն նավթային պետությունները, որոնք ունեն ֆինանսական մեծ միջոցներ, որոշակի հնարավորություն ունեն դիմակայելու ցածր գների ժամանակաշրջանում, օրինակ՝ Սաուդյան Արաբիան կամ Պարսից ծոցի այլ պետություններ, իսկ մյուսները՝ Նիգերիան, Վենեսուելան և այժմ արդեն Ադրբեջանը, որպես կանոն, ֆինանսատնտեսական այդ նավթային փոսից դուրս գալու գործում մեծ դժվարություններ են ունենում: Ավելին, հետագայում նույնիսկ նավթի գնի բարձրացման պայմաններում էական առաջընթաց չի արձանագրվում այդ տիպի պետությունների տնտեսություններում, քանի որ ստիպված են լինում երկար ժամանակ ծախսել՝ առկա ֆինանսական խնդիրները լուծելու և կուտակված պարտքերը մարելու համար:

Աշխարհառազմավարական տեղաշարժը Հարավային Կովկասում

³ International Monetary Fund, “World Economic Outlook Database”, September 18, 016, <http://www.imf.org/external/pubs/ft/weo/2016/01/weodata/index.aspx>.
⁴ 2016 State Budget of Azerbaijan was Approved, <http://cesd.az/new/?p=9770>.

Ի՞նչ է խորքային առումով այդ տեղաշարժը և ինչպե՞ս է նավթի գնանկումն ազդում դրա վրա: Էներգետիկ աշխարհաքաղաքականության համակարգում թերևս կարևորագույն բաղադրիչն էներգետիկ անվտանգության համակարգն է, որն, ըստ արևմտյան տեսաբանների ներկայիս մեկնաբանության, հենվում է այդ շուկայի ազատականացման գործընթացի վրա: Սակայն էներգետիկ շուկայի ազատականացման համակարգը տարբեր կերպ է գործում նավթի բարձր և ցածր գների պայմաններում, քանի որ փոխվում է պահանջարկի ու առաջարկի հարաբերակցությունը:

Նավթի բարձր գնի պայմաններում, երբ պահանջարկը որպես կանոն ավելին է, քան առաջարկը, նավթ արդյունահանող ցանկացած պետություն, լինի մեծ թե փոքր, ինչպես օրինակ՝ Ադրբեջանը, նավթի իր 0.4%⁵ պաշարով մեծ արժեք է ներկայացնում և հայտնվում է նավթ սպառող հիմնական խաղացողների ուշադրության կենտրոնում: Այդ պետությունը (Ադրբեջանը) նույնիսկ նավթի փոքր պաշարով դառնում է արժեքավոր խաղացող շուկայում և, օգտվելով այդ կարգավիճակից, փորձում է այն օգտագործել իր ներքաղաքական և տարածաշրջանային շահերի ենթատեքստում:

Ադրբեջանը, օգտվելով նավթի բարձր գներից ու պահանջարկի աճից, փորձում էր տարածաշրջանային առանցքային պետության դերը ստանձնել, իսկ նավթ սպառող մի շարք պետություններ պատրաստ էին սատարելու այդ հարցում: Սակայն իրավիճակը կտրուկ փոխվում է նավթի գների անկման շրջանում, երբ առաջարկը գերազանցում է պահանջարկը: Նավթ սպառող հիմնական պետությունների հետաքրքրություններն այդ երկրների ու այնտեղ գործող ռեժիմների հանդեպ նվազում են և նրանց նույնիսկ սկսում են քննադատել նրանց կառավարման ավտորիտար համակարգերի համար:

Չարգացման այս սցենարը կրկնվում է բազմիցս, և այսօր ականատես եք Ադրբեջանի օրինակին, երբ Արևմուտքը վերջերս սկսեց նկատել քաղաքատարկայալների ու նույնիսկ ժառանգական բռնատիրության առկայությունը: Սկսում է մարել հետաքրքրությունը վերջինիս նավթագազային սեկտորի նկատմամբ, ինչն իր հերթին հանգեցնում է այդ պետության

⁵ BP Statistical Review of World Energy, June, 2016, <https://www.bp.com/content/dam/bp/pdf/energy-economics/statistical-review-2016/bp-statistical-review-of-world-energy-2016-full-report.pdf>.



207-2017

հանդեպ նավթի շուկայի հիմնական սպառողների վերաբերմունքի կտրուկ փոփոխության, և նույնիսկ պարզվում է, որ Ադրբեջանն իր նավթագազային պաշարներով գերազնահատված է եղել, և ժամանակն է դրանք վերազնահատել՝ նվազեցնելով նրա նշանակությունն էներգետիկ միջազգային շուկայում:

Ըստ ադրբեջանական մամուլի՝ ներկայումս դուլարի իրական արժեքը Բաքվի սև շուկայում 1-ը 2 հարաբերության է, ինչը նշանակում է, որ Ադրբեջան պետությունն իր բոլոր ակտիվներով հանդերձ գերազնահատված է առնվազն 2 անգամ⁶:

Հարավային Կովկասում Ադրբեջանի նավթային դերի փոփոխությունը տեղի է ունենում Իրանի ակտիվության ֆոնի վրա, որի՝ էներգետիկ շուկա վերադարձը սպառնալիքներ է ստեղծում առաջին հերթին մանր խաղացողների համար: Այսինքն՝ Ադրբեջանի՝ որպես նավթ արդյունահանող պետության դերի նվազումը նվազեցնում է նաև Հարավային Կովկասի՝ որպես նավթի արդյունահանման և տարանցման տարածաշրջանի աշխարհատնտեսական նշանակությունը: Հարավային Կովկասը՝ որպես նավթ արդյունահանող տարածաշրջան, սպառող հիմնական պետությունների համար աստիճանաբար կարող է կորցնել իր հետաքրքրությունը, իսկ նավթի արտահանման ծավալների նվազումը և հատկապես Կենտրոնական Ասիայից էներգակիրների տեղափոխման չնչին ծավալները հուշում են, որ տարանցման տեսանկյունից հետաքրքրությունը նույնպես կարող է նվազել:

Ադրբեջանի նավթային վարկանիշի նվազումը տեղի է ունենում Հայաստանի՝ որպես տարածաշրջանում կայունության պահպանման հիմնական դերակատարի վարկանիշի բարձրացման ֆոնին: Սա հատկապես նկատելի է քառօրյա պատերազմից հետո, երբ պարզ դարձավ, որ նավթային եկամուտների նվազմամբ Ադրբեջանն իր վարքով և գործողություններով սկսում է դառնալ տարածաշրջանային կայունությանն սպառնացող անկանխատեսելի ու ագրեսիվ պետություն, ինչը հարված էր վերջինիս վարկանիշին՝ որպես նավթի ու գազի կայուն մատակարարի:

Հարավային Կովկասը կորցնում է նավթային շրջանի կամ էներգակիրների տեղափոխման միջանցքի վերջին տարիներին նրան պարտադրված վարկանիշը, և կարող է ձեռք բերել

կարևորագույն տրանսպորտային խաչմերուկի կարևորություն՝ հարավ-հյուսիս և արևելք-արևմուտք ուղղություններով, որտեղ նավթի ու գազի դերակատարությունը չունի նախկին նշանակությունը, չնայած նաև վերջնականապես չի կորցրել իր դերը:

Նոր ձևաչափով տարածաշրջանը՝ որպես տարանցիկ առևտրային միջանցք, կարող է հետաքրքրություն ներկայացնել, եթե կան այլընտրանքային ուղիներ, առաջին հերթին Ադրբեջանին: Երկրորդը՝ եթե կան կայունության ու անվտանգության հստակ երաշխիքներ, իսկ այդպիսիք հնարավոր է պահպանել միայն Հայաստանի ու Արցախի Հանրապետությունների շահերի հաշվառմամբ: Հայաստանը ոչ միայն կայուն զարգացող, այլև տարածաշրջանում կայունություն ու խաղաղություն պարտադրող պետության վարկանիշ է ձեռք բերել:

Հետևաբար, փոփոխությունների, վերադասավորումների, վերաիմաստավորման ու վերազնահատումների այս շրջանում Հայաստանը նոր հնարավորություն է ստանում՝ զարգացնելով իր հարաբերություններն Իրանի ու Ռուսաստանի հետ՝ Հյուսիս-Հարավ ծրագրի իրականացման առումով, ինչպես նաև մասնակցելու Արևելք-Արևմուտք տրանսպորտային նոր ծրագրերի իրականացման նախագծերին: Այս ծրագրերի լիարժեք իրականացումը հնարավոր է միայն Հայաստանի մասնակցության դեպքում, ինչն իրականացվում է նաև Վրաստանի ներգրավմամբ, որն իր հերթին հնարավորություն է տալիս վերջինիս մասամբ ազատվելու թուրք - ադրբեջանական տանդեմի ազդեցությունից:

Հարավային Կովկասում տրանսպորտային միջանցքների կառուցման նախագծում Հայաստանի մասնակցության կարևորությունը բխում է այդ ծրագրերին կայունություն ու հուսալիություն հաղորդելու տրամաբանությունից: Բացի այդ ծրագրով շահագրգիռ պետությունները տրանսպորտային ծրագրերի իրականացման համար տարածաշրջանում ցանկանում են տեսնել անվտանգության հստակ երաշխիքներ, ինչին կարելի է հասնել միայն Հայաստանի ներգրավմամբ ու նրա շահերի հաշվառմամբ:

ԵԶՐԱԿԱՑՈՒԹՅՈՒՆ

Նավթի գների անկումն ունենում է ոչ միայն տնտեսական, այլև քաղաքական հետևանքներ. ազդում է նավթային տարածաշրջանների ռազմաքաղաքական հավասարակշռության վրա և նվազեցնում դրանց կարևորությունն էներգետիկ համաշխարհային շուկայի համար: Հարավային Կովկասում,

⁶ Валютный "черный рынок" возвращается, 13.01.2016, <http://ru.sputnik.az/economy/20160113/403346403.html>.

որտեղ տեղի է ունենում աշխարհառազմավարական փոփոխությունների գործընթաց, այն արտահայտվում է տարածաշրջանի նավթի արդյունահանման ու արտահանման միջանցքի դերակատարման նվազմամբ: Նավթի ցածր գների պայմաններում նկատվում են տարածաշրջանի էներգետիկ նշանակության կարևորության նվազման հստակ միտումներ, ինչը պայմանավորված է նավթի միջազգային շուկայում պահանջարկի ու առաջարկի հավասարակշռության խախտմամբ: Սակայն անցումային այս փուլում տարածաշրջանը դեռ չի ազատվել նավթի ու գազի արդյունահանման և տարանցման կենտրոնի ընկալումից, միաժամանակ Հարավային Կովկասում դեռ լիարժեքորեն չեն նախանշվում նոր աշխարհառազմավարական կենտրոնի՝ տրանսպորտային խաչմերուկի վերածվելու հստակ միտումներն ու դրա վերջնական կարևորությունը մեծ տերությունների համար:

Անցումային ժամանակաշրջանի տևողությունը կախված է երկու հանգամանքից՝ միջազգային շուկայում նավթի գներից և տրանսպորտային ծրագրերի իրականացման արագությունից: Առաջին պլան են մղվում տարանցիկ-տրանսպորտային միջանցքների կառուցման կարևորության հարցերը, որոնք էլ կնախանշեն տարածաշրջանի աշխարհառազմավարական կարևորությունը թե՛ տարածաշրջանի պետությունների, թե՛ գլոբալ խաղացողների համար:

ԳՈՒՍՐ ԻՍԿԱՆԴԱՐՅԱՆ

ՀԱՅԱՍՏԱՆ-ԻՐԱՆ ՏՆՏԵՍԱԿԱՆ ՀԱՐԱՔԵՐՈՒԹՅՈՒՆՆԵՐԸ ԵՎ ԶԱՐԳԱՑՄԱՆ ՇԵՌԱՆԿԱՐՆԵՐԸ

Հայաստանի Հանրապետության և Իրանի Իսլամական Հանրապետության միջև տնտեսական համագործակցության հիմնասյունները դրվեցին ԽՍՀՄ փլուզումից անմիջապես հետո, երբ նորանկախ Հայաստանի Հանրապետությունը գտնվում էր սոցիալ-տնտեսական ծանրագույն ժամանակաշրջանում, և տնտեսական հարաբերությունները զարգանում էին քայլ առ քայլ՝ ապրանքափոխանակությունից հասնելով մանր առևտրի և ձգտելով իրականացնել խիստ կարևոր համատեղ ծրագրեր: Հարաբերությունների ձևավորման առաջին տարիներին առկա խնդիրներից էին թերևս ոչ միայն տեղեկատվության պակասը, այլ նաև երկրների տնտեսությունների կառուցվածքային տարբերությունները: Իրանը վարում է առավելապես ներփակ պլանային տնտեսությանը բնորոշ քաղաքականություն՝ հովանավորելով իր սեփական ապրանքատեսակները, հարկաբյուջետային և մաքսային քաղաքականություն իրականացնելով ու դժվարացնելով այլ երկրների ապրանքների մուտքը: Հայկական շուկան, ըստ էության, մեծ հետաքրքրություն չի ներկայացնում Իրանի համար, քանզի շուկան բավական փոքր է, և գնողունակությունն էլ ցածր է: Սակայն այս պարագայում խիստ կարևոր է ՀՀ աշխարհագրական դիրքը, որը կարող է կամուրջ դառնալ Իրանի և ԱՊՀ մի շարք երկրների միջև, այսօր արդեն նաև ԵԱՏՄ երկրների, իսկ Իրանը Հայաստանի համար Մերձավոր Արևելքի և Պարսից ծոցի երկրների միջև տնտեսական համագործակցության զարգացման գործում նշանակալի դեր կարող է ունենալ:

ՀՀ-ի և ԻԻՀ-ի միջև դիվանագիտական հարաբերությունների հաստատումից հետո նախագծվեց հետագա գործունեության ողջ ծրագիրը: 1992 թ. փետրվարի 9-ին ստորագրվեց հարաբերությունների սկզբունքների և նպատակների մասին

հոշակագիրը¹, որտեղ արծարծվում էին երկու երկրների միջև տնտեսական համագործակցության սկզբունքները:

1992 թ. նոյեմբերին ՀՀ նախագահ Լևոն Տեր-Պետրոսյանի հրամանագրով ստեղծվեց «Հայ-իրանական կապերի կոորդինացման միջպետական հանձնաժողովը», որը մեծ ազդեցություն ունեցավ հայ-իրանական տնտեսական հարաբերությունների աստիճանական զարգացման ու ծավալման գործում: Նույն ժամանակամիջոցում՝ 1992 թ., երկու երկրների միջև առևտրատնտեսական հարաբերությունները խթանելու նպատակով Թեհրանում ստեղծվեց «Իրան-Հայաստան առևտրային պալատ»՝ իրանահայ գործարար Լևոն Ահարոնյանի գլխավորությամբ:

1990-ական թվականներին Հայաստանի արտաքին տնտեսական կապերի մեջ Իրանը գրավում էր երկրորդ տեղը՝ զիջելով միայն Ռուսաստանին: 1994 թ. համեմատությամբ երկու երկրների միջև ապրանքաշրջանառությունն ավելացավ երեք անգամ և հատեց տարեկան 200 մլն դոլարի սահմանը: Դրան նպաստեց նաև այն հանգամանքը, որ 1995 թ. ՀՀ-ի և ԻԻՀ-ի միջև ստորագրվեց առևտրատնտեսական համագործակցության վերաբերյալ համաձայնագիրը: Այդ համաձայնագրի 1-ին կետով նախատեսվում էր փոխշահավետության հիման վրա և յուրաքանչյուր երկրի օրենսդրության շրջանակներում զարգացնել երկարաժամկետ առևտրատնտեսական համագործակցություն: Համաձայնագրի 3-րդ կետով միմյանց պետք է տրամադրվեր առավելագույն բարենպաստության ռեժիմ՝ առևտրատնտեսական հարաբերությունների գծով²:

1997 թ. Երևանում կազմակերպվեց իրանական արդյունաբերական և լայն սպառման ապրանքների մեծ ցուցահանդես, որն ունեցավ շարունակական բնույթ: Այդ ցուցահանդեսներն առևտրական, արդյունաբերական ընկերություններին հնարավորություն են տալիս ճանաչելու միմյանց ապրանքանմուշները և փոխշահավետ պայմանագրեր կնքելու: Այս ցուցահանդեսների աշխարհագրությունը հետագայում ընդլայնվեց, և այժմ իրականացվում է նաև Հայաստան-Ռուսաստան և

Իրան միջազգային արդյունաբերական ցուցահանդես, որին հաջորդում է երևանյան բիզնես-ֆորումը: Սակայն մինչև այսօր էլ երկու երկրների տնտեսական հարաբերությունների զարգացումը խոչընդոտում են մի շարք խնդիրներ: Դրանք հիմնականում վերաբերում են մաքսային ոլորտին, ինչպես նաև օրենսդրական դաշտի անկատարությանը: Այն հնարավոր կլինի լուծել երկու երկրների մաքսային ու հարկային տոկոսադրույքների իջեցման, արգելքների վերացման, արտահանման ու ներմուծման օրենքների պարզեցման ու դյուրացման ճանապարհով³:

2000-ական թվականների սկզբին նկատվում էր հայ-իրանական առևտրային կապերի որոշակի թուլացում 90-ականների առաջին կեսի համեմատությամբ, քանզի հայկական շուկա թափանցեցին ռուսական ապրանքները, որոնք ավելի որակյալ և «հարազատ» էին Հայաստանին: Հետագայում Հայաստանի շուկա թափանցեցին եվրոպական ապրանքներ, որոնք ինչ-որ առումով դուրս մղեցին թե՛ պարսկական և թե՛ ռուսական ապրանքները⁴: 2000 թ. Իրանը Ռուսաստանից, ԱՄՆ-ից, Բելգիայից հետո գրավեց 4-րդ տեղը⁵: Բոլոր պայմանավորվածություններով հանդերձ իրանական շուկան շարունակում է փակ մնալ հայ արտադրողների համար: Թեև այդ երկրում հայկական ապրանքատեսակների ներմուծումն արգելող որևէ որոշում չկա, սակայն իրանական մաքսատանը խոչընդոտներ են ստեղծվում:

Ուշագրավ է, որ ՀՀ բոլոր երեք նախագահներն էլ արտաքին քաղաքականության ոլորտում խիստ կարևորել են հայ-իրանական հարաբերությունները՝ ուշադրության կիզակետում պահելով հատկապես տնտեսական հարաբերությունների բարելավումը:

³ Հայ-իրանական գործարար համաժողովի մասնակիցների դիմումը երկու երկրների օրենսդիր և գործադիր մարմինների բարձրաստիճան պաշտոնյաներին, 21 նոյեմբերի, 1998 թ., ՀՀ ԱԳՆ, Պատմադիվանագիտական բաժին, գործ 84, էջ 46, 47:

⁴ Թորոս Թորոսյան, Հայաստանի Հանրապետության և Իրանի Իսլամական Հանրապետության առևտրատնտեսական կապերը /հիմնախնդիրներ և հեռանկարներ/, Հայաստան. Ֆինանսներ և էկոնոմիկա, Երևան, N 6-7, 2002 թ., էջ 80:

⁵ ՀՀ նախագահ Ռ. Քոչարյանի այցն Իրան, Արաքս, Թեհրան, 24 (107), հունվար, 2002, էջ 20:

¹ ՀՀ ԱԳՆ Դիվանագիտական բանբեր, Հայաստան-Իրան, Վենետիկ, 1993 թ., էջ 19:

² Համաձայնագիր ՀՀ կառավարության և ԻԻՀ կառավարության միջև առևտրատնտեսական համագործակցության վերաբերյալ, ՀՀ ԱԳՆ, Պատմադիվանագիտական բաժին, ցուցակ 1, գործ N 286:

2004 թ. առաջին անգամ Հայաստան ժամանեց ԻԻՀ, նախագահը, որով նոր հարթության վրա դրվեցին երկկողմ հարաբերությունները: Մ. Խաթամիի հետ ՀՀ նախագահ Ռ. Քոչարյանը կարևոր քննարկումներ ծավալեց երկկողմ հարաբերություններում առկա խնդիրների լուծման ուղիները գտնելու վերաբերյալ և այցի ավարտին ստորագրեց 7 համաձայնագիր, որոնց զգալի մասը տնտեսական հարաբերություններին էր վերաբերում: 2006 թ. հունվարին Թեհրանում տեղի ունեցավ Իրան-Հայաստան կապերի կոորդինացման միջկառավարական հանձնաժողովի 6-րդ նիստը, որի ընթացքում կողմերն ընդգծեցին «Հյուսիս-Հարավ առանցքում» Հայաստանի պարտադիր մասնակցությունը: Նիստի ժամանակ ԻԻՀ-ի ֆինանսների և էկոնոմիկայի նախարար Դավուդ Դանեշ Ջաֆարին գոհունակությամբ արձանագրեց, որ 2005 թ. զգալիորեն աճել է Հայաստան-Իրան առևտրաշրջանառությունը, 2005 թ. Իրանը Հայաստան է արտահանել 150 մլն դոլարի ապրանք, իսկ Հայաստանը՝ 40 մլն դոլարի ապրանք Իրան⁶: Սակայն այս թվերից նկատելի է, որ Իրանը դեռ տեղական արտադրանքի նկատմամբ շարունակում է վարել պրոտեկցիոնիստական քաղաքականություն, ինչով էլ պայմանավորված է հայկական ապրանքների դժվար մուտքն իրանական շուկա:

2006 թ. հուլիսի 5-ին ՀՀ նախագահ Ռ. Քոչարյանն աշխատանքային այցով մեկնեց ԻԻՀ, որի հիմնական նպատակն էր հստակեցում մտցնել միջտնտեսական հարաբերություններում, հատկապես էներգետիկայի ոլորտում՝ հայ-իրանական գազատարի, երրորդ բարձրավոլտ էլեկտրահաղորդման գծի, ինչպես նաև այլընտրանքային ճանապարհի կառուցման բնագավառում⁷:

ՀՀ նախագահ Ս. Սարգսյանի հրավերով 2011 թ. դեկտեմբերի 23-ին Հայաստանում էր գտնվում ԻԻՀ-ի նախագահ Մահմուդ Ահմադինեժադը: Նախագահներն ընդգծեցին Հայաս-

⁶ В Тегеране проходит шестое заседание Межправительственной комиссии по торгово – экономическому сотрудничеству Ирана и Армении, 31 января 2006, http://www.iran.ru/rus/news_iran.php?act=news_by_id&news_id=37132, В 2005 г. товарооборот между Ираном и Арменией составил 190 млн. долл. США, 01 февраля, 2006, http://www.iran.ru/rus/news_iran.php?act=news_by_id&news_id=37160.

⁷ Тегеран и Ереван высоко оценивают уровень ирано-армянского сотрудничества, ИРНА, 18 декабря 2006 года, <http://www.irna.ir/ru/news/view/menu-291/0612181577142243.htm>.

տանի Հանրապետությունում և Իրանի Իսլամական Հանրապետությունում գործարար շրջանակների տնտեսական և ներդրումային գործունեության համար նպաստավոր պայմանների ստեղծման կարևորությունը⁸: Բանակցություններից հետո ԻԻՀ-ի արտգործնախարար Ալի Աքբար Սալեհին հայտարարեց, թե Իրանը և Հայաստանը տնտեսական և առևտրային կապերը խթանելու նպատակով հող են նախապատրաստում ազատ առևտրի համաձայնագրի կնքման շուրջ⁹: 2012 թ. Ապրիլի 29-ին ԻԻՀ-ի նախագահ Մահմուդ Ահմադինեժադն առաջարկեց իր օգնականներին «Պատրաստել ազատ առևտրի գործունեության համար պայմանները»՝ ընդգծելով երկու երկրների միջև տնտեսական հարաբերությունների կարևորությունը¹⁰:

Այսպիսով, հայ-իրանական տնտեսական հարաբերությունների զարգացման կարևոր խնդիրներից են արտահանման և ներմուծման հարաբերակցության կարգավորումը, ներդրումների ներգրավումը: Այս խնդիրների լուծումը զգալիորեն կախված է հայ-իրանական առևտրատնտեսական կապերի հետագա զարգացման և կատարելագործման գործընթացից:

Չնայած հայկական ապրանքները մեծ դժվարությամբ են մուտք գործում իրանական շուկա, սակայն առկա թվերը հուշում են, որ որոշակի ծավալի ապրանք այնուամենայնիվ մտնում է իրանական շուկա: Հայաստանից արտահանվող ապրանքների գերակշռող մասը կազմում են քիմիական արդյունաբերության ապրանքները, մետաղյա ջարդոնները, թափոնները, հանքահումքային ապրանքները, երկակի նշանակության օգտագործման ապրանքները:

Իսկ ահա Իրանից Հայաստան ներկրվել են կենսական նշանակության ապրանքներ, օրինակ՝ կաթնամթերք, ձու, չորացված մրգեր, տոմատի մածուկ, սոխ և սխտոր, մրգեր, ցորեն, բրինձ, ինչպես նաև նավթային կոքս, բիտում, որն օգտագործվում է ասֆալտի մեջ, ծծմբաթթու, ազոտական թթու,

⁸ ՀՀ նախագահի և Իրանի նախագահի համատեղ հայտարարությունից, 23.12.2011 թ., <http://www.aravot.am/2011/12/23/287212/>.

⁹ Iran, Armenia mulling free trade agreement, Tehran Times, Dec.25 2011, <http://www.tehrantimes.com/economy-and-business/93896-iran-armenia-mulling-free-trade-agreement>.

¹⁰ The Armenia-Iran Relationship: Strategic implication for security in the Sout Caucasus region, Ed. by Claude Moniquet and William Racimora, European Strategic Intelligence & Security Center, 2013, p. 8.

տարբեր տեսակի քիմիական նյութեր և տարրեր, գորգ և այլն¹¹: Ընդհանուր առմամբ Իրանից Հայաստան ներմուծվում է ավելի քան 600 անուն ապրանք՝ Հայաստանից Իրան արտահանվող շուրջ 100 անուն ապրանքի դիմաց¹²:

Որոշ տվյալներով Հայաստանում գրանցված են իրանական մոտ 2000 ձեռնարկություններ: Իսկ 2016 թ. դրությամբ Իրանում չի գրանցվել ոչ մի հայկական ընկերություն: Իրանի նման քաղաքականությունը կարող է կապված լինել նրա նկատմամբ իրականացված պատժամիջոցների և սեփական արտադրողին պաշտպանելու հետ: Իրանի և միջազգային վեցնյակի միջև 2015 թ. ձեռք բերված միջուկային համաձայնությունից հետո Իրանի նկատմամբ մի շարք պատժամիջոցներ հանվեցին, որը հնարավորությունների լայն դաշտ է բացում իրանական գործարար աշխարհի առջև: Իրանական կողմը կարող է վերանայել ՀՀ-ի նկատմամբ իր տնտեսական քաղաքականությունը, որը մեծապես կնպաստի հայ-իրանական առևտրային համագործակցությանը: Հայաստանն առավել արդյունավետ կարող է համագործակցել Իրանի հյուսիսային նահանգների հետ: Այսօր Ատրպատականը՝ Իրանի հյուսիսային նահանգը, որին սահմանակցում է Հայաստանը, վերածվում է խոշոր բիզնես-նահանգի: Մոտ 3 միլիոնանոց Թավրիզն ավելի մեծ առևտրաշրջանառություն ունի, քան Հայաստանը, նրա բյուջեն մի քանի անգամ ավելի մեծ է, քան Հայաստանի Հանրապետության բյուջեն: Առկա տեղեկատվության համաձայն՝ Թավրիզի բյուջեն կազմում է Թեհրանի բյուջեի մոտավորապես 30%-ը: Ակնհայտ է, որ Ատրպատական նահանգի ղեկավարությունը, հաշվի առնելով նրանց թյուրքախոս լինելու հանգամանքը, պետք է որ ցանկություն ունենա մեծացնելու առևտրաշրջանառությունը սահմանակից երկրի հետ:

Այսօր հայ-իրանական տնտեսական համագործակցությանը կարող են նպաստել համատեղ ծրագրերի իրականացումը, օրինակ՝ հնարավոր է Իրանից կիսավարտ ապրանքատեսակները բերել Հայաստան, ամբողջական մշակման են-

թարկել և դարձնել պատրաստի արտադրանք, վրան փակցնել «Արտադրված է Հայաստանում» և արտահանել միջազգային շուկա: Հատկապես դա դառնում է արդիական Հայաստանի՝ ԵԱՏՄ-ին անդամակցելուց հետո: Հայաստանը նաև օգտվում է ԵՄ 28 երկրներ արտոնյալ պայմաններով ապրանք ներմուծելու իրավունքից:

ՀՀ-ի համարեղ ծրագրերը, որոնք կյանքի են կոչվել կամ մնացել են թղթի վրա

Ժամանակին բավականաչափ քննարկվում էր **Մեդրի-Նորդուզի սահմանային շուկայի հարցը**, որն արդյունավետ չգործեց՝ մեխանիզմների բացակայության և օրենսդրական դաշտում առկա հակասությունների պատճառով: Այն մի քանի անգամ բացվեց և փակվեց: Ըստ հայ-իրանական միջկառավարական հանձնաժողովի համանախագահ Ա. Մովսիսյանի. «...այն նպատակները, որ ունեինք, չիրականացան: Փաստորեն դա դարձել էր մի շուկա, որն արդյունք չստվեց»¹³:

2004 թ. Իրանում՝ Ջուլֆայում, ստեղծվեց «Արաս» **ազատ առևտրի գոտին**, որը ստեղծման առաջին տարիներին ոչ լիարժեք էր գործում: Ազատ առևտրի գոտին ազատված է հարկերից: Հարկային պարտավորություններն անհրաժեշտ չեն նաև արտահանման ժամանակ¹⁴: Այսօր արդեն նկատվում է առևտրի գոտու ակտիվությունը, որտեղ հայկական ընկերությունները ևս կարող են լավագույնս ներկայացնել իրենց արտադրանքը:

Հայ-իրանական բանակցություններում առանձնահատուկ տեղ էին զբաղեցնում **Քաջարան-Մեդրի թունելի վերաբերյալ** քննարկումները, որը սակայն ֆինանսական խնդիրների պատճառով չիրականացավ:

Հայաստան-Իրան հարաբերությունների հաստատումից ի վեր բանակցությունների օրակարգում է գտնվել **Հայաստան-Իրան երկաթգծի** կառուցման ծրագիրը, որը տնտեսական անվտանգության ևս մեկ երաշխիք կդառնա Հայաստանի համար: Բնականաբար քննարկումների հենց սկզբից էլ կող-

¹¹ ՀՀ մաքսային ծառայություն, ՀՀ արտաքին առևտուրն երկիր-ապրանք կտրվածքով (2010-2011 թթ.), <http://www.customs.am/Content.aspx?itn=csClcsa2011>.

¹² Ինչ ենք վաճառում Իրանին և ինչ ենք այնտեղից ներմուծում. ՀՀ-Իրան առևտրի իրական պատկերը (ինֆոգրաֆիկա, <http://b4b.am/news/25.01.2016> թ.):

¹³ Հարցազրույց ՀՀ էներգետիկայի և բնական պաշարների նախարար (2001-2014 թթ.), Հայ-իրանական միջկառավարական հանձնաժողովի համանախագահ (2006-2014 թթ.) Արմեն Մովսիսյանի հետ, հունիսի 15, 2013, Երևան:

¹⁴ Իրանը հայ գործարարներին լայն հնարավորություններ է առաջարկում սահմանամերձ «Արաս» ազատ առևտրի գոտում, 11.11.2014, <http://www.yerkirmedia.am/wap.php?act=news&lan=hy&id=23005>.

մերը գիտակցում էին, որ այն բավական ֆինանսներ պահանջող ծրագիր է, և որ դրա կառուցման մեջ երկու երկրներն էլ ունեն իրենց շահերը: Հայաստանը, այսպիսով, կարող է դուրս գալ շրջափակված վիճակից: Իրանը ցանկանում է այլընտրանքային ճանապարհ ունենալ դեպի Եվրոպա, ինչպես նաև խորացնել համագործակցությունը ԵԱՏՄ երկրների հետ: Սակայն Հայաստանի տարածքում կառուցվող երկաթգծի արժեքը որոշ տվյալներով կազմելու է 3 մլրդ 200 մլն դոլար, որը Հայաստանն այս պահին չի կարողանում հայթայթել¹⁵: Մինչև ժամանակ 2016 թ. փետրվարին Ադրբեջանի նախագահի Իրան կատարած այցի շրջանակներում ԻԻՀ-ի նախագահ Հ. Ռոհանին մամուլի ասուլիսի ժամանակ նշեց, որ մինչև 2016 թ. ավարտը Իրանի և Ադրբեջանի երկաթգծերը կմիավորվեն¹⁶: 2016 թ. դեկտեմբեր ամսվա տվյալներով դեռ այդ աշխատանքներն ավարտված չեն, և երկաթգծերի միանալուն դեռ շատ կիրումներ կան:

Հատկանշական է, որ Հայաստանն Իրանի համար դառնում է ցամաքային ճանապարհի այլընտրանք: 2016 թ. նոյեմբերի 23-ին Գերմանիայից Իրան հասան առաջին բեռները նոր, այլընտրանքային ճանապարհով: Բեռնափոխադրությունն իրականացվեց Սև ծովով, հասավ Փոթի նավահանգիստ, այնուհետև երկաթգծով Հայաստան՝ մինչև Երասխ կայարան, այնտեղից էլ բեռնատար մեքենաներով հասցվել է Իրան: Համաձայն Իրանի միջազգային տրանսպորտի ասոցիացիայի քարտուղար Ղոլամհոսեյն Ամիրի. «Բեռնափոխադրման ծախսը նոր ուղիով կազմեց 1-2% ավելի ցածր»¹⁷, քան Թուրքիայի տարածքով անցնելու դեպքում: Հաշվի առնելով, որ վերջին տարիներին Թուրքիայի տարածքով Եվրոպայից եկող բեռների տեղափոխումը խնդիրներ է առաջացնում, կարծում ենք, որ այս նոր ուղղությունը գերակա կդառնա Իրանի Իսլամական Հանրապետության համար: Իսկ տարիներ հետո հնարավոր է հավելյալ ֆինանսական հատկացումներ հայթայթելու պարագայում անդրադառնանք Հայաստան-Իրան երկաթգծի կառուց-

ման ծրագրին, ինչը շատ ավելի կհեշտացնի այդ բեռների փոխադրման գործընթացը:

Դեռևս 1992 թ. փետրվարի 9-ին կնքված հայ-իրանական հռչակագիրը ներառում էր էներգետիկ բնագավառում համագործակցության հարցեր: Առաջին անգամ **Հայաստան-Իրան գազատարի ծրագրի** գաղափարն արծարծվել է 1992 թ. միջկառավարական համաձայնագրում: 2007 թ. մարտի 19-ին ի վերջո բացվեց հայ-իրանական գազատարի առաջին հատվածը: ԻԻՀ-ի նախագահ Մահմուդ Ահմադինեժադը բարձր գնահատելով Հայաստանի հետ ձեռք բերված համաձայնություններն էներգետիկայի, գազի, նավթի և ջրային ռեսուրսների ոլորտներում, նշեց. «Այդ ծրագրերի իրականացումը կամրայնի երկու երկրների հարաբերությունները»¹⁸: Ըստ էության այս ծրագրով նախատեսվում էր ԻԻՀ-ից ստանալ գազ, որը վերածվելու էր էլեկտրաէներգիայի և արտահանվելու էր Իրան երկու երկրների միջև կառուցված **բարձրավոլտ էլեկտրահաղորդման** երկու գծերի միջոցով: Այսօր արդեն աշխատանքներ են տարվում բարձրավոլտ էլեկտրահաղորդման 3-րդ գծի կառուցման ուղղությամբ, որով էապես առաջընթաց կգրանցվի երկու երկրների միջև էներգետիկ համագործակցության բնագավառում: **Էլեկտրահաղորդման 3-րդ** գծի հիմնարկերը տեղի է ունեցել 2010 թ. և պետք է ավարտին հասցվի 2017 թ.: Իրան-Հայաստան 400կՎ երկշղթա օդային գծի՝ Հայաստանում կառուցվող հատվածի երկարությունը մոտ 279 կմ է: Իրան-Հայաստան 400 կՎ երրորդ էլեկտրահաղորդման գծի և «Նորավան» ենթակայանի կառուցումը հնարավորություն կտա երկու երկրների էներգահամակարգերի միջև էլեկտրաէներգիայի փոխանակման հզորությունը 350ՄՎտ-ից հասցնելու մինչև 1000ՄՎտ-ի¹⁹, որը կբարձրացնի առաջին հերթին Հայաստանի Հանրապետության էներգետիկ անվտանգության մակարդակը: Այս ծրագիրը կյանքի կոչելը հնարավորություն կընձեռի տարածաշրջանի էներգետիկ համակարգերին միանալու իրար և

¹⁵ Հայաստան-Իրան երկաթգծի 3 մլրդ 200 մլն-ոց ծրագրի համար ներդրում է անհրաժեշտ <http://galatv.am/hy/news/3-200/>.

¹⁶ Рухани: Железные дороги Ирана и Азербайджана будут соединены к концу года <http://kavkasia.net/Azerbaijan/2016/1456259604.php>.

¹⁷ 1st European Cargo Bypasses Turkey to Reach Iran, November 22, 2016, <https://financialtribune.com/articles/domestic-economy/54005/1st-european-cargo-bypasses-turkey-to-reach-iran>.

¹⁸ Президент ИРИ: Иран не видит никаких преград на пути дальнейшего развития взаимоотношений с Арменией, 20 марта 2007, http://www.iran.ru/rus/news_iran.php?act=news_by_id&news_id=45638.

¹⁹ Հայ-իրանական էլեկտրահաղորդման 3-րդ գծի կառուցման համար իրանական կողմը կտրամադրի 107,9 մլն եվրո գումար, 13.08.2015, <http://armenpress.am/arm/news/815250/hay-iranakan-elektrahaxordman-3-rd-gtsi-karucman-hamar.html>.

առանց խոչընդոտների անհրաժեշտության դեպքում միմյանց փոխանցելու էլեկտրաէներգիա:

Այսօր արդեն քննարկվում է նաև գազի հետ կապված նոր ծրագիր: 2016 թ. օգոստոսի 4-ի ՀՀ կառավարության որոշման համաձայն՝ կատեղծվի «Էներգախիմպէքս» փակ բաժնետիրական ընկերությունը, որը հնարավորություն կընձեռի ավելացնելու բնական գազի ներկրումն Իրանի տարածքից՝ առավել արդյունավետ դարձնելով Իրան-Հայաստան գազամուղի օգտագործումը²⁰: Հետագայում փորձ է արվելու իրանական գազը Վրաստան արտահանելու, ինչն իրականում ձեռնտու է բոլոր կողմերին: Վրաստանը հնարավորություն կստանա բազմազան դարձնելու գազի ներկրման աղբյուրը՝ ի հակակշիռ ադրբեջանականի: Հայաստանը, հանդիսանալով տարանցիկ երկիր, կստանա տարանցիկության վճար կամ դրան համարժեք գազ, որը կհոգա նրա էներգետիկ անվտանգության խնդիրները: Իրանն իր հերթին կմեծացնի գազի արտահանման աշխարհագրությունը:

1998 թ. սկսած՝ շարունակվում են **էլեկտրաէներգիայի փոխշահավետ սեզոնային փոխանակումները**: Հայաստանն ամառային ամիսներին էլեկտրաէներգիա է տրամադրում Իրանին, փոխարենը այն ստանում է ձմեռային ամիսներին:

Հայաստան-Իրան էներգետիկ համագործակցության մեկ այլ ծրագիր է Հայաստանի տարածքում համատեղ **նավթավերամշակման գործարանի** կառուցումը: Այն եռակողմ ձևաչափ ուներ՝ Հայաստան-Ռուսաստան-Իրան: Նախատեսվում էր Հայաստանում իրանական նավթի բազայի վրա կառուցել նավթավերամշակման գործարան: Այս պայմանագիրն առայժմ սառեցված է, որի հիմնական պատճառը թերևս նավթի գնի շուրջ եղած անհամաձայնությունն է²¹:

Կողմերը որոշեցին մեկ այլ ծրագիր իրականացնել՝ **պատ-րաստի նավթամթերքներ** տեղափոխել Հայաստան՝ Թավրիզ-Արարատ ձգվող 8 մատնաչափ տրամագծով խողովակաշարով, որը բավարարելու է Հայաստանի պահանջարկը: Միջազգային նավթային շուկայում տեղի ունեցող փոփոխություններն

²⁰ Կատեղծվի «Էներգախիմպէքս» ընկերություն, 4 օգոստոս 2016, <http://www.gov.am/am/news/item/12562/>.

²¹ Տեղեկանք Հայ-իրանական տնտեսական համագործակցության համատեղ նիստի քննարկմանը ներկայացվող հարցերի մասին, ՀՀ ԱԳՆ, պատմադիվանագիտական բաժին, գործ 84, էջ 95:

անկայուն իրավիճակ են ստեղծել նավթամթերքների գնագոյացման ոլորտում: Նախագծման աշխատանքներն ավարտվել են, վերջնականապես հստակեցվում են խաղի կանոնները²² (Ի.Գ.-Խոսքը վերաբերում է նավթի գնին, և փոխադրման ծախսերին: Այս ծրագիրը դեռևս ամբողջովին օրակարգից դուրս չի եկել):

Իրանական կողմը մեծ ցանկություն ունի ներգրավվելու Հայաստանում **հողմակայանների կառուցման** գործում, ինչի համար 2,5 մլն դոլար դրամաշնորհ է տրամադրել, որպեսզի փորձնական հողմակայան կառուցեն Պուշկինի լեռնանցքում²³: Այն շահագործման է հանձնվել 2006 թ.: Այսօր ևս քննարկվում են այդ ոլորտում համագործակցության խորացման հարցեր:

Երկու երկրների միջև էներգետիկ ոլորտի համագործակցության հաջորդ հատման կետը **Արաքս գետի վրա կառուցվող հէկ-երն են**: Այն լինելու է երկու հիդրոէլեկտրակայանից բաղկացած կասկադ, մեկը Հայաստանի կողմում՝ Մեղրիում, մյուսը՝ Ղարաչիլանում՝ Իրանում: Շինարարության ամբողջ ֆինանսական խնդիրը կլուծի իրանական կողմը, որը հէկ կառուցելուց հետո, 15 տարի կշահագործի այն և արտադրված էներգիայով հետ կվերցնի իր ներդրումը, որից հետո Մեղրիի հէկ-ը սեփականության իրավունքով կհանձնվի Հայաստանի Հանրապետությանը²⁴: Մեղրու հէկ-ի կառուցման հիմնարկեքն արվեց 2013 թ. նոյեմբերի 8-ին, իրականացվել են գեոդեզական աշխատանքները, սակայն դեռևս 2016 թ. դրությամբ շինարարական բուն աշխատանքները չեն սկսվել, որը բացատրվում է իրանական կողմի ոչ բավարար ֆինանսական հատկացումներով:

Հայաստանի անկախացումից ի վեր **զբոսաշրջությունը** հայտարարվեց մեր երկրի տնտեսության առանցքային ճյուղերից մեկը: Եթե անկախության տարիներին Իրանից Հայաստան այցելում էին բացառապես իրանահայեր, քաղաքական

²² Հարցազրույց ՀՀ էներգետիկայի և բնական պաշարների նախարար (2001-2014 թթ.), Հայ-իրանական միջկառավարական հանձնաժողովի համանախագահ (2006-2014 թթ.) Արմեն Մովսիսյանի հետ, հունիսի 15, 2013, Երևան:

²³ Пути эффективной интеграции энергосистем стран Южного Кавказа, Баку, Ереван, Тбилиси, 2004, с. 43.

²⁴ Սարիբեկյան Գ., Երկվորյակ ՀԷԿ-ը շուտով լույս աշխարհ կգա, 17/09/2010, <http://www.hrparak.am/2010/09/17/erkvoryak-heke-shutov-luys-ashxarh-kg/>.

գործիչներ և առևտրի ոլորտի ներկայացուցիչներ, ապա արդեն 2000-ականների սկզբներից Իրանի քաղաքացիները սկսեցին աստիճանաբար բացահայտել իրենց հարևան երկրին: Հայաստանն իրանցիների կողմից լայնածավալ սկսեց բացահայտվել 2008 թ.-ից: Այսպիսով, 2006 թ. Հայաստանի սահմանը հատել են մոտավորապես 30 հազար իրանցի, 2007 թ.՝ մոտ 40 հազար, 2008 թ.՝ մոտ 43 հազար, 2009 թ.՝ մոտ 87 հազար, 2010թ. մոտ 120 հազար, 2011թ. մոտ 134 հազար²⁵:

2012 թ. նկատվեց իրանցիների հոսքի նվազում, որը հիմնականում կապված է Իրանի նկատմամբ իրականացված պատժամիջոցների հետ, որն արդեն ազդում էր քաղաքացիների վրա, քանզի իրանական ռեալը օրօրի արժեզրկվում էր:

2016 թ. ՀՀ-ն և ԻԻՀ-ն որոշեցին վերացնել մուտքի արտոնագրերը երկու երկրների միջև: «Քաղաքացիների առանց մուտքի արտոնագրերի այցելությունների մասին» փոխըմբռնման հուշագիրը վավերացնելու հարցը քննարկվեց և ընդունվեց խորհրդարանում: Նախատեսվում է, որ այցելությունների ժամանակ քաղաքացին առավելագույնը մինչև 90 օր կարող է գտնվել տվյալ երկրում²⁶: Դա կարող է լինել անընդհատ 90 օր, կարող է լինել ընդհատումներով 180 օրվա ընթացքում: Առանց վիզայի ռեժիմը բնականաբար կխթանի զբոսաշրջիկների նոր հոսք ու կստեղծի առավել նպաստավոր պայմաններ ՀՀ-ի և ԻԻՀ-ի քաղաքացիների փոխադարձ այցելությունների համար:

ԵԶՐԱԿԱՑՈՒԹՅՈՒՆ

1. Իրանի նկատմամբ պատժամիջոցների չեղարկումից հետո Հայաստանում կարծում էին, թե Իրանը կվերանայի տնտեսության ոլորտում իր նախկին քաղաքականությունը, հատկապես հարևան երկրների նկատմամբ: Ցավոք մինչ այս պահը դեռ Իրանը վարում է սեփական արտադրանքի հովանավորման քաղաքականությունը, ինչով դժվարացնում է այլ երկրների մուտքն իրանական շուկա:
2. Առևտրատնտեսության ոլորտում հարաբերությունների

²⁵ Հարցազրույց ՀՀ էկոնոմիկայի նախարարության զբոսաշրջության և տնտեսական զարգացման վարչության պետ Մեխակ Ապրետյանի հետ, ապրիլի 3, 2012 թ., Երևան:

²⁶ Հայաստանի Հանրապետության Սահմանադրական դատարանի որոշումը, 14.06.2016 թ., [http://www.concourt.am/armenian/decisions/ common /2016/pdf/sdv-1281.pdf](http://www.concourt.am/armenian/decisions/common/2016/pdf/sdv-1281.pdf).

խորացման միակ կովան կարող է հանդիսանալ որոշ ապրանքատեսակների նկատմամբ երկուստեք արտոնյալ պայմանների ստեղծումը:

3. Թե՛ Իրանը և թե՛ Հայաստանն ըստ էության շահագրգռված են տնտեսական հարաբերությունների զարգացման հարցով: Իրանը կարող է օգտվել Հայաստանի՝ ԵԱՏՄ-ի անդամակցությունից և ԵՄ արտոնյալ համագործակցությունից՝ իր ապրանքներն այդ շուկաներ առավել բարենպաստ ռեժիմով հասցնելու համար:
4. Հայաստանը պետք է առանց արգելքի իր ապրանքները ներկրի Իրան և նաև Իրանի տարածքով դուրս գա այլ շուկաներ:
5. Այսօր հայ-իրանական գազամուղն աշխատում է ոչ իր ամբողջական հզորության չափով: 3-րդ բարձրավոլտ էլեկտրահաղորդման գծի, իսկ հետագայում նաև 4-րդի կառուցմամբ հայ-իրանական էներգետիկ ոլորտում մենք նոր որակ և ռազմավարական հեռանկարներ կարող ենք արձանագրել:
6. Զբոսաշրջության ոլորտում անհրաժեշտություն է նկատվում խորացնելու աշխատանքները տուրօպերատորների, հյուրանոցների հետ: Հատկապես մարտ ամսին անհրաժեշտություն է զգացվում համակարգելու ժամանող իրանցիների խմբերի այցը, կազմակերպելու տարատեսակ միջոցառումներ: Բնականաբար, այդ օրերին ՀՀ ոստիկանության և Ազգային անվտանգության մարմիններն առավել ինտենսիվ աշխատանք պետք է իրականացնեն՝ կանխելու հնարավոր առաջացած խնդիրները:

ԵՎԱ ՀԱՐՈՒԹՅՈՒՆՅԱՆ

ՃԱՊՈՆԻԱՅԻ ՏՆՏԵՍԱԿԱՆ ՀԱՐԱԲԵՐՈՒԹՅՈՒՆՆԵՐԸ
ՍԱՌԻԴՅԱՆ ԱՐԱՔԻԱՅԻ ՀԵՏ

Սաուդյան Արաբիան և Ճապոնիան ռազմավարական գործընկերներ են: Երկկողմ հարաբերությունները, որոնք ունեն ավելի քան 60 տարվա պատմություն, հիմնված են փոխշահավետության, երկու երկրների միջև բարեկամության և սերտ համագործակցության վրա: Իհարկե, առաջին հերթին Ճապոնիային հետաքրքրում է Սաուդյան Արաբիան իր նավթային մեծ պաշարներով: Երկու կողմերը մեծ տեղ են տալիս համաշխարհային նավթային շուկայի կայունությանը, որտեղ Սաուդյան Արաբիան խաղում է կարևոր դեր՝ լինելով աշխարհի ամենամեծ նավթային պաշարներն ունեցող պետությունը և ՕՊԵԿ-ի կարևոր անդամ-պետություններից մեկը: Ճապոնիան Սաուդյան Արաբիայի երկրորդ ամենամեծ առևտրային գործընկերն է ԱՄՆ-ից հետո, որից ստանում է իր նավթային ներկրումների 24.8%-¹ը, իսկ Տոկիոն իր հերթին ներդրումների տեսքով աջակցում է Սաուդյան Արաբիայի տնտեսության զարգացմանը:

Ճապոնիայի և Սաուդյան Արաբիայի միջև դիվանագիտական հարաբերությունները հաստատվել են դեռևս 1955 թ., որին այնուհետև հաջորդեց տնտեսական հարաբերությունների հաստատումը: Արդեն 1957 թ. Ճապոնիան ներգրավվեց նավթի արդյունահանման գործընթացի մեջ: Ծագող արևի երկիրն իր մեծ կապիտալի շնորհիվ կարողացավ ստեղծել «Արաբիեն օյլ» ("Arabian Oil") նավթային ընկերությունը², որը մտավ «Յոթ քույրեր» միջազգային նավթային կարտելի կազմի մեջ³ և մերձավորարևելյան տարածաշրջանում առկա ամերիկյան ու անգլիական նավթային մենաշնորհների մրցակցության պայման-

¹ Saudi Arabia remains Japan's top oil supplier, 01.03.2016, <http://english.alarabiya.net/en/business/energy/2016/03/01/Saudi-Arabia-remains-Japan-s-top-oil-supplier.html>

² Озолинг В., Экономика Саудовской Аравии, М., 1975, с. 125.

³ Peterson J., The Politics of Middle Eastern Oil, Washington, 1983, p. 3.

ներում իրավունք ստացավ հետախուզական աշխատանքներ ծավալելու Ծոցի ծովափնյա շրջաններում: «Արաբիեն օյլ»-ը 1957 թ. կոնցեսիոն պայմանագիր ստորագրեց Սաուդյան Արաբիայի, իսկ 1958 թ. հուլիսին՝ Քուվեյթի հետ⁴ Սաուդյան Արաբիայի ու Քուվեյթի սահմանագծում տեղակայված «Չեզոք գոտում» հետախուզական աշխատանքներ իրականացնելու նպատակով⁵: Հետախուզական աշխատանքների արդյունքում 1960 թ. «Արաբիեն օյլ»-ը հայտնաբերեց «Խաֆջի» նավթահանքը⁶ և կոնցեսիոն հիմունքով սկսեց իրականացնել նավթի արդյունահանում, մշակում և վաճառք⁷: «Խաֆջի» նավթահանքը մտնում է աշխարհի 30 ամենախոշոր նավթահանքերի ցանկի մեջ, որի նավթային պաշարները հաշվարկվում են ավելի քան 500 մլն բարել: Այս նավթահանքից արդյունահանված վառելանյութի 90%-ն «Արաբիեն օյլ»-ն արտահանում է Ճապոնիա, ինչն ապահովում է Ճապոնիայի նավթային պահանջարկի 40%-ը⁸: 1961 թ. մինչ օրս «Արաբիեն օյլ» ընկերությունն արդյունահանել է ընդհանուր առմամբ 3.9 մլրդ բարել նավթ, որից 2.8 մլրդ-ն առաքվել է Ճապոնիա: Հետևաբար «Արաբիեն օյլ»-ից ստացված ողջ եկամտի 80%-ը բաժին է հասնում Ճապոնիային, իսկ մնացած 20%-ը հավասարապես բաժանվում է Սաուդյան Արաբիայի և Քուվեյթի միջև⁹:

Հետագա հետախուզական աշխատանքների արդյունքում 1963 թ. «Արաբիեն օյլ»-ը հայտնաբերեց «Հոութ»-ը, որտեղից օրական արդյունահանում էր 2,160 բարել նավթ¹⁰, իսկ 1967 թ.

⁴ Քանի որ Քուվեյթը համարվում էր Մեծ Բրիտանիայի պրոտեկտորատը, Տարո Յամաշիտան՝ «Արաբիեն օյլ»-ի հիմնադիր տնօրենը, ստիպված էր գնալ Լոնդոն՝ «Չեզոք գոտում» հետախուզական աշխատանքներ ծավալելու համար թույլտվություն ստանալու նպատակով: Մանրամասն տե՛ս Sharikat al-Zayt al-Arabiya al-Mahdudah, The 35-year History of the Arabian Oil Company, 1958-1993: A Bridge between the Arabian Gulf and Japan in War and Peace, 1995, p. 45.

⁵ Venn F., Oil Diplomacy in the Twentieth Century, London, 1986, p. 126.

⁶ Longrigg S., Oil in the Middle East, Its Discovery and Development, London, 1968, p. 311.

⁷ Sharikat al-Zayt al-Arabiya al-Mahdudah, նշվ. աշխ., էջ 54:

⁸ Озолинг В., նշվ. աշխ., էջ 127:

⁹ Obaid N., The Oil Kingdom at 100, Petroleum, Policymaking in Saudi Arabia, Policy Papers, Washington Institute for Near East Policy, Washington, 2000, p. 58.

¹⁰ Նավթի արտահանումը «Հոութ» նավթահանքից սկսեց իրականացվել

«Լույլ» նավթահանքը և «Դորա» կոչվող բնական գազի հանքերը¹¹:

Ճապոնական «Արաբիեն օյլ» ընկերության նավթի արդյունահանման ծավալները տարեցտարի ավելանում էին՝ պահանջելով նոր ներդրումներ: Խնդիրն այն է, որ «Խաֆջի» նավթահանքից արդյունահանված նավթը մեծ քանակությամբ նստվածք է պարունակում, որից մաքրագտելու համար Ճապոնիայի նավթամշակման արդյունաբերությունը բավական հզոր էր և ի վիճակի էր վերամշակման ենթարկելու օրեցօր աճող արդյունահանվող նավթի քանակը (տե՛ս աղյուսակ 1): Այդ պատճառով որոշվեց 1965 թ. կնքել համաձայնագիր «Արաբիեն օյլ»-ի և ճապոնական մի խումբ ընկերությունների միջև՝ «Ֆուջի օյլ» ("Fuji oil") ընկերություն ստեղծելու վերաբերյալ, որը 1969 թ. Տոկիոյում սկսեց կառուցել նավթամշակման գործարաններ՝ տարեկան 4 մլն տոննա հզորությամբ:

1966 թ. ճապոնական «Արաբիեն օյլ» ընկերությունը, Քուվեյթի և Սաուդյան Արաբիայի կառավարությունների հետ համաձայնեցնելով, կնքեց «Նիպոն գազոլին կոմպանի օՖ Ջապան»-ի ("Nippon Gasoline Company of Japan") հետ պայմանագիր Սաուդյան Արաբիայում նավթի վերամշակման գործարան կառուցելու վերաբերյալ: Նախատեսվում էր նավթի արդյունահանման քանակին զուգընթաց աստիճանաբար մեծացնել վերամշակման գործարանի հզորությունը¹²: Այսպես՝ 1960 թ. Ճապոնիան Սաուդյան Արաբիայի Զիդդա և Էր-Ռիյադ քաղաքներում, իսկ 1980 թ.՝ Յանբույում կառուցեց նավթի վերամշակման գործարաններ: Ավելին՝ Սաուդյան Արաբիան 1976-1985 թթ. ընթացքում նավթի վերամշակման ոլորտի զարգացման համար հատկացրեց 16.2 մլրդ դոլար, որի շնորհիվ 1970-1988 թթ. ընթացքում սաուդյան նավթի վերամշակման գործարանների հզորությունն աճեց համարյա 3 անգամ՝ հասնելով 483 մլն բարելի: Սաուդյան Արաբիան այս ցուցանիշով զբաղեցնում է երկրորդ տեղը ողջ Ասիա-աֆրիկյան տարածաշրջանում՝ զիջելով միայն Ճապոնիային (1.5 մլրդ բարել ցուցանիշով)¹³:

1969 թ.: Մանրամասն տե՛ս Sharikat al-Zayt al-Arabiyyah al-Mahdudah, նշվ. աշխ., էջ 67:

¹¹ Arabian Oil Company, <http://www.aoc.co.jp/e/his/history.html>.

¹² "Middle East Economic Digest", London, 1969, 13, N 50, p. 1536, Озолинг В., նշվ. աշխ., էջ 131:

¹³ Кулямзин А., Страны Персидского залива, иммиграция и классовая структура, М., 1990, с. 38.

Աղյուսակ 1

«Արաբիեն օյլ»-ի նավթի արդյունահանման քանակը 1961-1974 թթ. (մլն բարել)			
1961 թ.	3.5	1968 թ.	51.8
1962 թ.	10.5	1969 թ.	65.61
1963 թ.	22.4	1970 թ.	63.7
1964 թ.	30.1	1971 թ.	92.4
1965 թ.	31.5	1972 թ.	105.7
1966 թ.	45.5	1973 թ.	95.9
1967 թ.	47.6	1974 թ.	99.4
* Ներառում է նաև Սաուդյան Արաբիայի չափը (50%)			
Աղբյուրը՝ Middle East Economic Digest, London, 1969-1973; Бюллетень иностранной коммерческой информации, М., 1972-1973.			

1975 թ. Սաուդյան Արաբիայի և Ճապոնիայի միջև ստորագրվեց տեխնոլոգիական համագործակցության պայմանագիր՝ նավթաքիմիական ոլորտի զարգացման նպատակով միասնական ընկերություն ստեղծելու մասին: Արդյունքում ստեղծվեցին երկու միասնական ճապոնա-սաուդյան ընկերություններ՝ «ԱՐ-ՌԱԶԻ ՄԵԹԱՆ»-ը ("AR-RAZI METAN") (1979 թ.) և «ՇԱՐԳ»-ը ("SHARQ") (1981 թ.)¹⁴: «ԱՐ-ՌԱԶԻ ՄԵԹԱՆ» ընկերությունը սկսել է մեթան արդյունահանել 1983 թվականից, որն այժմ մեթանի արդյունահանման ամենամեծ ընկերությունն է աշխարհում: Ինչ վերաբերում է «ՇԱՐԳ» ընկերությանը, ապա այն ստեղծվել է ճապոնական «Միցուբիշի» ("Mitsubishi") և «Սաուդի բեյսիք ինդաստրիա կորպորեյշն»՝ ՍԱԲԻԿ ("Saudi Basic Industries Corporation" (SABIC) ընկերությունների միասնական ջանքերի արդյունքում¹⁵: Ընկերությունն անվանվեց «Արևելյան նավթաքիմիական ընկերություն» ("Eastern Petrochemical Company"), սակայն հակիրճ այն հայտնի է

¹⁴ Yamada M., Gulf-Asia Relations as "Post-Rentier" Diversification?: The Case of the Petrochemical Industry in Saudi Arabia, Journal of Arabian Studies, London, 2011, p. 110.

¹⁵ Mitsubishi Corporation, Sharq, The Saudi Arabian Petrochemical Project: A Testament to Strong Japan-Saudi Ties, Endeavour, Volume 3, www.mitsubishicorp.com/jp/en/mclibrary/brojectstory.

«ՇԱՐՔ» անվամբ: Այն սկսեց առևտրով զբաղվել 1985 թվականից: Վերոնշյալ երկու ընկերությունները՝ «ԱՐ-ՌԱԶԻ ՄԵԹԱՆ»-ը և «ՇԱՐՔ»-ը, աջակցություն են ստանում Ճապոնիայի կառավարությունից, որը տեխնոլոգիաների տրամադրման դիմաց նավթ է ստանում:

1998 թ. հոկտեմբերին արքայազն Աբդուլա բին Աբդուլ Ազիզն այցելեց Ճապոնիա, որի արդյունքում ստորագրվեց Ճապոնիա-Սաուդյան Արաբիա համագործակցության վերաբերյալ համաձայնագիրը: Ըստ այդ համաձայնագրի՝ նախատեսվում էր 2003 թ. Զիդդա քաղաքում կառուցել «Ավտոմեքենաների տեխնիկական վերապատրաստման» ինստիտուտ, որտեղ երիտասարդ սաուդցիները կարող են սովորել մեքենայի վերանորոգման հիմնական հմտությունները:

Սաուդյան Արաբիան շահագրգռված է իր երկրում ճապոնական ներդրումների մեծացման հարցով և ստեղծում է բարենպաստ պայմաններ, ինչը շահագրգռում է Ճապոնիային նոր ներդրումներ կատարելու հարցում: Այսպես՝ Սաուդյան Արաբիան հանել է մասնավոր եկամտահարկը, իսկ կորպորատիվ հարկը չի գերազանցում 20%-ը: Ավելին՝ սաուդյան արտարժույթը՝ ռիյալը, աշխարհի ամենակայուն արտարժույթներից մեկն է, որը նույնպես խթանիչ գործոն է ներդրում երկրների համար: Սաուդյան Արաբիան ներդրումների համար բարենպաստ պայմաններ է ստեղծել հատկապես առողջապահության, հեռուստահաղորդակցության և տեղեկատվական տեխնոլոգիաների ոլորտներում, որտեղ իր «խոսքը», անշուշտ, կարող է ասել Ճապոնիան՝ լինելով տեխնոլոգիայես զարգացած պետություն: Սաուդյան Արաբիան իր հերթին մեծապես գնահատում է ճապոնական բարձրորակ ապրանքատեսակները և շահագրգռված է Ճապոնիայի հետ փոխհամագործակցության հարցով:

2007 թ. Ճապոնիայի վարչապետ Սինձո Աբեն Սաուդյան Արաբիա կատարած իր այցելության ժամանակ հայտարարեց, որ Ճապոնիայի ներդրումների քանակը Սաուդյան Արաբիայում հետզհետե աճում է, և նախատեսվում է ներդրումները 2 մլրդ դոլարից հասցնել մինչև 20 մլրդ դոլարի: Հատկանշական է, որ 2006 թ. դրությամբ 3.5 մլրդ դոլարի ներդրումով Ճապոնիան դարձավ Սաուդյան Արաբիայի ամենամեծ ներդրողը: Այսպիսով, 2000-2005 թթ. ընթացքում Ճապոնիան դարձավ Սաուդյան Արաբիայի ամենախոշոր ներդրումներ կատարող պետությունը՝ 5 տարվա ընթացքում կատարելով 15 մլրդ դոլարի ներ-

դրում և հետևում թողնելով նույնիսկ ԱՄՆ-ին՝ 6 մլրդ դոլար ներդրումով:

Ճապոնական ընկերություններն ակտիվ ներդրումներ են անում Սաուդյան Արաբիայի տնտեսության զանազան ոլորտներում, իսկ «Ջապան բանկ ֆոր ինթերնեյշնալ կոոպերեյշն»-ը (ԶԲԻԿ) ("Japan Bank for International Cooperation" (JBIC) մի շարք նախագծերի գլխավոր ֆինանսավորողն է: Ծագող արևի երկիրն ակտիվորեն մասնակցում է նաև Սաուդյան Արաբիայի Ռաբիդ քաղաքում նավթաքիմիական գործարանի կառուցմանը, որն իրականացնում են ճապոնական «Սումի-տոմո քեմիկալ կորպորեյշն»-ը ("Sumimoto Chemical Corporation") և «Սաուդի Արաբիա օյլ կոմպանի»-ն ("Saudi Arabia Oil Company"): Այս նախագիծը ֆինանսավորում են «Միցուբիշի կորպորեյշն»-ը և ԶԲԻԿ բանկը: Նախագծին աջակցում են նաև «Մարուբենի կորպորեյշն», «Իտոչու» և «Ջափան գազոլին կորպորեյշն» ("Japan Gasoline Corporation") ընկերությունները, որոնք կառուցում են ջուր մատակարարող մեծ գործարան՝ Ռաբիդ նավթաքիմիական գործարանին ջրով ապահովելու նպատակով¹⁶:

Ճապոնիայի վարչապետն իր Սաուդյան Արաբիա կատարած այցելության ժամանակ (2007 թ.) հայտարարեց նաև, որ Ճապոնիա – Սաուդյան Արաբիա հարաբերությունները չպետք է հիմնվեն միայն տնտեսական հարաբերությունների վրա, այլ պետք է դառնան բազմակողմանի՝ նշելով ռազմավարական հարաբերություններ կառուցելու անհրաժեշտության մասին: Ավելին՝ երկու կողմերը ողջունեցին ԾՀԽ-Ճապոնիա ազատ առևտրի պայմանագրի կնքումը, որտեղ մեծ տեղ է տրվում տնտեսության, ներդրումների, ավիացիայի, շրջակա միջավայրի, տեխնոլոգիայի, մշակույթի, կրթության և գիտության, սպորտի և երիտասարդության հարցերի շուրջ համագործակցությանը: Վարչապետը կարևորեց երկու կողմերի միասնական ջանքերը մերձավորարևելյան խնդիրներին խաղաղ ճանապարհով լուծում տալու հարցում: Այսպիսով, թե՛ Ճապոնիան, թե՛ Սաուդյան Արաբիան շահագրգռված են, որպեսզի մերձավորարևելյան պետությունները միանան «Միջուկային զենքի չտարածման վերաբերյալ» պայմանագրին, ինչը տարածաշրջանի անվտանգության պահպանման երաշխիք կհանդի-

¹⁶ Petro Rabigh Petrochemical Complex, Saudi Arabia, <http://www.chemicals-technology.com/projects/rabigh/>.

սանա: Կողմերը համագործակցում են նաև անվտանգության, ծովային ուղիների հաղորդակցության, ծովահենների դեմ պայքարում¹⁷:

Ճապոնիան Սաուդյան Արաբիայում իրականացնում է նաև մի շարք շինարարական նախագծեր: Այսպես, ճապոնական «Սոիջիտս կորպորացիա»-ն 2004 թ. մայիսի 25-ին պայմանագիր կնքեց «Սաուդի էլեքթրիք» ("Saudi Electric") ընկերության հետ՝ Ջիդդա քաղաքում էլեկտրակայան կառուցելու վերաբերյալ: Նախագիծը ստացավ «Շոաիբա 2» անվանումը: Հատկանշական է, որ «Շոաիբա 1» էլեկտրակայանը կառուցվել էր դեռևս 1999 թ.: Վերոնշյալ էլեկտրակայանները պետք է ապահովեն էլեկտրաէներգիայով երկրի արևմտյան շրջաններին¹⁸:

Ճապոնիան ներգրավված է նաև էթիլեն-գլիցերինի գործարանի կառուցման գործընթացում: Ճապոնական «Տոյո էնջինիերինգ կորպորեյշն» ("Toyo Engineering Corporation") ընկերությունը 402 մլն դոլար արժողությամբ պայմանագիր է կնքել ՍԱԲԻԿ-ի հետ՝ էթիլեն-գլիցերինի գործարան կառուցելու վերաբերյալ¹⁹: Գործարանը կառուցվում է Սաուդյան Արաբիայի արևմտյան մասում՝ Յանբու քաղաքում: Հատկանշական է, որ «Տոյո էնջինիերինգ կորպորեյշն»-ն արդեն փորձ ունի Սաուդյան Արաբիայում էթիլեն-գլիցերինի գործարան կառուցելու հարցում: Նախկինում Սաուդյան Արաբիայում կառուցվել են ևս չորս նմանատիպ գործարաններ:

Ճապոնական «Սումիմոտո կորպորեյշն»-ը կառուցում է Ռաս ալ Ջուրում 6 մլրդ դոլար արժողությամբ ջրի մաքրագործման գործարան, որն ունենալու է 850-1100 մեգավատտ հզորություն: Գործարանի բաժնետոմսերի 40%-ը պատկանում է Սաուդյան Արաբիայի կառավարությանը, 20%-ը՝ ճապոնական «Սումիտոմո» ընկերությանը, մնացածը՝ երկու մալայզիական ընկերությունների²⁰:

¹⁷ Joint Statement between the Kingdom of Saudi Arabia and Japan, http://www.mofa.go.jp/region/middle_e/pmv0704/joint_saudi.html.

¹⁸ Shoaiba Oil-Fired Power Plant, Saudi Arabia, <http://www.power-technology.com/projects/shoaiba/>.

¹⁹ World's Largest EO/EG Plant in Saudi Arabia Awarded to TEC, 31.05.2002, <http://www.toyo-eng.com/jp/en/company/news/?n=29>.

²⁰ John Sfakianakis, Prudent overspending: Saudi state spending and signs of recovery, ArabNews, 28.10.2009, <http://www.arabnews.com/node/329421#>.

2005 թ. օգոստոսի 22-ին «Ջափան գազոլին կորպորեյշն»-ը հայտարարեց, որ ճապոնական «Մարուբենի կորպորեյշն»-ի և սաուդյան «Ալջոմայ հոլդինգ»-ի ("Aljomain Holding") հետ կնքել է պայմանագիր Սաուդյան Արաբիայի նավթի և գազի համալիրներին էլեկտրաէներգիա մատակարարելու վերաբերյալ: Համալիրները տեղակայված են Սաուդյան Արաբիայի արևելյան մասում՝ Աբքաիք, Հավիյայ և Ռաս Տանուրա շրջաններում, և պատկանում են «Սաուդի Արամկո»-ին: Կառույցը, որը գնահատվում է 650 մլն դոլար, նախատեսվում է ավարտին հասցնել 2016 թ.²¹:

Ճապոնիան մասնակցում է նաև Սաուդյան Արաբիայի «Հյուսիս-հարավ» երկաթգծի կառուցման գործընթացին: Երկաթգիծն ունենալու է 1418 կմ երկարություն (ծգվում է Էր-Ռիյադից մինչև Հադիթա քաղաք): Այն նախատեսվում է դառնալ տարածաշրջանի ամենաերկար երկաթգիծը: Վերջինս կունենա տնտեսական մեծ նշանակություն, քանի որ զբաղվելու է ոչ միայն ուղևորափոխադրմամբ, այլև ապրանքափոխադրմամբ: Երկաթգծի կառուցման մեջ ներգրավված են նաև մի շարք օտարերկրյա ընկերություններ: Այսպես, Ազ Զաբիրայից դեպի Ռաս ալ-Խաիր ձգվող մասը, որը կազմում է 576 կմ, կառուցում է «Սաուդի բին Լադեն» խումբը երկու գերմանական ընկերությունների հետ միասին: Մյուս մասը, որը ձգվում է Ազ Զաբիրայից մինչև Ալ-Նաֆուդ անապատը՝ 440 կմ երկարությամբ, կառուցում են «Չայնա ռեյլվեյ էիթինթի բյուրոու» ("China Railway 18th Bureau") և «Ալ սուվաիկեթ կորպորեյշն» ("Al Suwaiket Corporation") ընկերությունները: Ճապոնական «Միցուի» ընկերությունն ավստրիական «Բարբլեյ մուլեու» ("Berkeley Mouleu") և սաուդյան «Ալ Ռաշիդ Թրեյդինգ ընդ քոնթրաքթինգ կորպորեյշն»-ի ("Al Rashid Trading and Contracting Corporation") հետ միասին կառուցում են երկաթգծի 818 կմ հատվածը, որը ձգվում է հյուսիսից՝ Հադիթա և Ջալամիդ գյուղաքաղաքներից դեպի հարավ: Այս երկու գյուղաքաղաքներից դուրս եկող երկաթգծերը միանալու են Բոսայադայում և շարունակվելու են դեպի Նաֆուդ: Բոսայադայից ձգվող երկաթգծերից մեկը

²¹ Saudi Arabia: Japan's JGC leads consortium to secure US\$650 million contract to supply Aramco power and steam, 17.09.2013, <http://energyasia.com/saudi-arabia-japans-jgc-leads-consortium-secure-us650-million-contract-supply-aramco-power-steam/>.

կհասնի էր-Ռիյադ, իսկ մյուսը՝ Ռաս ալ Զուր, որը գտնվում է Օոցի ավիին:

Բացի այդ, Ճապոնիան և Սաուդյան Արաբիան համագործակցում են ռազմական ոլորտում, որը տեղի է ունենում Սաուդյան Արաբիայի զորքերի և Ճապոնիայի ինքնապաշտպանական ուժերի միջև պարբերաբար փոխանակման ծրագրերի իրականացման միջոցով: Երկու կողմերը կարևորում են ՄԱԿ-ի դերը Մերձավոր Արևելքում խաղաղություն և կայունություն հաստատելու, մասնավորապես պաղեստինյան խնդրի շուտափույթ լուծման հարցում: Սաուդյան Արաբիան երախտապարտ է ՄԱԿ-ի Անվտանգության խորհրդում (ԱԽ) Պաղեստինին դիտորդի կարգավիճակ տալու հարցում Ճապոնիայի դրական դիրքորոշման համար: Այդ պատճառով Սաուդյան Արաբիան հետաքրքրված է և ամեն կերպ աջակցում է Ճապոնիային ՄԱԿ-ի ԱԽ-ում մշտական անդամ դառնալու հարցում:

Հատկանշական է, որ թեև 2001 թ. սեպտեմբերի 11-ի դեպքերից հետո ԱՄՆ-Սաուդյան Արաբիա հարաբերությունները զգալիորեն վատթարացել էին, այնուամենայնիվ եռակողմ հանդիպումները մերձավորարևելյան խնդիրներին վերաբերող հարցերի շուրջ շարունակվում են: Այսպես, 2001 թ. նոյեմբերին Սաուդյան Արաբիան, Ճապոնիան և ԱՄՆ-ը հանդիպեցին քըննարկելու Աֆղանստանին տրամադրվող օգնության հարցը: 2002 թ. հունվարին Տոկիոյում տեղի ունեցավ խորհրդաժողով, որտեղ Ճապոնիան պատրաստակամություն հայտնեց 5 տարի անընդմեջ 4.5 մլրդ դոլար տրամադրել Աֆղանստանին՝ վերականգնման նպատակով:

Ծագող արևի երկիրն աջակցում է Սաուդյան Արաբիային նաև այլընտրանքային էներգիայի զարգացման հարցում, որը կնպաստի Ճապոնիա արտահանվող նավթի քանակի մեծացմանը էր-Ռիյադից: Այսպես, ճապոնական «Շոլա շելլ սոլար փաուեր» ("Showa Shell Solar Power") ընկերությունը համաձայնություն է ձեռք բերել «Սաուդի Արամկո»-ի հետ Սաուդյան Արաբիայում արևային էներգիայի զարգացման հարցի շուրջ: Ճապոնիայի տնտեսության համար նավթի քանակի ավելացումը հատկապես կարևորվեց Ֆուկուսիմայի ատոմակայանի վթարից հետո, երբ Ճապոնիան ստիպված էր կանգնեցնել երկրում գործող բոլոր աէկ-ները: Սաուդյան Արաբիան պատրաստակամություն հայտնեց աջակցել Ճապոնիային այդ հարցում: Արդեն 2012 թ. Սաուդյան Արաբիայից ներկրվող նավթը

կազմեց Ճապոնիայի ներկրումների 31%-ը, որը 5%-ով ավելի էր նախորդ տարվա համեմատ, ինչը մեծ օգնություն էր Ճապոնիայի տնտեսության համար²²:

Բացի այդ, Սաուդյան Արաբիան շահագրգռված է նաև Ճապոնիայի աջակցությամբ իր երկրում ատոմակայաններ կառուցելու հարցում, որոնց միջոցով կկարողանա ապահովել էներգիայի ներքին պահանջարկը:

Այսպիսով, ավելի քան 60 տարվա պատմություն ունեցող ճապոնա-սաուդյան հարաբերություններն աստիճանաբար ամրապնդվում և խորանում են: Երկկողմ հարաբերություններն ընդգրկում են համագործակցության զանազան ոլորտներ: Թե՛ Ճապոնիան, թե՛ Սաուդյան Արաբիան, լինելով միջազգային հարաբերությունների կարևոր գործոններ, համագործակցում են ոչ միայն առևտրատնտեսական ոլորտում, այլև տարածաշրջանային խնդիրների լուծման հարցերի շուրջ: Սաուդյան Արաբիայի նավթաքիմիական ոլորտի, այլընտրանքային էներգիայի զարգացման, էլեկտրակայանների և աէկ-ների, ինչպես նաև երկաթգծերի կառուցման, շինարարական խոշոր նախագծերի իրականացման մեջ Ճապոնիայի ակտիվ մասնակցությունը և ռազմական ոլորտում համագործակցությունը երկկողմ հարաբերություններին տալիս են բազմաբովանդակ և ռազմավարական նշանակություն:

²² Abe to visit Saudi Arabia to secure stable oil supply, Japantoday, 10.03.2013, <https://www.japantoday.com/category/politics/view/abe-to-visit-saudi-arabia-to-secure-stable-oil-supply>.

ցի շրջանակներում կնքվեց տնտեսության, առևտրի, ներդրումների, տեխնոլոգիաների, մշակույթի, երիտասարդության ու սպորտի ոլորտներում երկկողմ համագործակցության գլխավոր հուշագիրը: Ջիդդայում Հեյդար Ալիևը մամլո ասուլիսում սաուդյան Ֆահդ թագավորին անվանելով եղբայր և ընկեր՝ նշում էր, որ երկու պետությունները համագործակցության զարգացման նույն տեսլականներն ունեն⁶:

Սաուդյան Արաբիան առաջին երկրներից մեկն էր, որը 1994-1999 թթ. ընթացքում շարունակաբար մարդասիրական օգնություն ցուցաբերեց Ադրբեջանին՝ Հայաստանից տեղափոխված փախստականներին օժանդակելու նպատակով: Ղարաբաղադրեջանական պատերազմի հետևանքով վիրավորված Ադրբեջանի մի շարք քաղաքացիներ բուժման նպատակով մեկնեցին Սաուդյան Արաբիա⁷:

Երկկողմ պայմանավորվածությունների արդյունքում Ադրբեջանից սկսեցին ամեն տարի Սաուդյան Արաբիա մեկնել ավելի մեծ թվով ուխտավորներ: Եթե անկախությանը հաջորդած տարիներին դա փոքր թիվ էր՝ մի քանի տասնյակ մարդ, ապա հետագա տարիներին Սաուդյան Արաբիան Ադրբեջանին ուխտագնացության ավելի շատ քվոտաներ հատկացրեց⁸: Ի վերջո, 2016 թ. ձեռք բերված երկկողմ համաձայնության արդյունքում Ադրբեջանից Սաուդյան Արաբիա մեկնող ուխտավորների թիվը սահմանվեց 1600-ը⁹: Բացի այդ, Ադրբեջանից բազմաթիվ ուսանողներ մեկնեցին Սաուդյան Արաբիա՝ աստվածաբանության և այլ ոլորտներում կրթություն ստանալու նպատակով: Հեյդար Ալիևի իշխանության հատկապես վերջին տարիներին երկկողմ համագործակցությունը, կարելի է ասել, որոշակիորեն ընդլայնվել էր: Սաուդյան Արաբիայի իշխանու-

⁶ Statement of the President of the Republic of Azerbaijan Heydar Aliev at a press conference in Jeddah, Saudi Arabia-July 11, 1994, <http://lib.aliyev-heritage.org>.

⁷ Abdul Hannan Tago, Saudi-Azerbaijan ties touching new heights, 14 December 2012, <http://www.arabnews.com/saudi-azerbaijan-ties-touching-new-heights>

⁸ 1998-1999 թթ. Ադրբեջանից Մեքքա և Մադինա մեկնած ուխտավորների թիվն օրինակ 250 էր, իսկ 2014 թ. ադրբեջանցի ուխտավորների թիվը հասավ 3200-ի: Տե՛ս Hajj pilgrimage quota filled in Azerbaijan, 25-04-2014, http://m.apa.az/en/azerbaijani-news/azerbaijan_religion_news/hajj-pilgrimage-quota-filled-in-azerbaijan.

⁹ Azerbaijan reduces Hajj quota for 2016, 15,02,2016, <http://kaspi.az/en/azerbaijan-reduces-hajj-quota-for-2016/>.

թյունները շարունակում էին ֆինանսական օժանդակություն ցույց տալ Ադրբեջանին տարբեր ոլորտներում, այդ թվում՝ կրոնական և կրթական հաստատությունների զարգացման հարցում: 2002 թ. Բաքվում դպրոցներ կառուցելու ծրագրի շրջանակներում Ջարգացման սաուդական հիմնադրամը 35.7 միլիոն դիալ հատկացրեց Ադրբեջանի կառավարությանը: Իսկ մի քանի տարի անց՝ 2005 թ., ֆինանսական օգնություն տրամադրեց Բաքվին՝ մարդասիրական նպատակներով օգտագործելու համար¹⁰: Սաուդյան Արաբիայի օգնությամբ Ադրբեջանում մի շարք մզկիթներ վերանորոգվեցին, և նորերը կառուցվեցին:

2003 թ. իշխանության եկած Իլհամ Ալիևը հետամուտ եղավ երկկողմ հարաբերությունների ընդլայնված զարգացմանը միտված քաղաքականությանը: Իշխանության գալուց երկու տարի անց՝ 2005 թ., նա առաջին անգամ պաշտոնական այցով մեկնեց Էռ-Ռիադ¹¹: Երկկողմ հարաբերությունները Իլհամ Ալիևի օրոք նոր դրսևորումներ ձեռք բերեցին: 2007 թ. նոյեմբերի 10-17-ը սկզբում Էռ-Ռիադում, իսկ հետո Ջիդդայում և Դամմամում անցկացվեցին Ադրբեջանի մշակութային օրեր: Դրան հետևեցին 2008 թ. հունիսի 17-21-ը սաուդական մշակութային օրերի անցկացումն Ադրբեջանում, որին մասնակցում էր ՍԱԹ-ի մշակույթի նախարարը, ով ղեկավարում էր Բաքու էր ՍԱԹ-ի մշակույթի նախարարը, ով ղեկավարում էր Բաքու ժամանած մոտ հարյուրից անց պատվիրակությունը¹²: Բավական սերտացան նաև միջպառլամենտական կապերը: 2010 թ. Բաքու այցելեց ՍԱԹ-ի Մաջլիս ալ-շուրայի նախագահ Աբալլահ բին Իբրահիմ Ալ Շեյխը: Դրան հաջորդեցին Ադրբեջանի խորհրդարանի՝ Միլլի մեջլիսի խոսնակ Օքթայ Ասադովի այցելությունը և համապատասխան պայմանագրերի ստորագրումը¹³:

Երկկողմ հարաբերություններին նոր որակ հաղորդեց 2012 թ. Էռ-Ռիադի այն հայտարարությունը, թե կովկասյան տարածաշրջանում իր հիմնական գործընկերն Ադրբեջանն է: Կասկածից վեր է, որ այս շրջանից ի վեր ՍԱԹ-ի հետ համագործակցությունն Ադրբեջանի համար վերաճեց առաջնահերթության: Հատկանշական է, որ 2012 թ. հունիսի 14-ին ադրբե-

¹⁰ Abdul Hannan Tago, Saudi-Azerbaijan ties touching new heights, 14 December 2012, <http://www.arabnews.com/saudi-azerbaijan-ties-touching-new-heights>.

¹¹ Նույն տեղում:

¹² Նույն տեղում:

¹³ Նույն տեղում:

ազդեցություն ունենալ, որը սակայն հանդիպում է Բաքվի հակազդեցությանը: Իսկ Սաուդյան Արաբիան տարածաշրջանում Իրանի հետ մրցակցող հիմնական պետությունն է: Այս պարագայում Ադրբեջան-Իրան որոշակիորեն հակասական հարաբերություններում Ադրբեջան-Սաուդյան Արաբիա համագործակցությունը կարող է հավասարակշռող և հակազդող նշանակություն ունենալ:

ՍԱԹ-ի հետ Ադրբեջանի սերտ համագործակցության մյուս կարևոր պատճառը կապված է Լեռնային Ղարաբաղի հիմնախնդրի հետ: Գաղտնիք չէ, որ տասնամյակներ շարունակ Ադրբեջանը Սաուդյան Արաբիայի միջոցով հայ-ադրբեջանական հակամարտության հարցում ձեռք է բերել ոչ միայն իսլամական աշխարհի աջակցությունը, այլև օգնություն միջազգային ասպարեզում՝ ՄԱԿ-ում և այլուր: Նշենք, որ Իսլամական համագործակցություն կազմակերպությունը խիստ կոշտ և միակողմանի դիրքորոշում ունի Հայաստանի նկատմամբ, որին համարում է «ագրեսոր» պետություն:

Կասկածից վեր է, որ ՍԱԹ-ը տարածաշրջանում կարևորում է հատկապես Ադրբեջանի հետ համագործակցությունը, առավել, քան Վրաստանի կամ մի այլ երկրի հետ: Ադրբեջանին ուղղված ժեստ է նաև այն, որ Սաուդյան Արաբիայի Թագավորությունը մինչ օրս հրաժարվում է դիվանագիտական հարաբերություններ հաստատել Հայաստանի հետ՝ պատճառ բերելով դարաբաղադրբեջանական հակամարտության կարգավորված չլինելը: ՍԱԹ-ում Ադրբեջանի դեսպան Ռասիմ Ռզանի խոսքերով Ադրբեջանին և Սաուդյան Արաբիային միավորում է համակողմանի եղբայրությունը: «Մեր ժողովուրդները նույն մշակույթի և ավանդույթների, ինչպես նաև նույն կրոնի կրողներն են»²²:

Հարկ է նկատել, որ Ադրբեջանը ցանկանում է խորացնել Սաուդյան Արաբիայի հետ համագործակցությունն էներգետիկ և տնտեսական ոլորտներում ևս: Իր հերթին Սաուդյան Արաբիան պատրաստ է սերտացնելու էներգետիկ համագործակցությունն Ադրբեջանի հետ²³:

²² Abdul Hannan Tago, նշվ. աշխ.:

²³ Azerbaijan, Saudi Arabia discuss prospects to expand energy dialogue, 06 April 2015, <http://www.caspianenergy.net/en/oil-and-gas/21451-azerbaijan-saudi-arabia-discuss-prospects-to-expand-energy-dialogue>.

Սաուդյան Արաբիան և Ադրբեջանը համագործակցում են նաև զբոսաշրջության ոլորտում: 2013 թ. երկու երկրների միջև կնքվեց զբոսաշրջության ոլորտում համագործակցության համաձայնագիր²⁴: Արաբական մամուլում Բաքուն անգամ անվանում են Կովկասի Դուբայ: 2016 թ. ընթացքում Բաքվում գրանցվեց արաբ զբոսաշրջիկների աննախադեպ մեծ հոսք²⁵:

ԵԶՐԱԿԱՑՈՒԹՅՈՒՆ

Այսպիսով, Ադրբեջանն արաբական ուղղության մեջ էականորեն կարևորում է համագործակցությունը Սաուդյան Արաբիայի հետ: Վերջին շրջանում Ադրբեջանի և Սաուդյան Արաբիայի համագործակցության ակտիվացումը կարելի է դիտարկել երկկողմ շահերի տեսանկյունից՝ աշխարհաքաղաքական և աշխարհատնտեսական արդի իրողությունների համատեքստում: Բաքուն նպատակ ունի Սաուդյան Արաբիայի հետ ստեղծել քաղաքական և տնտեսական ոլորտներում համաչափ համագործակցության կայուն և շարունակական վիճակ:

Իր հերթին Սաուդյան Արաբիայի Թագավորությունն Ադրբեջանի հետ հարաբերություններում հետամուտ է իր շահերին, որոնցում ևս մեծ է Իրանի գործոնը: Գաղտնիք չէ, որ ՍԱԹ-ը ցանկանում է հակաշիայական և հակաիրանական դաշինքի մեջ ներգրավել աշխարհիկ Ադրբեջանին, որը շիայական մեծամասնության և շիայական ավանդույթների երկիր է: Ընդհանրապես Սաուդյան Արաբիայի քաղաքականությունը հստակորեն միտված է Մերձավոր Արևելքում և առհասարակ, միջազգային ասպարեզում, իսկ այս պարագայում՝ կովկասյան տարածաշրջանում, Իրանի դիրքերի թուլացմանը: Սա նշանակում է, որ երկու պետություններն Իրանի հարցում նույնանման հետաքրքրություններ ունեն:

Նկատի ունենալով նշված իրողությունները՝ կարելի է ենթադրել, որ Ադրբեջանն առաջիկայում ևս կշարունակի պահպանել քաղաքական, տնտեսական ու մշակութային համագործակցությունն արաբական և մուսուլմանական աշխարհի կարևորագույն պետություններից մեկի՝ ՍԱԹ-ի հետ: Թագավորության հետ համագործակցության միջոցով Ադրբեջանը

²⁴ Kingdom of Saudi Arabia and Azerbaijan sign cooperation agreement in the fields of tourism and heritage, 3/13/2013, <https://www.scta.gov.sa/en/media/Center/News/MainNews/Pages/z-t-1-13-3-13.aspx>.

²⁵ Azerbaijan became favorite destination for Arab tourists, 02 AUGUST 2016, <http://www.today.az/news/business/153109.htm>.

փաստորեն կփորձի հավասարակշռել հարաբերությունները ոչ միայն Իրանի, այլև Ռուսաստանի հետ, իսկ Թուրքիայի պարագայում ձեռք կբերի կարևոր այլընտրանք: Մինչույն ժամանակ հազիվ թե Բաքուն չի գիտակցում, որ Սաուդյան Արաբիայի հետ հարաբերությունների ակտիվացումը որոշակի ռիսկեր է պարունակում: Նախ՝ նշենք, որ նույն Սաուդյան Արաբիայի հետ բաց դռների քաղաքականությունը նպաստեց, որպեսզի 1990-ականներից սաուդական պաշտոնական և ոչ պաշտոնական խողովակներով Ադրբեջան ներթափանցի վահաբականությունը: Տարիների ընթացքում վահաբականների թիվն Ադրբեջանում ընդլայնվեց: Բաքվի համար լրջագույն խնդիր դարձավ սալաֆիական կրոնական և կրոնաքաղաքական ակտիվությունը: Չնայած Ադրբեջանի իշխանություններին հաջողվեց կանխել այդ շրջանակներից եկող վտանգները, սակայն կրոնական արմատականությունն ու ծայրահեղականությունն Ադրբեջանի ազգային անվտանգության համար միշտ էլ սպառնալիք են:

ՍԱԹ-ի հետ հարաբերությունների սերտացումը կարող է նպաստել Ադրբեջանի նկատմամբ Իրանի քաղաքականության կոշտացմանը, ինչը, հնարավոր է, արտահայտվի Ադրբեջանի համար ոչ շահեկան իրողություններով՝ Լեռնային Ղարաբաղի հարցում Իրանի դիրքորոշման փոփոխությամբ, Ադրբեջանում իրանամետ շիայական արմատական և չափավոր հոսանքների ակտիվացմամբ և այլն:

Սաուդյան Արաբիայի հետ հարաբերությունների հարաճուն ակտիվացումը բնականաբար չի գոհացնի նաև Ռուսաստանին, որը Սիրիայում պայքարում է Սաուդյան Արաբիայի դեմ: Ռուսաստանն Ադրբեջանի հետ հարաբերություններում նույնպես կարող է շահարկել Բաքվի համար ցավոտ հարցեր: Սաուդյան Արաբիայի հետ հարաբերությունների առավել սերտացումը բնականաբար դժգոհելու առիթ է տալու Թուրքիային: Չնայած մերձավորարևելյան հարցերում Անկարան համագործակցում է ՍԱԹ-ի հետ, սակայն վերջինիս հետ գտնվում է շարունակական մրցակցության մեջ: Չի բացառվում, որ վերը նշված իրողությունները ստիպեն Բաքվին Սաուդյան Արաբիայի Թագավորության հետ հարաբերություններում զգուշավորություն ցուցաբերել՝ դաշնակիցների հետ ավելորդ լարվածությունից խուսափելու համար:

ԱԼԱՎԻԱԿԱՆ ՀԱՄԱՅՆՔԻ ԱՆՎՏԱՆԳՈՒԹՅԱՆ ԽՆԴԻՐՆԵՐԸ ՌՈՒՍԱԿԱՆ ՌԱԶՄԱԿԱՆ ՆԵՐԿԱՅՈՒԹՅԱՆ ՀԱՄԱՏԵՔՍՈՒՄ

Խնդրո առարկա ուսումնասիրությունը վերաբերում է Սիրիայի Արաբական Հանրապետությունում (ՍԱՀ) 2015 թ. սեպտեմբերի 30-ից Ռուսաստանի Դաշնության (ՌԴ) ռազմական ներկայությամբ պայմանավորված ավափական համայնքի անվտանգության խնդիրներին¹: Սիրիայում ՌԴ-ի ռազմական ներկայության իրավական հիմքը 2015 թ. օգոստոսի 26-ին ՌԴ-ի և ՍԱՀ-ի միջև ՌԴ-ի ռազմաօդային ուժերի ավիացիոն խմբի՝ Սիրիայում տեղակայման մասին համաձայնագիրն է: Համաձայնագրով սահմանվում է, որ ռուսական ռազմական ներկայությունը նպատակ է հետապնդում Սիրիայում պայքարելու ահաբեկչության և ծայրահեղական խմբավորումների դեմ²: Այս հաբեկչության և ծայրահեղական խմբավորումների պետականության պահպանմանն ուղղված սիրիական իշխանությունների ջանքերին աջակցություն ցուցաբերելուց, հետապնդում է սեփական ռազմաքաղաքական և անվտանգության շահերը, քանի որ համաձայնագրում հստակ նշվում է, որ կողմերը համաձայնության են գալիս՝ ելնելով ՍԱՀ-ի և ՌԴ-ի ինքնիշխանության և անվտանգության պահպանման նկատառումներից:

2016 թ. հոկտեմբերի 14-ին ՌԴ նախագահ Վլադիմիր Պուտինը ստորագրել է Սիրիայի տարածքում ՌԴ-ի օդատիեզերական ուժերի ավիացիոն խմբի տեղակայման մասին պաշտոնական Մոսկվայի և Դամասկոսի միջև համաձայնագրի վա-

¹ Markus K., Oliver T., Russia's Military Intervention in Syria, German Institute for International and Security Affairs, November 2015, p. 1.

² Соглашение между Российской Федерацией и Сирийской Арабской Республикой о размещении авиационной группы Вооруженных Сил Российской Федерации на территории Сирийской Арабской Республики от 26 августа 2015 года (временно применяется с 26 августа 2015 года), Официальный Интернет Портал Правовой Информации, <http://publication.pravo.gov.ru/Document/View/0001201601140019?index=0&rangeSize=1>.

վերացման մասին օրենքը: Դաշնային օրենքով վավերացվում է ՌԴ-ի զինված ուժերի ավիացիոն խմբի տեղակայման մասին ՌԴ-ի և ՍԱՀ-ի միջև 2015 թվականի օգոստոսի 26-ին Դամասկոսում ստորագրված համաձայնագիրը: Այս փաստաթուղթը կարգավորում է Սիրիայում ռուսական ներկայության բոլոր ոլորտները: Համաձայնագրում մասնավորապես նշված է, որ ավիախումբը տեղակայվել է Սիրիայում պաշտոնական Դամասկոսի խնդրանքով և գտնվում է Լաթաքիայի «Հմեյմիմ» ավիաբազայում, որն իր ենթակառուցվածքներով և անհրաժեշտ տարածքով կողմերի համաձայնությամբ անվճար հիմունքով տրամադրվում է Ռուսաստանին³: Փաստաթղթի կարևոր կետերից մեկով սահմանվում է, որ ռուսական զինվորական ներկայությունը Սիրիայում անորոշ ժամանակով է, այսինքն՝ պետք է ենթադրել, որ ռուսական կողմի համար Սիրիայում հակահաբեկչական պայքարը երկարաձգվում է, չնայած ՌԴ-ի տնտեսության վերաբերյալ բազմաթիվ բացասական գնահատականներին: Այդ գնահատականների համաձայն՝ ՌԴ-ն Սիրիայում երկարատև ռազմական գործողություններ իրականացնելու տնտեսական հնարավորություն չունի⁴, չնայած 2016 թվականին ռազմական բյուջեն 0.8 %-ով ավելացել է⁵:

Ռուսական ներկայության ամրապնդման և սիրիական հակամարտության նոր փուլի մասին է վկայում նաև այն, որ նոր մարտական առաջադրանքի կատարման նպատակով ռուսական «Կուզնեցով» ավիակիր ռազմանավը Սիրիա ուղևորվեց և նոյեմբերի 8-ին տեղակայվեց Միջերկրական ծովի արևելյան ափերին⁶: Բրիտանական «Թելեգրաֆ» պարբերականի ռազմական լրագրող Բեն Ֆարմերը նշում է, որ ռուսական ավիակիրի՝ Անգլիական նեղուցը հատելու առիթով թագա-

վորական ռազմածովային ղեկավարությունն ու ՆԱՏՕ-ի դաշնակիցները ծրագրեր են մշակել ավիակիր ռազմանավին ու մյուս թվով ութ մարտական ապահովման աջակցման համար նախատեսված ռազմանավերին ուղեկցելու համար⁷: Ռազմանավը կրում էր ռուսական Միգ-29 և Սու-33 կործանիչներ: ՌԴ-ի պաշտպանության նախարար Սերգեյ Շոյգուն նոյեմբերի 15-ին ՌԴ-ի ՊՆ-ում կայացած ընդլայնված կոլեգիայի նիստի ժամանակ զեկուցեց նախագահ Վլադիմիր Պուտինին, որ Սու-33 կործանիչները սկսել են արդեն մարտական թռիչքներ կատարել Սիրիայում՝ թիրախավորելով Հոմսի և Իդլիբի շրջաններում «Իսլամական պետության»⁸ և «Ջաբհաթ Ֆաթահ աշ-Շամ»⁹ ահաբեկչական կառույցների ռազմական տեխնիկայի պահեստներն ու ռազմական նշանակության ապրանքների արտադրական ենթակառուցվածքները¹⁰: Ռուսական ավիակիր

³ Подписан закон о ратификации Соглашения между Россией и Сирией о размещении авиационной группы ВС России. <http://kremlin.ru/events/president/news/53089>.

⁴ Lydia T., How Much Has The Syrian Civil War Cost Russia And The US? <http://www.ibtimes.com/how-much-has-syrian-civil-war-cost-russia-us-2336199>. Տարբեր գնահատականներով Սիրիայում ՌԴ-ի կողմից ռազմական գործողությունների օրական արժեքն է 3-4 մլն ԱՄՆ դոլար:

⁵ Alexandra M., What Russia's Failing Economy Means for Putin's Legacy And Military Ambitions http://www.huffingtonpost.com/entry/sergey-aleksashenko-russia-economy-interview_us_56c62e7be4b0928f5a6b4586.

⁶ Russian Aircraft Carrier Admiral Kuznetsov Arrives in Syria, Haaretz, Middle East News, 13.11.2016. <http://www.haaretz.com/middle-east-news/1.752719>.

⁷ Farmer Ben, Posturing Russians to Send Aircraft Carrier and Fleet along the English Channel, The Telegraph, 14.10.2016, <http://www.telegraph.co.uk/news/2016/10/14/russian-aircraft-carrier-expected-in-english-channel/>.

⁸ Իսլամական պետությունը հիմնականում Իրաքի հյուսիսարևմտյան և Սիրիայի հյուսիսարևելյան շրջաններում գործող անդրազգային սուննիա-կան զինված խմբավորում է: 2014 թ. հունիսին Իրաքում լայնածավալ տարածքներ, այդ թվում նաև՝ Մոսուլ քաղաքը, գրավելուց հետո խմբավորումը հայտարարեց Աբու Բաքր Ալ-Բադդադիի առաջնորդությամբ իսլամական խալիֆայության ստեղծման մասին (տե՛ս Բրիտանական հանրագիտարանի Իսլամական պետությունը Իրաքում և Լևանտում բաժինը-<https://www.britannica.com/topic/Islamic-State-in-Iraq-and-the-Levant>).

⁹ 2016 թ. հուլիսի 28-ին Ջաբհաթ ան-Նուսրայի ղեկավար Աբու Մուհամմադ Ալ-Ջուլանին արաբական ալ-Ջազիրա հեռուստատեսության եթերում հայտարարեց նոր կառույցի՝ Ջաբհաթ Ֆաթահ աշ-Շամի ստեղծման մասին, որը պետք է փոխարիներ Ջաբհաթ ան-Նուսրային: Ալ-Ջուլանիի հայտարարության վերլուծությունը ցույց է տալիս, որ նոր կառույցի ստեղծումը համաձայնեցվել է ալ-Կաիդայի ղեկավար Այման Ազ-Ջավահիրիի և նրա տեղակալ Ահմադ Հասան Աբու Ալ-Խեյրիի հետ: Սա արտացոլվեց Ալ-Ջուլանիի տեքստում, երբ վերջինս գովասանքի խոսքեր էր ասելու ալ-Կաիդայի ղեկավարությանը: Այս նոր կառույցի ստեղծումն ահաբեկչական կազմակերպության պիտակը մի կողմ դնելու նպատակ էր հետապնդում (տե՛ս The Establishment of the Fateh al-Sham Front in place of the Al-Nusra Front, Al Qaeda's branch in Syria: reasons and implications, Meir Amit Intelligence and Terrorism Information Center, Tel-Aviv, Gellilot, 04.08.2016).

¹⁰ Russia's Admiral Kuznetsov Aircraft Carrier Begins Combat Operation in Syria, Sputnik News, Military and Intelligence, 12.11.2016, <https://sputniknews.com/military/201611151047453340-admiral-kuznetsov-syria/>.

տեղակայումը Սիրիայի միջերկրածովյան շրջանում Ռուսաստանի համար առանձնահատուկ նշանակություն ունի, քանի որ այդպիսով Ֆրանսիայից ու ԱՄՆ-ից հետո ՌԴ-ն դառնում է երրորդ երկիրն աշխարհում, որը կարողանում է իրականացնել նման մասշտաբի ծովային ավիացիոն մարտական առաջադրանք¹¹:

Ռուսական ռազմական ներկայության այսպիսի ուժեղացումը տարածաշրջանում, մասնավորապես Սիրիայի միջերկրածովյան ափերին, կարելի է բացատրել երկու գործոններով՝ ռազմական և քաղաքական: Ռազմական գործոնը պայմանավորված է հոկտեմբերի 17-ին Իսլամական պետությունից (այսուհետև՝ ԻՊ) Իրաքի Մոսուլ քաղաքի ազատագրման օպերացիայի մեկնարկով¹²: Ռուսական կողմը ենթադրում է, որ իրաքյան բանակի, քրդական ուժերի մասնակցությամբ և ամերիկյան կոալիցիոն ուժերի աջակցությամբ Մոսուլի հետգրավումից հետո Իսլամական պետություն ահաբեկչական կառույցի ռազմական ներկայությունը Սիրիայի տարածքում ավելանալու է: Իրաքյան ճակատում ձախողումը ստիպելու է Իսլամական պետության գրոհայիններին ամբողջ ուժերը կենտրոնացնել սիրիական թատերաբեմում: Ռուսական կողմը, հաշվի առնելով զարգացումների նման հավանական ընթացքը, ձեռնարկում է իր ռազմական հնարավորությունների լայնամասշտաբ կենտրոնացումը Սիրիայում: Բրիտանացի հետազոտող Ռոբերտ Ֆիսկն «Ինդեփենդենթ» պարբերականում անդրադառնում է այս խնդրին և նշում, որ սիրիական բանակը, Հիզբալլահի¹³

Սիրիայում գտնվող մարտական խմբերը պատրաստվում են Մոսուլի անկումից հետո Իսլամական պետություն ահաբեկչական կառույցի հազարավոր գրոհայինների դեմ պայքարին, որոնք ամենայն հավանականությամբ ներխուժելու են Սիրիա: Սիրիական բանակի հետախուզական տվյալների համաձայն՝ Սիրիայի հյուսիսային շրջանում կառավարական ուժերի վերահսկողության տակ գտնվող Հասաբե քաղաքից դեպի հարավ ընկած բնակավայրերում Իսլամական պետության պահանջով էլեկտրականության և ջրի ապահովման նոր ենթակառուցվածքներ են կառուցվում: Սպասվում է Մոսուլից դեպի Սիրիայի վայր շրջաններ Իսլամական պետության մարտիկների մեծ հոսք: Չի բացառվում, որ կկրկնվի այն, ինչ տեղի ունեցավ Իրաքի Ֆալուջա քաղաքն Իսլամական պետությունից իրաքյան բանակի վերահսկողության տակ անցնելուց հետո¹⁴, այնտեղ մարտնչած գրոհայինների մեծաքանակ խմբերը տեղափոխվեցին Սիրիա: Այլ կերպ ասած Մոսուլի գրավումից հետո գրոհայինների հսկայական զանգվածներ ուղղորդվելու են ընդդեմ սիրիական բանակի և նրան աջակից ուժերի դեմ: Հիզբալլահի առաջնորդ Հասսան Նասրալլահը հետաքրքիր ակնարկ էր արել՝ նշելով, որ եթե իրաքյան բանակի կողմից Իսլամական պետությունը վերջնական պարտության չենթարկվի Մոսուլում, ապա Իրաքի շիա աշխարհազորայինները կպարտավորվեն շարժվել դեպի Արևելյան Սիրիա Ռակկայի ուղղությամբ շարժվող ահաբեկիչներին ոչնչացնելու համար¹⁵:

Երկրորդ գործոնը քաղաքական դրդապատճառ ունի: Պետք է ենթադրել, որ սիրիական բանակն ու նրան աջակից

¹¹ Mcleary P., Can Putin's Aircraft Carrier stay Afloat on Its Syria Mission?, Foreign Policy, 23.09.2016.
¹² 2015 թ. վերջերից իրաքյան հատուկ ծառայություններն ու անվտանգության պատասխանատուները զբաղված են եղել դեպի հյուսիս՝ Մոսուլի ուղղությամբ, հարձակման նախապատրաստական, թիկունքային ապահովման աշխատանքներով: 2016 թ. հոկտեմբերի 13-ին Իրաքի զինված ուժերի գլխավոր շտաբի պետ, գեներալ Օսման Ալ-Ղանմին հայտարարեց, որ նախապատրաստական աշխատանքներն ավարտված են, իսկ Իրաքի վարչապետ Հայդար Ալ-Աբադին հրաման տվեց հոկտեմբերի 17-ին սկսել Մոսուլի վրա հարձակման գործողությունը: The Advance towards Mosul begins, Stratfor Analysis, 16.10.2016. <https://www.stratfor.com/analysis/advance-toward-mosul-begins>.
¹³ Արաբերեն՝ «Ալլահի կուսակցություն», լիբանանյան շիայական կրոնաքաղաքական շարժում: Ստեղծվել է 1982 թ. Բեքաայի հովտում (Բաալբեկում) Իրանի գործուն միջամտությամբ Լիբանանում իսրայելական ագրեսիային

դիմագրավելու նպատակով: Գլխավոր քարտուղարը շեյխ Սեյիդ Հասսան Նասրալլահն է 1992թ.-ից: Տե՛ս Փաշայան Ա., Հիզբալլահ, Նորավանք հիմնադրամ, Տեղեկանք, 28.09.2006. http://www.noravank.am/arm/articles/detail.php?ELEMENT_ID=2473.
¹⁴ 2016 թ. հունիսի 26-ին Ֆալուջայի օպերացիայի հակաահաբեկչական ուժերի հրամանատար, գեներալ-լեյտենանտ Աբդուլ Վահաբ Ալ-Սադիհ հայտարարեց, որ մայիսի 22-ին սկսված Ֆալուջայի ազատագրման ռազմական գործողությունն ավարտված է: Տե՛ս Sinan Salaheddin, Iraqi Commander: Fallujah Fully Liberated from ISIS, 26.06.2016, <https://apnews.com/701e5c697003431bb8d82c83e9828e3d>.
¹⁵ Robert F., When Mosul Falls, ISIS will Flee to the Safety of Syria. But what then?, Independent, 18.10.2016, <http://www.independent.co.uk/voices/mosul-offensive-isis-flee-iraq-syria-raqqa-bashar-al-assad-what-then-robort-fisk-a7365776.html>.

ռուսական զինուժն ամեն գնով ցանկանում են մինչև Մոսկվի օպերացիայի ավարտն արագորեն իրենց վերահսկողության տակ վերցնել Հալեպը, որպեսզի արդեն կարողանան ուժերը վերադասավորել Սիրիայի արևելյան շրջաններում: Արևելյան Հալեպում հումանիտար ճգնաժամի վատթարացումը հանգեցրել է բարդությունների սիրիական խնդրի շուրջ ռուս-ամերիկյան բանակցություններում: Ռազմական գործողությունների դադարեցման մասին սեպտեմբերի 13-ին ձեռք բերված ռուս-ամերիկյան համաձայնագրի ձախողումը¹⁶ սիրիական հակամարտությունը քաղաքական բանակցությունների միջոցով լուծելու գերտերությունների ջանքերն ապարդյուն է դարձնում: Հոկտեմբերի 15-ին Շվեյցարիայի Լոզան քաղաքում մեկնարկեց Սիրիայում կրակի դադարեցմանն ուղղված բանակցու-

¹⁶ Syria ceasefire comes into effect under US-Russia deal, 13.09.2016. <http://www.aljazeera.com/news/2016/09/syria-ceasefire-effect-russia-deal-160912125315496.html>. Համաձայնագրի ձախողման մեջ կողմերը մեղադրում են միմյանց: ՄԱԿ-ում ՌԴ-ի մշտական ներկայացուցչի՝ ՄԱԿ-ի Անվտանգության խորհրդի նախագահին ուղղված Սիրիայում ապօրինի զինված խմբավորումների կողմից զինադադարի խախտումների վերաբերյալ 23.10.2016 թվականի նամակում նշվում է՝ 2016 թ. սեպտեմբերի 17-ին ժամը 17:00-ին ԱՄՆ-ի ռազմաօդային ուժերի երկու ամերիկյան F-16 կործանիչները, երկու U-10 ռեակտիվ ինքնաթիռներն ու մեկ հարվածային անօդաչու թռչող սարքը հարվածներ են հասցրել Դեռ-Չորի օդանավակայանից 6 կմ հարավ ընկած շրջանում դիրքավորված սիրիական կառավարական ուժերին: 17:50-ի սահմաններում ռուսական կողմի պահանջով հարվածները դադարել են: Միաժամանակ նշված շրջանում Իսլամական պետության գրոհայիններն անցել են հարձակման: Կատաղի մարտի արդյունքում ահաբեկչական խմբավորման առաջխաղացումը կասեցվել է: Ամերիկյան ավիահարվածների հետևանքով Սիրիայի կառավարական ուժերն ունեցել են մարտական կորուստներ՝ 62 զոհ, 98 վիրավոր, շարքից հանված 11 ռազմական տեխնիկա: Տե՛ս Письмо Постоянного представителя Российской Федерации при организации Объединенных нации от 21 сентября 2016 года на имя Председателя Совета Безопасности, 23.10.2016: Ի հակադրություն վերոնշյալի, արևմտյան աղբյուրները, մասնավորապես բրիտանական «Ջեյնս Դիֆենս Ուիկլի» շաբաթաթերթի հոդվածագիր Թիմ Ռիփլին, նշում են, որ կրակի դադարեցման մասին ռուս-ամերիկյան համաձայնագրի իրագործումը ձախողվեց այն ժամանակ, երբ Հալեպի ուղղությամբ սիրիական կառավարական ուժերը լայնածավալ հարձակում սկսեցին՝ թիրախավորելով նաև դեպի Հալեպ շարժվող հումանիտար օգնության ավտոշարայունը: Տե՛ս Ripley Tim, Syrian Ceasefire Breaks Down, IHS Janes Defence Weekly, Volume 53, Issue No 39, 28.10.2016, p. 4.)

թյունների հերթական փուլը: Մասնակից պետությունների արագործնախարարների ընդգծմամբ այս բանակցությունները նշանակալի արդյունք չեն տվել, չնայած կարևոր ու դրական մի հանգամանքի, այն է՝ տարածաշրջանի որոշիչ պետությունների՝ Հորդանանի, Եգիպտոսի, Սաուդյան Արաբիայի, Իրաքի, Քաթարի, Թուրքիայի և Իրանի ներկայացվածությանը¹⁷: Լոզանյան բանակցությունների հիմնական արդյունքներից մեկն այն է, որ Ռուսաստանն ու ԱՄՆ-ը կարողացան հաղթահարել սեպտեմբերի 12-ի համաձայնագրի տապալումից հետո միմյանց նկատմամբ սուր քննադատական հռետորաբանությունը և կրկին նստեցին բանակցությունների սեղանի շուրջը: ՄԱԿ-ի Անվտանգության խորհրդի մշտական անդամներ, երկու եվրոպական պետությունները՝ Միացյալ Թագավորությունն ու Ֆրանսիան չէին մասնակցում հանդիպմանը: Եվրոպական երկու պետությունների և ՌԴ-ի միջև հարաբերությունները լարվել էին այն բանից հետո, երբ նրանք Ռուսաստանին մեղադրել էին Սիրիայում ռազմական հանցագործությունների կատարման մեջ¹⁸: Լոզանի համաժողովը նպատակ ուներ բանակցություններ սկսելու Իրան-Ռուսաստան և Թուրքիա-Սաուդյան Արաբիա-Քաթար երկու տանդեմների միջև:

Հոկտեմբերի 17-ին ՄԱԿ-ում ՌԴ-ի մշտական ներկայացուցիչ Վիտալի Զուրկինը հայտարարեց, որ Լոզանում Թուրքիան, Քաթարն ու Սաուդյան Արաբիան համաձայնվել են ճնշումներ գործադրել սիրիական ապստամբների վրա՝ նրանց ստիպելու հստակ տարանջատվել ալ-Կաիդա ահաբեկչական կառույցի սիրիական ճյուղը համարվող Ջաբհաթ Ֆաթահ աշ-կառույցի սիրիական ճյուղը համարվող Ջաբհաթ Ֆաթահ աշ-Շամից: Նա ընդգծել էր՝ եթե չափավոր ընդդիմության ներկայացուցիչներն իրենց տարանջատեն, ապա մենք Ջաբհաթ ան-Նուսրային երկու ընտրության հնարավորություն կտանք, կամ նրանք կլքեն քաղաքը, ինչպես դուք գիտեք, Ստեֆան Դե Միստուրան սրա վերաբերյալ հատուկ առաջարկությամբ էր հանդես եկել¹⁹, որը դեռևս չի ընդունվել ան-Նուսրայի կողմից, կամ

¹⁷ Laura Smith-Spark, Syria: US, Russia, Regional Powers Fail to Reach Breakthrough in Talks on Conflict, 16.10.2016. <http://edition.cnn.com/2016/10/15/world/syria-talks-switzerland-us-russia/>.

¹⁸ Russia Scorns Boris Johnson's 'Hysteria' as Bombs Hammer Aleppo, The Guardian, 12.10.2016. <https://www.theguardian.com/world/2016/oct/12/russia-boris-johnson-syria-aleppo-war-crime-russophobic-hysteria>.

¹⁹ ՄԱԿ-ում ՌԴ ներկայացուցիչը հղում է անում Սիրիայի հարցով ՄԱԿ-ի հատուկ բանագնաց Ստեֆան Դե Միստուրային և նշում, որ Ջաբհաթ

Սիրիայի թշնամիների կողմից, այնուամենայնիվ ընդունում ենք, որ փաստաթղթի վավերականության ու իսկության հարցը կարևոր գիտական հետազոտության խնդիր է, քանի որ այն անանուն հեղինակների կողմից է ներկայացվել: Չնայած հոչակագրի նախաբանում նշված է, որ տեքստի բովանդակությունն ընդունվել է ալավիական բոլոր «տների» կողմից, և տեքստի էջերը հաստատված են «Ալավիների նախաձեռնության խումբ» (Մաջմուաթ ալ-Իբթիդար ալ-Ալաուի) գրությամբ կլոր կնիքով, սակայն այդ կնիքի իրավական ուժ ունենալու և ալավիական համայնքի կողմից ընդունելի լինելու հանգամանքը նույնպես ենթակա է գիտական քննության: Այս երկու խնդիրներին կանդիդատնանք մեր ապագա հետազոտություններում:

Չնայած հոչակագրի հրապարակմանը, որով համայնքի որոշ ներկայացուցիչներ ազգային միասնության և սիրիական հասարակության բոլոր բաղադրիչների միջև խաղաղ գոյակցության կոչ էին անում, այնուամենայնիվ հակաալավիական իրադարձությունները Սիրիայում շարունակվեցին: 2016 թ-ի մայիսի 12-ին «Աիրար աշ-Շամ» և «Ջաբհաթ Ֆաթահ աշ-Շամ» ահաբեկչական խմբավորումները հարձակվել էին Համայից 35 կմ հարավ դեպի Հոմս տանող գլխավոր ավտոճանապարհի վրա ընկած ալ-Չառա ալավիաբնակ գյուղի վրա՝ սպանելով 19 ալավի բնակիչների³³: 2016 թ. մայիսի 23-ին Իսլամական պետության ներկայացուցիչներն ալավիաբնակ Տարտուս և Ջաբլաքաղաքներում իրականացրին մի քանի ահաբեկչական գործողություն, որի հետևանքով 154 մարդ զոհվեց, 300-ը վիրավորվեց³⁴:

ԵԶՐԱԿԱՑՈՒԹՅՈՒՆ

1. ՌԴ-ի ռազմական ներկայությունը Սիրիայում մեծապես նպաստել է երկրի դե յուրե գործող սահմաններում պետության ինքնիշխանության և ամբողջական վերահսկողության վերականգնմանն ուղղված Սիրիայի իշխանությունների կողմից իրականացվող ռազմական գործողու-

թյուններին և միջազգային ու ռազմաքաղաքական առումով բարելավել իշխող վարչակարգի դիրքերը երկրի ներսում, եթե հաշվի ենք առնում, որ ՍԱՀ-ի նախագահ Բաշար Ալ-Ասադի՝ 2015 թ. հոկտեմբերի 15-ի Մոսկվա կատարած այցը միակ արտասահմանյան պաշտոնական այցն էր ճգնաժամը սկսվելու օրվանից:

2. Չնայած տարաբնույթ գնահատականներին, որ ռուսական ռազմական ներկայությունը նպատակ ունի ապահովելու ալավիական համայնքի և բաասական վարչակարգի անվտանգությունը Սիրիայում, այնուամենայնիվ պետք է փաստել, որ ՌԴ-ի կողմից սիրիական ազգային բանակին ու իշխանություններին ցուցաբերվող աջակցությունը սույնի ծայրահեղական խմբավորումների շրջանում հակաալավիական տրամադրությունների գրգռման պատճառ է հանդիսացել: Սույնի ծայրահեղականների ընկալումներն ալավիների նկատմամբ բացասական առումով խտացել են՝ դրդելով ալավիական համայնքի որոշ ներկայացուցիչների հանդես գալ խաղաղ գոյակցության վերաբերյալ առաջարկությամբ, որն արտահայտվել էր «Ինքնության բարեփոխման հոչակագրի» հրապարակմամբ:
3. Իսլամական պետության ահաբեկիչների կողմից Տարտուսի և Ջաբլաքի ահաբեկությունների իրականացումը, Սիրիայի ալավիներից վրեժխնդիր լինելու հերթական փորձից բացի, ազդանշան էր՝ ուղղված պաշտոնական ներկայությանը, Մոսկվային և ռուսական ռազմական ներկայությանը, քանի որ այդ բնակավայրերում, հատկապես Տարտուսում է տեղակայված ռուսական ռազմածովային բազան, սում է տեղակայված ռուսական օդանավակայանը, որտեղից իսկ «Հմեյմին» ռազմական օդանավակայանը, որտեղից ռուսական ինքնաթիռները ռազմական թռիչքներ են իրականացնում, գտնվում է Ջաբլաքի մոտակայքում: Այս գործողություններով ահաբեկիչները ցանկանում են նաև բարձրացնել ռուսական ռազմական ներկայության գինը Սիրիայում, որը տալիս է սիրիացի ժողովուրդը:
4. Ամենևին չբացառելով, որ ռուսական ռազմավարության ծրագրողները մինչև Սիրիա ներխուժումը կանխատեսել են նաև ալավիական համայնքի անվտանգության վրա իրենց գործողությունների բացասական ազդեցությունը, պետք է ենթադրել, որ այդ ազդեցությունը գնահատվել է

³³ Lisa B., and Tom P., Insurgents Seize Syrian Alawite Village, Killing 19: Observatory, Reuters, 13.05.2016, <http://www.reuters.com/article/us-mideast-crisis-syria-village-idUSKCN0Y41ME>.

³⁴ Fabrice B., The Islamic State is Targeting Syria's Alawite Heartland and Russia, The Washington Institute for Near East Policy, 24.05.2016, <http://www.washingtoninstitute.org/policy-analysis/view/the-islamic-state-is-targeting-syrias-alawite-heartland-and-russia>.

որպես կողմնակի և հետագայում հաղթահարելի խոչընդոտ:

5. Սիրիական ճգնաժամի հանգուցալուծման պարագայում հետճգնաժամյա Սիրիայում տարբեր համայնքների՝ համակեցության հարցի շրջանակներում առաջնահերթ պետք է լուծվի ալավի-սուննիական հարաբերությունների համերաշխության խնդիրը, քանի որ հենց այդ երկու համայնքների միջև հարաբերությունների հավասարակշռված և փոխհամաձայնեցված բնույթով է պայմանավորվելու երկարատև ու ամուր խաղաղությունը ՍԱՀ-ում:

ԳՈՌ ԳԵՎՈՐԳՅԱՆ

2012Թ. ԱՅԼԸՆՏՐԱՆՔԱՅԻՆ «ԺՈՂՈՎՐԴԱՎԱՐԱԿԱՆ» ՆԱԽԱԳԱՀԱԿԱՆ ԸՆՏՐՈՒԹՅՈՒՆՆԵՐԸ ԵԳԻՊՏՈՍՈՒՄ ԵՎ ԻՍԼԱՄԱԿԱՆՆԵՐԻ ՀԱՂԹԱՐՇԱՎԸ

2011 թ. հունվարին սկսված զանգվածային հուժկու բողոքները Եգիպտոսի համար դարձան հասարակական-քաղաքական իրավիճակի ձևավորման որակապես նոր խթանիչ 2011 թ. փետրվարի 11-ին ներքաղաքական ճգնաժամի և գործող իշխանությանն արտաքին աջակցության դադարեցման արդյունքում, մասնավորապես Վաշինգտոնի կողմից հնչեցված «հորդորներից» հետո¹, Եգիպտոսի նախագահ Հոսնի Մուբարաքը հայտարարեց իր պաշտոնանկության մասին²: Փետրվարի 13-ին Եգիպտոսում իշխանությունն անցավ Չինված ուժերի բարձրագույն խորհրդին՝ գեներալ Հուսեյն Տանտաուիի գլխավորությամբ³: Մարտի 3-ին պաշտոնաթող եղավ նաև

¹ ԱՄՆ-ի նախագահ Բարաք Օբաման, անդրադառնալով Եգիպտոսում տիրող իրավիճակին, նշեց, որ նախագահ Մուբարաքը պետք է ենթարկվի ժողովրդի կամքին, այսինքն՝ հրաժարական տա: Մուբարաքը նախագահի պաշտոնը զբաղեցնում էր սկսած 1981թ.:

² Hosni Mubarak regins as president: Egyptian president stands down and hands over power to the Supreme Council for the Armed Forces, 11.02.2011. <http://www.aljazeera.com/news/middleeast/2011/02/201121125158705862.html>, Չինված ուժերի բարձրագույն խորհուրդը 2011 թ. փետրվարի 11-ին արտաքին աջակցության դադարեցման պայմաններում և առաջադրեց սահմանադրական փոփոխություններ անցկացնելու մասին պահանջը, որի հիման վրա պետք է թյուններ անցկացնելու մասին պահանջը, որի հիման վրա պետք է թյուններ անցկացնելու մասին պահանջը, որի ձևավորվել նոր ժողովրդավարական իշխանական համակարգ, որի հիման վրա էլ կանցկացվեին նոր ժողովրդավարական ընտրություններ: Կառավարության աշխատակազմի ղեկավար Քամալ Ահմեդ Ալ-Գանգուրիին հանձնարարվեց մինչև 2011 թ. նոյեմբերի 27-ը նոր կառավարություն ձևավորել:

³ Hussein Tantawi, Head of Egypt's Higher Military Council, [https:// www.al-arabiya.net/articles/2011/02/11/137247.html](https://www.al-arabiya.net/articles/2011/02/11/137247.html), Հարկ է նշել, որ Տանտաուին առանձնապես մեծ ժողովրդականություն չէր վայելում Եգիպտոսում և առանձնապես մեծ ժողովրդականություն չէր վայելում Եգիպտոսում և ժողովրդի շրջանում ստացել է «Մուբարաքի պոլիցիա» անունը: Sh. Joshi,

դրված տեսությունը՝ կարելի է եզրակացնել, որ այն Մերձավոր Արևելքում անգլո-ամերիկյան-իսրայելական յուրահատուկ ռազմական գործողությունների բնույթի «ճանապարհային քարտեզ է»¹⁵:

«Ետևաբար, ԱՄՆ-ի համար արաբական աշխարհի «սոմալականացումը» կամ ջլատումն ավելի շատ հնարավոր կդառնար այն դեպքում, երբ արաբական որոշակի երկրներում իշխանության գային իսլամականները, քանի որ տվյալ պարագայում կհռչակվեին աստվածապետական կարգեր կամ ավելին՝ խալիֆայություններ, որոնք էլ XXI դարի սկզբին կապահովեին այդ երկրների զարգացման հետընթացը, նրանց դանդաղ գահավիժումը դեպի միջնադար»¹⁶:

առաջաստի այրումը, նյութական արժեքների կարիքի կտրուկ բարձրացումը առաջին հերթին «արաբական փողոցի» կողմից, տնտեսության կառավարման լծակների կորուստը, «ժողովրդավարության գաղափարական ահաբեկչությունը և այլասերումը, որը հաճախ ազգային-դավանաբանական երանգ է ստանում» գիտականորեն մշակված և փորձագետների կողմից մատուցվածն է, որն էլ «կառավարելի քառսի հիմքն է»: Այս ամենը ծառայում է գոյություն ունեցող արդի ազգային պետությունների, ավանդույթային մշակույթների՝ և քաղաքակրթությունների ապամոնտաժման գործին: Համաձայն համաշխարհայնացման կողմնակիցների նրանց փոխարեն պետք է գա հանրություն, որը չի ունենա հիշողություն, ինչն իր հերթին ձեռք է բերվում հատուկ տեխնոլոգիաների միջոցով, որոնք վերաբերում են ՋԼՄ-ներին և կրթական ոլորտին: Այսպիսով, կառավարելի քառսի տեխնոլոգիաները նոր, ներկայումս զանգվածային ոչնչացման գեների տեսակներ են՝ համաշխարհային տիրապետություն հաստատելու այն պետության համար, որն այն կիրառում է: Peters R., Blood borders, How a better Middle East would look, նշվ. աշխ.: Տե՛ս նաև՝ Nazemroava M.D., Plans for Redrawing the Middle East: The Project for a «New Middle East», <http://www.globalresearch.ca/plans-for-redrawing-the-middle-east-the-project-for-a-new-middle-east/3882>, 18.11.2006.

¹⁵ Peters R., Blood borders, How a better Middle East would look, նշվ. աշխ.:

¹⁶ Հարցի վերաբերյալ առավել մանրամասն տե՛ս Փաշայան Ա., Ամեն դար ունի իր միջնադարը. Խալիֆայություն 21-րդ դարում, <http://168.am/2014/07/13/387020.html>, 13.07.2014., օրինակ, «արաբական գարնանը» հաջորդած զարգացումները և մասնավորապես, սիրիական ճգնաժամն աչքի է ընկնում սոսկալի ու անմարդկային դաժանություններով ու բռնություններով, որի հետևում միայն «Իսլամական պետությունը»

Արաբական երկրներում և մասնավորապես Եգիպտոսում ընթացող որակապես նոր քաղաքական զարգացումների նկատմամբ ԱՄՆ-ի դրական դիրքորոշման մասին է վկայում նաև աննախադեպ թափանցիկ և անաչառ խորհրդարանական ընտրություններին հաջորդած այլընտրանքային նախագահական ընտրությունների արդյունքների հավանությունը: Առհասարակ Արևմուտքը և մասնավորապես ԱՄՆ-ը սառը պատերազմի ավարտից հետո պարբերաբար արձարծում էին Մերձավոր Արևելքի որոշ երկրների հասարակական-քաղաքական համակարգերի արդիականացման անհրաժեշտության մասին:

Արդարացի լինելու համար պետք է նշել, որ սկսած XX դ. 80-90-ական թվականներից՝ համաշխարհայնացման գործընթացների համատեքստում արաբական մի շարք երկրների կողմից քաղաքական համակարգի արդիականացման քայլեր էին նախաձեռնվում, մասնավորապես ստեղծվում էին մարդու իրավունքների պաշտպանության կոմիտեներ, աշխատանքային խմբեր, նույնիսկ նախարարություններ էին ստեղծվում, որոնք, սակայն, սոսկ ձևական բնույթ էին կրում: Մեծ հաշվով արաբական այդ երկրների կողմից կատարված նմանատիպ քայլերը միտված էին իրենց իսկ քաղաքական կարգավիճակն ամրապնդելուն և վերարտադրելուն:

Հանրապետական Եգիպտոսի պատմության մեջ առաջին այլընտրանքային նախագահական ընտրությունները կայացան 2005 թ. սեպտեմբերի 7-ին, որոնց ընթացքում հաղթանակ տարավ դարձյալ 1981 թ. իշխանության գլուխ կանգնած Հոսնի Մուբարաքը¹⁷: Նշված ընտրությունները հնարավոր եղավ անցկացնել 2005 թ. մայիսի 25-ին Եգիպտոսի սահմանադրության մեջ փոփոխություններ անելուց հետո, ինչը հնարավորություն էր ընձեռում գործող կուսակցություններին նախագահի թեկնածուներ առաջադրելու: Համաձայն սահմանադրական փոփոխությունների՝ սկսած 2011 թ. նախագահական ընտրություններին թեկնածուներ առաջադրելու իրավունք կունենա միայն այն կուսակցությունը, որն առնվազն հինգ տարվա ընթացքում

չէր, այլ մոլեկրոն ու ծայրահեղական անդրազգային սալաֆիական-վահաբական բազմաթիվ ռազմաքաղաքական խմբավորումներ:

¹⁷ Sharp J. M., Egypt: 2005 Presidential and Parliamentary Elections, տե՛ս <http://fpc.state.gov/documents/organization/54274.pdf>, 21.09.2005.

ընտրաձայների ընդամենը 9,2%-ը, իսկ վերին պալատում՝ 8,45%²⁶-ը:

Արդարացի լինելու համար հարկավոր է նշել, որ դեռ 2005 թ. «Մուսուլման եղբայրներ»-ի ներկայացուցիչներն Ազգային ժողովի ընտրություններում, հանդես գալով որպես անկախ թեկնածուներ, կարողացան հավաքել ընտրողների ձայների 20%-ը՝ ձևավորելով եգիպտական Ազգային ժողովի ամենախոշոր խմբակցություններից մեկը²⁷:

Այդպիսով, ըստ էության խորհրդարանական ընտրությունները եգիպտոսում քաղաքական առումով դարձան որակապես նոր իրադրության ձևավորման նախերգանքը: Սա հանրապետական եգիպտոսի քաղաքական պատմության դեռ նախադեպը չունեցող մի իրավիճակ էր, երբ իսլամականները թափանցիկ և այսպես ասած ժողովրդավարական ընտրությունների միջոցով կարողացան հրապարակավ մոտենալ պետության կառավարման լծակներին²⁸:

Իրականում «եգիպտական հեղափոխության» ակունքներում կանգնած ազատական ուժերը, ինչու ոչ նաև աշխարհիկ հայացքներ ունեցող Զինվորականների բարձրագույն խորհուրդը, չէին ակնկալում իրադրության նման զարգացումը: Խորհրդարանական ընտրությունների անցկացման կարգից և արդյունքներից դրական արձագանք ստացվեց նաև պաշտոնական Վաշինգտոնից:

Այս իմաստով չափազանց հետաքրքրական են եգիպտոսում կայացած նախագահական ընտրությունները, որոնց արդյունքներն ըստ էության նոր՝ իսլամիստական եգիպտոս կառուցելու փորձ դարձան: Միևնույն ժամանակ հարկ է փաստել, որ նախագահական այս ընտրությունները, ի տարբերություն զանգվածային ընտրակեղծիքների պայմաններում անցկացված նախորդ բոլոր ընտրությունների, աննախադեպ էին թե՛ թափանցիկությամբ, թե՛ արդարությամբ: Զինված ուժերի բարձրագույն խորհուրդը նախաձեռնել էր աննախադեպ քայլեր ընտրությունները անաչառ և ժողովրդավարական չափորոշիչներին համապատասխան անցկացնելու համար:

Ընտրությունների օրը եգիպտոսում միաժամանակ բացվեցին շուրջ 14.000 ընտրատեղամասեր, որոնցից յուրաքանչյուրում պետք է ներկա գտնվեր երկրի դատական համակարգից մեկ դատավոր, որն էլ պետք է գլխավորապես վերահսկեր ընտրակարգը²⁹: Բացի դատավորներից, ընտրատարածքներում ներկա գտնվեցին եգիպտական և օտարերկրյա լրատվամիջոցների ներկայացուցիչներ, իսկ դրսում կարգը պաշտպանեցին ոստիկանները և զինվորականներ³⁰: Ընտրությունների վերաբերյալ միջազգային հանրությանը ստույգ տեղեկատվություն փոխանցելու նպատակով հրավիրվեցին նաև շուրջ 50 երկրներից ժամանած դիտորդներ: Դիտորդներ հրավիրվեցին նաև Արաբական պետությունների լիգայից և Աֆրիկյան դաշինքից³¹:

Բավականին հետաքրքիր մոտեցում էր սահմանվել նիքաբա կրող ընտրող կանանց համար: Նրանք պարտավոր էին իրենց դեմքը ցույց տալ հանձնաժողովի անդամներից մեկին, իրապես չէին թույլատրի մասնակցել ընտրություններին: Այդ նպատակով իշխանություններն ընտրատարածքներ ուղղորդեցին դատական համակարգում աշխատող կանանց³²:

Փոխվել էր նաև քվեաթերթիկի ձևը, մասնավորապես յուրաքանչյուր քվեաթերթիկ ուներ անվտանգության մի քանի աստիճան: Յուրաքանչյուր քվեաթերթիկ ուներ դաջվածքով կնիք, ինչպես նաև հատուկ նշագրում, որը կարելի էր կարդալ միայն հատուկ սարքի միջոցով: Ընտրատուփերը պետք է փակված լինեին հատուկ կողպեքներով, իսկ անգրագետ ընտրողների համար քվեաթերթիկներում թեկնածուի անվան առջև դրվում էր հատուկ նշան, որի կողքին փակցված էր վերջինիս նկարը: Այս ամենից բացի, քվեարկողը քվեարկությունից առաջ մատը պետք է ընկղմեր թանաքամանի մեջ, որը մատի վրա

²⁹ Egypt's historic election, 23 May 2012, տե՛ս <https://www.theguardian.com/world/middle-east-live/2012/may/23/egypt-presidential-elections-live>, 23.05.2012.

³⁰ Egyptian Presidential Elections, տե՛ս <http://english.dohainstitute.org /release/15e8d489-373a-445c-827d-16d085ffb413>, 28.08.2012.

³¹ В Египте завершилась подготовка к первым президентским выборам, տե՛ս https://ria.ru/arab_eg/20120521/654450032.html, 21.05.2012.

³² Египет впервые за десятилетия выбирает президента: страну может возглавить исламист, տե՛ս <http://palm.newsru.com/world/23may2012/egypt1.html>, 23.05.2012.

²⁶ Muslim Brotherhood Tops Egyptian Poll Result, Տե՛ս <http://www.aljazeera.com /news/middleeast/2012/01/2012121125958580264.html>, 22.01.2012.

²⁷ Конституция с поправкой на сына, Коммерсант 217, М., 21.11.2006.

²⁸ Նախորդ բոլոր ընտրությունները եգիպտոսում անցել էին զանգվածային ընտրակեղծիքների պայմաններում:

Արդ Ալ-Ֆութուհը չափավոր իսլամական է՝ լիբերալ հայացքներով: 2011 թ. նա հեռացվեց «Մուսուլման եղբայրներ» կազմակերպությունից, երբ հայտարարեց, որ նախագահ դառնալու նկրտումներ ունի³⁹: «Մուսուլման եղբայրները» միայն նրա արտաքսումից հետո հայտարարեցին, որ կմասնակցեն նախագահական ընտրություններին: 60-ամյա գործիչը խոստանում էր մասշտաբային ժողովրդավարական բարեփոխումներ: Նրա լիբերալ հայացքների հիմքում դրված են իսլամական բազան և ազնիվ, սկզբունքային մարդու կերպարը: Վերջինիս կողմնակիցների հիմնական զանգվածը արտասահմանում բնակվող եգիպտացիներն էին⁴⁰:

Համդին Սաբահին նախկին թղթակից է, համարվում է եգիպտական ընդդիմության վետերանը: Սաբահին համարվում է Նասերի գաղափարների հետևորդը, անմիջական մասնակցություն է ունեցել 2011 թ. հակաիշխանական ցույցերին: Նրան սատարում են երիտասարդական տարբեր շարժումները և արհմիությունները, քանի որ նրա գաղափարական հայեցակարգում կան նաև սոցիալիստական հայացքներ: Նրա կողմնակիցները պաստառներին ներկայացնում էին Սաբահին իբրև իրենցից մեկը՝ այսպես կոչված ժողովրդի տղան⁴¹:

Նախագահական ընտրություններն անցան 2 փուլով, քանի որ առաջին փուլում կողմերից և ոչ մեկը չկարողացավ հաղթահարել ընտրաձայների 50% շեմը: Ընտրությունների առաջին փուլը կայացավ 2012 թ. մայիսի 23-24-ին, իսկ երկրորդը՝ հունիսի 16-17-ին⁴²:

Ընտրությունների ցուցանիշները հստակ հասկանալու համար ստորև ներկայացնում ենք քվեարկության արդյունքները.

2012 թ. Եգիպտոսի նախագահական ընտրությունների առաջին փուլ (2012 թ. մայիսի 23-24)				
	Թեկնածու	Թեկնածուի քաղաքական պատկանելություն	Ընտրությունների արդյունքները ըստ տոկոսների	Ընտրությունների արդյունքները ըստ ընտրաձայների
1.	Մուհամմադ Մուրսի	«Ազատություն և արդարություն» կուսակցության 1-ին քարտուղար (2011-2012 թթ.)	24,78	5.764.952
2.	Ահմեդ Շաֆիք	Եգիպտոսի 58-րդ վարչապետը (01.2011-02.2011 թթ.), անցումային կառավարության 1-ին քարտուղար (02.2011-03.2011 թթ.), Եգիպտոսի քաղաքացիայի նախարար (2002-2011 թթ.)	23,66	5.505.327
3.	Համդին Սաբահի	«Արժանապատվության կուսակցություն», լրագրող, Մուբարաքի իշխանության ակտիվ ընդդիմադիր, «Քիֆայա» շարժման հիմնադիր:	20,72	4.820.273
4.	Արդ Ալ-Մոնեյմ Աբու Ալ-Ֆութուհ	Անկախ թեկնածու, «Մուսուլման եղբայրների» ոչ ֆորմալ առաջնորդներից մեկն է	17,47	4.065.239

³⁹ Egypt candidate: Moderate Islamist, Abdul Moneim Aboul Fotouh, <http://www.bbc.com/news/world-middle-east-17356253>, 13.04.2012.

⁴⁰ Եգիպտացիներ:

⁴¹ Egypt's surprise candidate: Hamdeen Sabahi, տե՛ս <http://www.aljazeera.com/blogs/middleeast/2012/05/2313.html>, 04.06.2012., նաև՝ Hamdeen Sabbahi, <http://english.ahram.org.eg/NewsContent/36/124/36856/Presidential-elections-/Meet-the-candidates/Hamdeen-Sabbahi.aspx>, 02.04. 2012.

⁴² Եգիպտոսի 83 մլն բնակչության միայն շուրջ 50,5 մլնն է օգտվում ընտրական իրավունքից:

5.	Ամր Մուսա	Անկախ թեկնածու, Եգիպտոսի արտաքին գործերի նախարար (1991-2001 թթ.), ԱՊԼ գլխավոր քարտուղար (2001-2011 թթ.)	11,13	2.588.850
6.	Մուհամմադ Սալիմ Ալ-Աուա	Անկախ թեկնածու, «Մշակույթի և երկխոսության եգիպտական ասոցիացիայի» ղեկավար	1,01	235.374
7.	Խալեդ Ալի	Անկախ թեկնածու, իրավապաշտպան փաստաբան, «Տնտեսական և սոցիալական իրավունքների» եգիպտական կենտրոնի ղեկավար	0,58	134.056
8.	Աբու Ալ-Իզ Ալ-Հարիրի	«Սոցիալիստական ժողովրդական այլանս»-ի ղեկավար, Ալեքսանդրիայի խորհրդարանի անդամ	0,17	40.090
9.	Հիշամ Բաստավիսի	Ազգային-առաջադիմական երիտասարդական կուսակցության նախագահ, Եգիպտոսի Սահմանադրական դատարանի Փոխնախագահ	0,13	29,189
10.	Մահմուդ Հուսամ	«Սկիզբ» կուսակցություն, ոստիկանության նախկին սպա	0,10	23.992
11.	Մուհամմադ Ֆաուզի Իսա	«Սերնդի ժողովրդական» կուսակցություն, նախկին ոստիկան	0,10	23.889
12.	Հուսամ Հեյրուլլա	«Խաղաղության ժողովրդավարական», կուսակցություն, նախ-	0,09	22.036

		կին հետախույզ, Եգիպտոսի տեղեկատվության և վիճակագրության վարչության ղեկավար		
13.	Աբդալլա Ալ-Աշալ	«Իսկություն» կուսակցություն, դիվանագետ, միջազգային իրավունքի մասնագետ:	0,05	12.249

Նախագահական ընտրությունների երկրորդ փուլն ամբողջականացնում է ընտրողների մեծ մասի համակրանքն իսլամիստների նկատմամբ:

	Թեկնածու	Թեկնածուի քաղաքական պատկանելություն	Ընտրությունների արդյունքները ըստ տոկոսների	Ընտրությունների արդյունքները ըստ ընտրածայների
1.	Մուհամմադ Մուրսի	«Ազատություն և արդարություն» կուսակցության 1-ին քարտուղար (2011-2012 թթ.)	51,73	13.230.131
2.	Ահմեդ Շաֆիք	Եգիպտոսի 58-րդ վարչապետը (01.2011-02.2011 թթ.), անցումային կառավարության 1-ին քարտուղար (02.2011-03.2011 թթ.), Եգիպտոսի քաղաքացիական նախարար (2002-2011 թթ.)	48,27	12.347.380

Ներկայացված աղյուսակում տեսանելի է նաև ընտրողների ներկայության ցածր տոկոսը՝ առաջին փուլում 46,42% և երկրորդում՝ 51.85%: Այս հանգամանքը կարող է բացատրվել ոչ միայն «ժողովրդավարական ընտրություն» գաղափարի ավանդույթի բացակայության, այլև բնակչության ստվար զանգվածի

5.	Ամր Մուսա	Անկախ թեկնածու, Եգիպտոսի արտաքին գործերի նախարար (1991-2001 թթ.), ԱՊԼ գլխավոր քարտուղար (2001-2011 թթ.)	11,13	2.588.850
6.	Մոհամմադ Սալիմ Ալ-Աուա	Անկախ թեկնածու, «Մշակույթի և երկխոսության եգիպտական ասոցիացիայի» ղեկավար	1,01	235.374
7.	Խալեդ Ալի	Անկախ թեկնածու, իրավապաշտպան փաստաբան, «Տնտեսական և սոցիալական իրավունքների» եգիպտական կենտրոնի ղեկավար	0,58	134.056
8.	Աբու Ալ-Իզ Ալ-Հարիրի	«Սոցիալիստական ժողովրդական այլանս»-ի ղեկավար, Ալեքսանդրիայի խորհրդարանի անդամ	0,17	40.090
9.	Հիշամ Բաստավիսի	Ազգային-առաջադիմական երիտասարդական կուսակցության նախագահ, Եգիպտոսի Սահմանադրական դատարանի Փոխնախագահ	0,13	29,189
10.	Մահմուդ Հուսամ	«Սկիզբ» կուսակցություն, ոստիկանության նախկին սպա	0,10	23.992
11.	Մոհամմադ Ֆաուզի Իսա	«Սերնդի ժողովրդական» կուսակցություն, նախկին ոստիկան	0,10	23.889
12.	Հուսամ Հեյրուվլա	«Իսադադության ժողովրդավարական», կուսակցություն, նախ-	0,09	22.036

		կին հետախույզ, Եգիպտոսի տեղեկատվության և վիճակագրության վարչության ղեկավար		
13.	Աբդալլա Ալ-Աշալ	«Իսկություն» կուսակցություն, դիվանագետ, միջազգային իրավունքի մասնագետ:	0,05	12.249

Նախագահական ընտրությունների երկրորդ փուլն ամբողջականացնում է ընտրողների մեծ մասի համակրանքն իսլամիստների նկատմամբ:

	Թեկնածու	Թեկնածուի քաղաքական պատկանելություն	Ընտրությունների արդյունքները ըստ տոկոսների	Ընտրությունների արդյունքները ըստ ընտրաձայների
1.	Մոհամմադ Մուրսի	«Ազատություն և արդարություն» կուսակցության 1-ին քարտուղար (2011-2012 թթ.)	51,73	13.230.131
2.	Ահմեդ Շաֆիք	Եգիպտոսի 58-րդ վարչապետը (01.2011-02.2011 թթ.), անցումային կառավարության 1-ին քարտուղար (02.2011-03.2011 թթ.), Եգիպտոսի քաղաքացիայի նախարար (2002-2011 թթ.)	48,27	12.347.380

Ներկայացված աղյուսակում տեսանելի է նաև ընտրողների ներկայության ցածր տոկոսը՝ առաջին փուլում 46,42% և երկրորդում՝ 51.85%: Այս հանգամանքը կարող է բացատրվել ոչ միայն «ժողովրդավարական ընտրություն» գաղափարի ավանդույթի բացակայության, այլև բնակչության ստվար զանգվածի

ապաքաղաքականացված լինելու հանգամանքով: Հարկ է նշել նաև, որ տևական ժամանակ Եգիպտոսի բնակչությունը զրրկված է եղել պետության քաղաքական կյանքին իրական միջամտելու կարողությունից, ինչը թե՛ դեգրադացրել է և թե՛ ստեղծել անկումային իրավիճակ ներկայի և ապագայի նկատմամբ: Քաղաքական կյանքի նկատմամբ ցածր հետաքրքրությունը հաստատվում է նաև տարբեր լրատվամիջոցների կողմից կատարված հետազոտության արդյունքներով, որոնց համաձայն՝ հարցումներին մասնակցած Եգիպտոսի բնակչության մոտ 78,5%-ը համոզված է, որ երկրում անցկացվող ընտրությունները ոչինչ չեն փոխի⁴³:

Այս ամենի արդյունքում հաղթեց Մուհամմադ Մուրսին: Հետաքրքրական է այն, որ Մուրսիի թեկնածության մասնակցությունն ընտրություններում հաստատվեց միայն Բարձրագույն ընտրական հանձնաժողովի կողմից «Մուսուլման եղբայրներ» կազմակերպության ներկայացուցիչ Խայրաթ Ալ-Շատերի թեկնածությունը մերժելուց հետո: Այսինքն՝ ստացվում է, որ ընտրություններին իրական նշանակություն ունեցավ ոչ թե թեկնածուի անձը, այլ տվյալ դեպքում կուսակցության դիրքորոշումը:

ԵԶՐԱԿԱՑՈՒԹՅՈՒՆ

1. Խորհրդարանական և նախագահական ընտրությունները Եգիպտոսում ի ցույց դրեցին այն, որ երկրում առկա են իրարամերժ երկու հիմնական բևեռներ՝ ազգայնական գաղափարներով առաջնորդվող զինվորականները և աստվածապետություն կառուցելու ջատագովները՝ իսլամիստները: Լիբերալ-ժողովրդավարական հայացքներ ունեցող ուժերը թեպետև կանգնած էին եգիպտական հեղափոխության ակունքներում, այդուամենայնիվ հետհեղափոխական երկու հիմնական իրադարձություններում՝ խորհրդարանական և նախագահական ընտրություններում, պարտվեցին:
2. Եգիպտական հասարակությունը մրցակցային ժողովրդավարության պայմաններում գիտակցական ընտրություն կատարեց, որը բյուրեղացրեց վերջինիս կողմնորոշումը դեպի ավանդական դավանական արժեքների

պահպանումը՝ աշխարհիկ պետություն ունենալու փոխարեն: Միևնույն ժամանակ անտարակույս է, որ իշխանության իսլամականացումը նշանակում էր հրաժարում հեղափոխության ձեռքբերումներից, որին ի դեպ մասնակցեց եգիպտական հասարակության առավել կըրթված և ազատական հատվածը:

3. Իսլամիստական հավաքական ուժերը՝ «Մուսուլման եղբայրներ» կազմակերպության գլխավորությամբ, տասնամյակներ շարունակվող պայքարի ընթացքում ստացան ընդամենը մեկ օրինական հնարավորություն մասնակցելու երկրի իշխանության ձևավորման գործընթացին և կարողացան հաղթանակ ամրագրել: Իսլամականներին հաջողվեց օգտագործել գյուղական բնակավայրերի ընտրաձայները, որոնք տոկոսային տեսակարար կշռի իմաստով ավելի մեծաքանակ էին:
4. Նախագահական ընտրությունները փաստեցին, որ եգիպտական հասարակության՝ ընտրելու իրավունքից օգտվող սովորական զանգվածը գերադասում է իշխանության լծակների մոտ տեսնել իսլամականներին, եթե անգամ չի փոխվում պետության բռնապետական հենքը:
5. Եգիպտացիները քվեարկեցին թվացյալ արդիականացման օգտին, այսինքն՝ հանուն քաղաքական նոր վերնախավի, որը կապված չէր նախկին վարչակարգի հետ: Սա էր պատճառը, որ նախապատվությունը տրվեց չնչին տարբերությամբ ոչ թե ավելի հայտնի Ահմադ Շաֆիքին, այլ Մուհամմադ Մուրսիին:
6. Չնայած այն հանգամանքին, որ 2012 թ. նախագահական ընտրությունները Եգիպտոսում աննախադեպ էին իրենց թափանցիկության և արդարության իմաստով, այնուամենայնիվ իսլամականների իշխանության գալը ամենևին էլ չէր վստահեցնում երկրում ժողովրդավարական սկզբունքների հաստատման և քաղաքացիական հասարակության կառուցման մասին:
7. Նախագահական ընտրությունների արդյունքները գոհացրին ԱՄՆ-ին. Վաշինգտոնը քաջ գիտակցում էր, որ իսլամիստական խաղաղույթը նաև Եգիպտոսում կրեթի սպասված նպատակի: Սա էր պատճառը, որ ԱՄՆ-ը այնդեց նախագահական ընտրությունների արդյունքների շուտափույթ հրապարակում:

⁴³ Грабельников А.А., Тамух Мохаммед Анасс, СМИ и президентские выборы в Египте после революции, file:///C:/Users/GG/Downloads/smi-i-prezidentskie-vybory-v-egipte-posle-revolyutsii%20(2).pdf.

8. Իշխանության մոտ գտնվող եգիպտական «Մուսուլման եղբայրներ» կազմակերպությունն անցել է քաղաքական-գաղափարախոսական «արդիականացման» երկար ճանապարհ և որդեգրել է «սալաֆիական շարժումներից և գաղափարախոսություններից» տարանջատվելու դիրքորոշումը՝ ներկայանալով որպես «չափավոր իսլամիստական» ուղղություն, որն առաջ քաշեց Եգիպտոսում պետական կառուցվածքի «թուրքական մոդելի» ներդրման հնարավորությունը:
9. Միևնույն ժամանակ Եգիպտոսում իշխանության մոտ գտնվող «չափավոր իսլամականները» ձգտում են ստեղծել ազգային միասնության պետություն, թեպետև անհասկանալի է, թե ինչպես են իշխանությունները դա իրագործելու, մանավանդ, երբ երկրում առկա է 8-10 մլն ղպտիական համայնքը, որի նկատմամբ միշտ վերապահումով է մոտենում «Մուսուլման եղբայրներ» կազմակերպությունը:
10. Երկրում նկատվում է գաղափարական նոր միտում՝ կապված «ավտորիտարիզմի ուժը բանակում չէ, այլ քաղաքացիական հասարակության առկայության»:
11. Այդ իմաստով տեղին է հիշեցնել ԱՄՆ-ի գործադրած ջանքերի մասին՝ տարածաշրջանում «չափավոր իսլամիզմի» բազային հենքի ստեղծման ուղղությամբ տարվող աշխատանքների մասին, ի հակակշիռ իսլամի սալաֆիական ուղղության զարգացման:

ՄՈՒՇԵՂ ՂԱՀՐԻՅԱՆ

ՏԱՐԱԾՔԱՅԻՆ ԵՎ ՆԱՎԹԱՅԻՆ ՎԵՃԵՐԸ ԲԱՂՂԱԴԻ ԵՎ ԷՐԲԻԼԻ ՄԻՋԵՎ (2003-2015 ԹԹ.)

2003 թ. մարտին ԱՄՆ-ի գլխավորած կոալիցիան ներխուժեց Իրաք՝ գրավելով երկրի տարածքը և տապալելով նախագահ Սադդամ Հուսեյնի իշխանությունը: Ռազմական գործողություններին կոալիցիայի կողմից ակտիվորեն մասնակցեց նաև քրդական փեշմերգան: Քրդերը, օգտվելով հնարավորությանից, դեպի հարավ ընդարձակեցին իրենց վերահսկողությունից, իսկ հարավ ընդարձակեցին իրենց վերահսկողության տակ գտնվող տարածքները: Սադդամ Հուսեյնի իշխանության տապալումից հետո Իրաքում կառավարման նոր հանության տապալումից հետո Իրաքում կառավարման նոր համակարգ, պետական նոր մարմիններ ստեղծվեցին, ընդունվեց նոր սահմանադրություն: Քրդերն իրենց ինքնավարությունն ամրապնդելուց բացի մեծ ներկայացվածություն ունեցան նաև կենտրոնական իշխանությունում: 2005 թ. ընդունվեց Իրաքի սահմանադրությունը, որով քրդական ինքնավարությունը պաշտոնական կարգավիճակ ստացավ լայն լիազորություններով, տոնական կարգավիճակ ստացավ լայն լիազորություններով, քրդերի համար երաշխավորվեց Իրաքի նավթային եկամուտքերի մի մասը: Այնուամենայնիվ, նոր սահմանադրությունը չկարգավորեց կենտրոնական իշխանության և Իրաքյան Քրդստանի միջև տարածքային, ռեսուրսային, կառավարման լծակների հետ կապված վեճերը: Հոգվածի նպատակն է ներկայացնել և վերլուծել քրդերի և Իրաքյան իշխանությունների միջև գոյություն ունեցող խնդիրները 2003 թվականից հետո ստեղծված իրողությունների լույսի ներքո:

Իրաքում տարածքային վեճերը կապված են օրենքով քրդերի տնօրինության տակ գտնվող տարածքների և նրանց հավակնությունների հետ, որոնք ամենևին չեն համընկնում: 2003 թ. պատերազմից հետո տարածքային վեճերը, կառավարման լծակների և նավթի արդյունահանման ու դրանից ստացված եկամուտների վերաբաշխման խնդիրները դարձան կենտրոնական իշխանության և Քրդստանի շրջանային կառավարության հակասությունների ու առճակատման առանցքը:

Նախքան 2003 թ. պատերազմը քրդական ինքնավարության և Իրաքի մյուս տարածքների սահմանը «Կանաչ գիծն»

8. Իշխանության մոտ գտնվող Եգիպտական «Մուսուլման եղբայրներ» կազմակերպությունն անցել է քաղաքական-գաղափարախոսական «արդիականացման» երկար ճանապարհի և որդեգրել է «սալաֆիական շարժումներից և գաղափարախոսություններից» տարանջատվելու դիրքորոշումը՝ ներկայանալով որպես «չափավոր իսլամիստական» ուղղություն, որն առաջ քաշեց Եգիպտոսում պետական կառուցվածքի «թուրքական մոդելի» ներդրման հնարավորությունը:
9. Միևնույն ժամանակ Եգիպտոսում իշխանության մոտ գտնվող «չափավոր իսլամականները» ձգտում են ստեղծել ազգային միասնության պետություն, թեպետև անհասկանալի է, թե ինչպես են իշխանությունները դա իրագործելու, մանավանդ, երբ երկրում առկա է 8-10 մլն ղպտիական համայնքը, որի նկատմամբ միշտ վերապահումով է մոտենում «Մուսուլման եղբայրներ» կազմակերպությունը:
10. Երկրում նկատվում է գաղափարական նոր միտում՝ կապված «ավտորիտարիզմի ուժը բանակում չէ, այլ քաղաքացիական հասարակության առկայության»:
11. Այդ իմաստով տեղին է հիշեցնել ԱՄՆ-ի գործադրած ջանքերի մասին՝ տարածաշրջանում «չափավոր իսլամիզմի» բազային հենքի ստեղծման ուղղությամբ տարվող աշխատանքների մասին, ի հակակշիռ իսլամի սալաֆիական ուղղության զարգացման:

ՄՈՒՇԵՂ ՂԱԿՐԻՅԱՆ

ՏԱՐԱԾՔԱՅԻՆ ԵՎ ՆԱՎԹԱՅԻՆ ՎԵՃԵՐԸ ԲԱՂՂԱԴԻ ԵՎ ԷՐԲԻԼԻ ՄԻՋԵՎ (2003-2015 ԹԹ.)

2003 թ. մարտին ԱՄՆ-ի գլխավորած կոալիցիան ներխուժեց Իրաք՝ գրավելով երկրի տարածքը և տապալելով նախագահ Սադդամ Հուսեյնի իշխանությունը: Ռազմական գործողություններին կոալիցիայի կողմից ակտիվորեն մասնակցեց նաև քրդական փեշմերգան: Քրդերը, օգտվելով հնարավորությունից, դեպի հարավ ընդարձակեցին իրենց վերահսկողության տակ գտնվող տարածքները: Սադդամ Հուսեյնի իշխանության տապալումից հետո Իրաքում կառավարման նոր հանության տապալումից հետո Իրաքում կառավարման նոր համակարգ, պետական նոր մարմիններ ստեղծվեցին, ընդունվեց նոր սահմանադրություն: Քրդերն իրենց ինքնավարությունն ամրապնդելուց բացի մեծ ներկայացվածություն ունեցան նաև կենտրոնական իշխանությունում: 2005 թ. ընդունվեց Իրաքի սահմանադրությունը, որով քրդական ինքնավարությունը պաշտոնական կարգավիճակ ստացավ լայն լիազորություններով, քրդերի համար երաշխավորվեց Իրաքի նախապալին եկամուտների մի մասը: Այնուամենայնիվ, նոր սահմանադրությունը չկարգավորեց կենտրոնական իշխանության և Իրաքյան Քրդստանի միջև տարածքային, ռեսուրսային, կառավարման լծակների հետ կապված վեճերը: Հոգվածի նպատակն է ներկայացնել և վերլուծել քրդերի և Իրաքյան իշխանությունների միջև գոյություն ունեցող խնդիրները 2003 թվականից հետո ստեղծված իրողությունների լույսի ներքո:

Իրաքում տարածքային վեճերը կապված են օրենքով քրդերի տնօրինության տակ գտնվող տարածքների և նրանց հավակնությունների հետ, որոնք ամենևին չեն համընկնում: 2003 թ. պատերազմից հետո տարածքային վեճերը, կառավարման լծակների և նավթի արդյունահանման ու դրանից ստացված եկամուտների վերաբաշխման խնդիրները դարձան կենտրոնական իշխանության և Քրդստանի շրջանային կառավարության հակասությունների ու առճակատման առանցքը: Նախքան 2003 թ. պատերազմը քրդական ինքնավարության և Իրաքի մյուս տարածքների սահմանը «Կանաչ գիծն»

քականության նպատակը հենց ապահովագրումն էր սպառնալիքներից՝

Տեղահանումների առաջին զանգվածային ալիքն սկսվեց 1974 թ. Բաղդադի կողմից Քրդստանի ինքնավար շրջանի միակողմանի հռչակումից հետո, որը ներառում էր էրբիլի, Սուլեյմանիեի և Դոհուկի նահանգները: 1975 թ. քրդական ապստամբության պարտությունից հետո բարձր գեղի հազարավոր անդամներ նույնպես բռնությամբ արտաքսվեցին իրենց բնակավայրերից: 1970-ականների վերջերին Իրաքի կառավարությունն Իրանի և Թուրքիայի սահմանակից տարածքներից հասցրել էր տեղահանել առնվազն քառորդ միլիոն քրդի: Քրդերի բնակավայրերը մասամբ ոչնչացվում էին՝ սահմանային հատվածներում «սանիտարական գոտի» ստեղծելու համար, իսկ տեղահանվածները բնակեցվում էին մայրուղիների մոտակա տարածքներում, որտեղ իրաքյան բանակն ուժեղ վերահսկողություն ուներ⁹:

Քրդերին տեղահանելուց հետո Իրաքի իշխանություններն ազատված տարածքներն արաբ ընտանիքներով բնակեցնելու ծրագիր սկսեցին: Մոսուլից հարավ-արևմուտք ընկած ալ-Ջազիրա անապատում բնակվում էին վարչակարգին հավատարիմ բազմաթիվ ցեղեր: Նրանց առաջարկեցին ազատ, ոռոգվող հողատարածություններ, իսկ շեյխերը խրախուսում էին տեղափոխությունը¹⁰:

1991 թ. ապստամբությունների պարտությունից հետո արաբականացման քաղաքականության գլխավոր թիրախը դարձան Քիրքուքը և հարևան շրջանները: Հազարավոր քրդերի, թուրքոմանների ու ասորիների պարտադրում էին պաշտոնական փաստաթղթերում որպես ազգություն նշել «արաբ»։ Պահանջը մերժող քրդերին ստիպում էին լքել իրենց տները և տեղափոխվել քրդական շրջաններ: 1991-2000 թթ. Քիրքուք նահանգի տարածքից ավելի քան 120.000 մարդ է տեղահանվել¹²:

⁹ Stansfield G., Anderson L.m Crisis in Kirkuk, The Ethnopolitics of Conflict and Compromise, Philadelphia, , 2009, p 51.

¹⁰ Human Rights Watch, Iraq's Crime of Genocide: The Anfal Campaign Against the Kurds, New Haven, 1995, p. 6.

¹¹ Bouckaert P., Human Rights Watch, Claims in Conflict, Reversing Ethnic Cleansing in Northern Iraq, Vol. 16, No. 4(E), New York, August 2004, p 2:

¹² Human Rights Watch, Iraq: Forcible Expulsion of Ethnic Minorities, Vol. 15, No. 3(E), New York, 2003, p. 2.

Սադրամ Հուսեյնի իշխանության տապալումից հետո քրդական ուժերը մտան Քիրքուք և սկիզբ դրեցին հակառակ գործընթացին՝ քաղաքի և նահանգի քրդականացմանն ու արաբների հեռանալուն, որն իրականացվում էր արաբ ընտանիքներին հեռանալու դիմաց փոխհատուցում առաջարկելով, քրդերի զանգվածային վերաբնակեցմամբ: Արաբները և թուրքոմանները քրդերի վերադարձը դիտում էին որպես ապագա հանրաքվեի արդյունքների վրա ազդելու փորձ քրդական ուժերի կողմից, մինչդեռ քրդերն արաբների դժգոհությունը որակում էին որպես արաբականացման քաղաքականության շարունակություն¹³:

2003 թ. բաասական վարչակարգի տապալումից հետո մոտ 200,000 ներքին տեղահանվածներ վերադարձան Քիրքուք, որոնց մեծ մասը քրդեր էին: ՔՇԿ-ի ղեկավարությունը խրախուսում էր քրդերի վերադարձը, սակայն շատերը, որոնք արդեն հասցրել էին իրենց կյանքը կարգավորել ինքնավարության տարածքում, չէին ցանկանում վերադառնալ Քիրքուք, որտեղ նրանց անորոշությունն էր սպասում: Շատ քրդեր համարում էին, որ իրենց անվտանգությունը կարող է ապահովվել, եթե Քիրքուքը քրդական ինքնավարության մաս լինի: Թուրքոմանները, ընդհակառակը, կարծում էին, որ իրենց շահերն ավելի լավ պաշտպանված կլինեին ոչ թե ինքնավար շրջանի տարածքում, այլ Բաղդադի ենթակայության տակ: Արաբներն էլ մտավախություններ ունեին, որ Քիրքուքի նավթից ստացված եկամուտները կարող էին օգտագործվել շրջանն Իրաքից անջատելու համար¹⁴:

Քիրքուքի վերաբերյալ գիտական գրականության մեջ խնդիրը հաճախ գերազանցապես դիտվում է նավթային եկամուտների տեսանկյունից: Քիրքուք բառին մշտապես ուղեկցում է «նավթով հարուստ» բառակապակցությունը՝ երկրորդ պլան մղելով էթնիկ բաղադրիչը: Մինչդեռ, մեր կարծիքով, խնդրի բարդությունը և լուծման բացակայությունն առաջին հերթին էթնիկ բաղադրիչի հետ են կապված: Տասնամյակներ շարունակ Քիրքուքում քրդերը և մյուս ժողովուրդները սեփականազրկվել են, տեղահանվել, ենթարկվել զտումների, նվաստացման:

¹³ Wolff S., Governing (in) Kirkuk: resolving the status of a disputed territory in post-American Iraq, International Affairs, Royal Institute of International Affairs 1944-, 86.6, Hoboken, 2010, p. 1370.

¹⁴ Նույն տեղում:

երբ «Իրաքի և Լևանտի իսլամական պետություն» կոչվող խմբավորումը մեծ տարածքներ գրավեց Իրաքի հյուսիսում և կենտրոնում: 2014 թ. հունիսին, երբ կառավարական զորքերը նահանջում էին Քիրքուքից, քրդական փեշմերգան արագորեն գրադեցրեց այն:

Բաղդադի և Էրբիլի հարաբերությունների սրումը համընկավ վարչապետ Նուրի Ալ-Մալիքիի դիրքերի ամրապնդման ժամանակաշրջանի հետ: Ալ-Մալիքին, որն ուներ Իրանի և ԱՄՆ-ի աջակցությունը, կենտրոնամետ քաղաքականություն էր վարում՝ միաժամանակ իր ձեռքում հավաքելով իշխանական լծակները: Մինչև 2008 թ. քրդական կուսակցությունները դաշնակցում էին շիայական ուժերի՝ Ալ-Մալիքիի «Դաուա» կուսակցության¹⁹ և Աբդ Ալ-Ազիզ Ալ-Հաքիմի գլխավորած Իրաքի իսլամական գերագույն խորհրդի հետ: Ալ-Մալիքին օգտագործում էր քրդերի աջակցությունը՝ սուննի արաբական ուժերի և շիա ազդեցիկ հոգևորական Մուքթադա Ալ-Սադրի գլխավորած շրջանակների ընդդիմությանը դիմագրավելու համար: Քրդերը 2008 թ. մարտին աջակցեցին Ալ-Մալիքիին Ալ-Սադրի կողմնակիցների դեմ առճակատման ժամանակ²⁰:

Ալ-Մալիքիի և քրդերի հարաբերությունները սկսեցին լարվել 2008 թ. սկսած: Բարզանիի և վարչապետի միջև հեռակա վեճ սկսվեց. Բարզանին Ալ-Մալիքիին մեղադրեց իշխանությունն իր ձեռքում կենտրոնացնելու մեջ ի պատասխան վարչապետի ելույթի, ով քրդերին մեղադրել էր հակասահմանադրական քաղաքականություն վարելու մեջ՝ ինչպես փեշմերգան ԲՇԿ-ի տարածքից դուրս տեղակայումը և օտար երկրների դիվանագիտական ներկայացուցչությունների բացումը ԲՇԿ տարածքում²¹: Բասրայում Ալ-Սադրի և Խանեկինում քրդերի դեմ ունեցած հաջողություններից ոգեշնչված՝ վարչապետ Նուրի Ալ-Մալիքին 2008 թ. սեպտեմբերի 17-ի ելույթում խոսեց ուժեղ կենտրոնական պետության առավելությունների մասին՝ միաժամանակ նշելով, որ դա չի հակասում Ֆեդերալիզմի սկզբունքին: «Սա չի նշանակում հրաժարում ֆեդերալիզմից:

Այո՛, մենք ֆեդերալիզմ ենք կառուցելու: Սակայն պետք է նշենք, որ կենտրոնական կառավարությունն ավելի ուժեղ է, քան դաշնային միավորները, և դաշնային միավորներն ավելի ուժեղ չեն, քան կենտրոնական կառավարությունը, ինչպես նմանք են մտածում, որ կենտրոնական կառավարությունը միայն հավաքում ու բաշխում է եկամուտները: Ահա ինչպես են ոմանք պատկերացնում կենտրոնական կառավարությունը, որ այն պետք է այդ աստիճանի թույլ լինի: Սա հակասում է ուժեղ պետություն կառուցելու նպատակին, որն ունակ կլինի պաշտպետություն կառուցելու նպատակին, որն ունակ կլինի պաշտպանելու ինքն իրեն»²², - նշում էր Ալ-Մալիքին: Հասկանալի է, որ այս ելույթն ուղղված էր Էրբիլին:

Մի քանի շաբաթ անց Ալ-Մալիքին ավելի հեռուն գնաց՝ քննադատելով սահմանադրության «հապշտապ ընդունումը», այն դեպքում, երբ Իրաքն անցումային շրջանում էր: Վարչապետը նշեց, որ սահմանադրությունը պետք է փոխվի՝ կառավարության և նահանգների միջև իշխանության բաժանումը հստակեցնելու համար: 2009 թ. հունվարի 21-ին Իրաքի վարչապետը կրկնեց, որ սահմանադրությունն ու օրենքները պետք է փոխվեն՝ երկրի միասնությունը պահպանելու համար²³: Ալ-Մալիքին քննադատության ենթարկեց նաև մուհասսան՝ պաշտոնների բաշխման չգրված պայմանավորվածությունը, ըստ որի՝ նախագահը պետք է լինի քուրդ, վարչապետը՝ շիա, խորհրդարանի խոսնակը՝ սուննի²⁴:

2010 թ. Իրաքում խորհրդարանական ընտրություններ անցկացվեցին: Վարչապետ Ալ-Մալիքիի գլխավորած «Օրենքի և արդարության» կոալիցիան ստացավ 89 մանդատ՝ ընդամենը 2 պետություն» Իրաքի ազգային շաբժմանդատով գիջելով Իյադ Իլավիի «Իրաքի ազգային շաբժմանը»: 2010 թ. խորհրդարանական ընտրություններին Քրդըսմանը»: 2010 թ. խորհրդարանական ընտրություններին և ընդդի-հրավիրելով նաև իսլամական կուսակցություններին:

²² International Crisis Group, Working to Prevent Conflict Worldwide, Iraq and the Kurds: Trouble Along the Trigger Line, Middle East Report N88, Brussels, 8 July 2009, p. 6.

²³ المالكي, Ալ-Մալիքի. Թաղիր ալ-դասթուր դարուրի լիհիմայա ուահդաթուլ Իրակ: դասթուր դարուրի լիհիմայա ուահդաթուլ Իրակ: 21 Jan. 2009, <http://middle-east-online.com/?id=72829> (մատչելի էր 01.04.2016).

²⁴ 21 Jan 2009, العراق, الحزبية الطائفية والحزبية دمرت العراق, المالكي, Ալ-Մալիքի. Ալ-մուհասսաա ալ-տախֆիյա ու ալ-հիզբիյա դամարաթ ալ-Իրակ <http://www.lebanese-forces.com/2009/01/21/32305/> (մատչելի էր 01.04.2016):

¹⁹ Կուսակցության անվանումն է «Իսլամական կոչի կուսակցություն», որ հաճախ համառոտ նշվում է «Դաուա» (արաբերենից թարգմանաբար՝ կոչ):

²⁰ Katzman K., Kurds in Post-Saddam Iraq, Congressional Research Service report for Congress, Washington, 1 Sep. 2009, p. 6:

²¹ Full text of KRG response to Iraqi Prime Minister's accusations, 1 Dec 2008, KRG website, <http://cabinet.gov.krd/a/d.aspx?l=12&s=02010100&r=223&a=26811&s=010000> (մատչելի էր 12.05.2016):

մադիր «Գորան» շարժմանը, որը մեկ տարի առաջ Իրաքյան Քրդստանի օրենսդիր մարմնի ընտրություններում ստացել էր պատգամավորական մանդատների 25%-ը: «Գորանը», սակայն, հրաժարվեց հանդես գալ միասնական ցուցակով՝ մեղադրելով ՔԴԿ-ին ու ՔՀՄ-ին իշխանության մենաշնորհացման փորձի մեջ: Այն նախընտրեց առանձին մասնակցել համաիրաքյան ընտրություններին, որպեսզի Բաղդադում ապահովեր իր ներկայությունը: Մարտյան ընտրություններին Քրդստանի դաշինքը հավաքեց ծայների մոտ 15%-ը, որը հավասար էր 43 մանդատի: Նախորդ գումարման խորհրդարանի համեմատ (2005 թ. դեկտեմբերյան ընտրություններ) Քրդական դաշինքը կորցրեց 10 տեղ: «Գորանը» ստացավ 8 մանդատ, իսկ քրդական իսլամական ուժերը՝ 6 մանդատ²⁵: Խորհրդարանում չունենալով մեծամասնություն՝ վարչապետը սկսեց ուժեղացնել գործադիրի դիրքերն ու ազդեցությունը՝ ի հաշիվ խորհրդարանի և տեղական իշխանությունների: Նուրի Ալ-Մալիքին փորձում էր ռազմական ուժերը, դատարանները, նախարարությունները ենթարկեցնել իրեն: Այն բանից հետո, երբ Միացյալ Նահանգների Հատուկ ուժերը պետական ինստիտուտները փոխանցեցին Իրաքի իշխանություններին, վարչապետ Ալ-Մալիքին բանակի ներսում մի քանի բրիգադ ձևավորեց որպես հակահարբեկչական ուժեր, որոնց դուրս բերեց Պաշտպանության նախարարության ենթակայությունից և դրեց իր անմիջական հրամանատարության տակ: Այնուհետև նա մեկ կառույցի մեջ միավորեց ոստիկանությունն ու բանակը: Ալ-Մալիքի անմիջական ենթակայության տակ մոտ 4200 հոգուց բաղկացած հատուկ ստորաբաժանում կար²⁶: Նա իր անմիջական վերահսկողությունը սահմանեց Գերագույն դաշնային դատարանի վրա, վերացրեց ամերիկյան օկուպացիայի ժամանակ բացված մի շարք գործակալությունների անկախությունը, որոնք պետք է վերահսկեին ընտրությունները, հետևեին մարդու իրավունքների պաշտպանությանը և պայքարեին կոռուպցիայի դեմ: Նուրի Ալ-Մալիքին համոզված էր, որ իշխանության կիսումը և շրջանների ինքնավարության աստիճանի մեծա-

ցումը չեն լուծում Իրաքի առջև ծառայած խնդիրները²⁷: Ալ-Մալիքիի և քրդերի դիմակայությունն ավարտվեց 2014 թ., երբ օգոստոսին երկրում ստեղծված քառասյին վիճակի պատճառով վարչապետը ստիպված էր հրաժարական տալ՝ տեղը զիջելով իրաքյան տարբեր խմբակցությունների համար առավել ընդունելի Հեյդար Ալ-Աբադիին:

Տարածքային վեճերից ու կառավարման լծակների բաշխման խնդիրներից բացի՝ Բաղդադի և Էրբիլի հարաբերություններում լուրջ փորձաքար էր նավթի արդյունահանման և եկամուտների բաշխման խնդիրը: Պատերազմի հետևանքով զգալիորեն նվազած նավթարդյունահանման ծավալներն անհրաժեշտ էր վերականգնել՝ երկրի կարիքները հոգալու համար: Նավթն Իրաքից արտահանվող հիմնական ապրանքն ու եկամտի գլխավոր աղբյուրն է: Թե՛ Բաղդադի, թե՛ Էրբիլի համար նավթի արդյունահանման ու արտահանման վրա վերահսկողությունը ռազմավարական նշանակություն ուներ:

Սահմանադրությամբ Իրաքյան Քրդստանը ստացավ երկրի նավթային եկամուտների 17%-ը, քանի որ, ըստ 112-րդ հոդվածի, արդյունահանված նավթն ու գազը, եկամուտները պետք է բաշխվեին երկրի բոլոր հատվածներում բնակչության թվաքանակին համապատասխան: Եկամուտների բաշխումը կատարվում էր հետևյալ կերպ. երկրի ամբողջ տարածքից արդյունահանված ու վաճառված նավթի եկամուտները կենտրոնանում էին Բաղդադում, վերջինս էլ իրականացնում էր բաշխումը: Ոլորտը կարգավորելու հարցով շահագրգռված էր ԱՄՆ-ը, որը կառավարության վրա ճնշում էր գործադրում համապատասխան օրենսդրություն ընդունելու համար:

Իրաքի վարչապետ Նուրի Ալ-Մալիքին բարդ վիճակում էր հայտնվել աճիաջրածինների մասին օրենքի քննարկման ժամանակ: Ամերիկյան վարչակազմը Ալ-Մալիքիին աջակցությունը շարունակելու համար նախապայման էր դրել այդ օրենքի ընդունումը: Օրենքի ընդունումը, որը պետք է նպաստեր ներդրումների ավելացմանը, նշանակում էր, որ Ալ-Մալիքին պետք է ընդունի քրդերի պահանջները նավթային պայմանագրերի կնքումն ապակենտրոնացնելու վերաբերյալ: Էրբիլի պահանջների կատարումը ոչ միայն կուժեղացներ վերջինիս դիրքերը, այլև կարող էր նաև խթան հանդիսանալ, որ նավթով հարուստ մյուս շրջանները ևս ինքնուրույնություն պահանջեն նավթային

²⁵ Iraq's new parliament seat distribution, 29 Mar., 2010, <http://ekurd.net/mismas/articles/misc2010/3/govt1674.htm> (մատչելի էր 01.04.2016):

²⁶ Yaphe J., Maliki's maneuvering in Iraq, 6 Jun. 2012, <http://foreignpolicy.com/2012/06/06/malikis-maneuvering-in-iraq/> (մատչելի էր 01.04.2016):

²⁷ Նույն տեղում:

մադիր «Գորան» շարժմանը, որը մեկ տարի առաջ Իրաքյան Քրդստանի օրենսդիր մարմնի ընտրություններում ստացել էր պատգամավորական մանդատների 25%-ը: «Գորանը», սակայն, հրաժարվեց հանդես գալ միասնական ցուցակով՝ մեղադրելով ՔԴԿ-ին ու ՔՀՄ-ին իշխանության մենաշնորհացման փորձի մեջ: Այն նախընտրեց առանձին մասնակցել համաիրաքյան ընտրություններին, որպեսզի Բաղդադում ապահովեր իր ներկայությունը: Մարտյան ընտրություններին Քրդստանի դաշինքը հավաքեց ծայների մոտ 15%-ը, որը հավասար էր 43 մանդատի: Նախորդ գումարման խորհրդարանի համեմատ (2005 թ. դեկտեմբերյան ընտրություններ) Քրդական դաշինքը կորցրեց 10 տեղ: «Գորանը» ստացավ 8 մանդատ, իսկ քրդական իսլամական ուժերը՝ 6 մանդատ²⁵: Խորհրդարանում չունենալով մեծամասնություն՝ վարչապետը սկսեց ուժեղացնել գործադիրի դիրքերն ու ազդեցությունը՝ ի հաշիվ խորհրդարանի և տեղական իշխանությունների: Նուրի Ալ-Մալիքին փորձում էր ռազմական ուժերը, դատարանները, նախարարությունները ենթարկեցնել իրեն: Այն բանից հետո, երբ Միացյալ Նահանգների Հատուկ ուժերը պետական ինստիտուտները փոխանցեցին Իրաքի իշխանություններին, վարչապետ Ալ-Մալիքին բանակի ներսում մի քանի բրիգադ ձևավորեց որպես հակաահաբեկչական ուժեր, որոնց դուրս բերեց Պաշտպանության նախարարության ենթակայությունից և դրեց իր անմիջական հրամանատարության տակ: Այնուհետև նա մեկ կառույցի մեջ միավորեց ոստիկանությունն ու բանակը: Ալ-Մալիքի անմիջական ենթակայության տակ մոտ 4200 հոգուց բաղկացած հատուկ ստորաբաժանում կար²⁶: Նա իր անմիջական վերահսկողությունը սահմանեց Գերագույն դաշնային դատարանի վրա, վերացրեց ամերիկյան օկուպացիայի ժամանակ բացված մի շարք գործակալությունների անկախությունը, որոնք պետք է վերահսկեին ընտրությունները, հետևեին մարդու իրավունքների պաշտպանությանը և պայքարեին կոռուպցիայի դեմ: Նուրի Ալ-Մալիքին համոզված էր, որ իշխանության կիսումը և շրջանների ինքնավարության աստիճանի մեծա-

ցումը չեն լուծում Իրաքի առջև ծառայած խնդիրները²⁷: Ալ-Մալիքիի և քրդերի դիմակայությունն ավարտվեց 2014 թ., երբ օգոստոսին երկրում ստեղծված քառսային վիճակի պատճառով վարչապետը ստիպված էր հրաժարական տալ՝ տեղը զիջելով իրաքյան տարբեր խմբակցությունների համար առավել ընդունելի Հեյդար Ալ-Աբադիին:

Տարածքային վեճերից ու կառավարման լծակների բաշխման խնդիրներից բացի՝ Բաղդադի և Էրբիլի հարաբերություններում լուրջ փորձաքար էր նավթի արդյունահանման և եկամուտների բաշխման խնդիրը: Պատերազմի հետևանքով զգալիորեն նվազած նավթարդյունահանման ծավալներն անհրաժեշտ էր վերականգնել՝ երկրի կարիքները հոգալու համար: Նավթն Իրաքից արտահանվող հիմնական ապրանքն ու եկամտի գլխավոր աղբյուրն է: Թե՛ Բաղդադի, թե՛ Էրբիլի համար նավթի արդյունահանման ու արտահանման վրա վերահսկողությունը ռազմավարական նշանակություն ուներ:

Սահմանադրությամբ Իրաքյան Քրդստանը ստացավ երկրի նավթային եկամուտների 17%-ը, քանի որ, ըստ 112-րդ հոդվածի, արդյունահանված նավթն ու գազը, եկամուտները պետք է բաշխվեին երկրի բոլոր հատվածներում բնակչության թվաքանակին համապատասխան: Եկամուտների բաշխումը կատարվում էր հետևյալ կերպ. երկրի ամբողջ տարածքից արդյունահանված ու վաճառված նավթի եկամուտները կենտրոնանում էին Բաղդադում, վերջինս էլ իրականացնում էր բաշխումը: Ոլորտը կարգավորելու հարցով շահագրգռված էր ԱՄՆ-ը, որը կառավարության վրա ճնշում էր գործադրում համապատասխան օրենսդրություն ընդունելու համար:

Իրաքի վարչապետ Նուրի Ալ-Մալիքին բարդ վիճակում էր հայտնվել աժխաջրածինների մասին օրենքի քննարկման ժամանակ: Ամերիկյան վարչակազմը Ալ-Մալիքիին աջակցությունը շարունակելու համար նախապայման էր դրել այդ օրենքի ընդունումը: Օրենքի ընդունումը, որը պետք է նպաստեր ներդրումների ավելացմանը, նշանակում էր, որ Ալ-Մալիքին պետք է ընդունի քրդերի պահանջները նավթային պայմանագրերի կնքումն ապակենտրոնացնելու վերաբերյալ: Էրբիլի պահանջների կատարումը ոչ միայն կուժեղացներ վերջինիս դիրքերը, այլև կարող էր նաև խթան հանդիսանալ, որ նավթով հարուստ մյուս շրջանները ևս ինքնուրույնություն պահանջեն նավթային

²⁵ Iraq's new parliament seat distribution, 29 Mar., 2010, <http://ekurd.net/mismas/articles/misc2010/3/govt1674.htm> (մատչելի էր 01.04.2016):

²⁶ Yaphe J., Maliki's maneuvering in Iraq, 6 Jun. 2012, <http://foreignpolicy.com/2012/06/06/maliki-manuevering-in-iraq/> (մատչելի էր 01.04.2016):

²⁷ Նույն տեղում:

պայմանագրեր ստորագրելու հարցում²⁸: Նշենք, որ 2004-2009 թթ. շիաներով բնակեցված հարավում տեղական իշխանությունները մեծամասամբ Ալ-Մալիքիի «Դաուայի» մրցակից Իրաքի իսլամական գերագույն խորհրդի վերահսկողության տակ էին: Այն կողմ էր շիայական շրջանի ստեղծմանը, որը կվերահսկեր Իրաքի հարավում գտնվող նավթի պաշարները²⁹:

Ջորջ Բուշ Կրտսերի վարչակազմի աջակցությամբ, ինչպես նաև ճնշմամբ 2007 թ. քննարկման դրվեց նավթագային ռեսուրսների մասին օրենքը, որը փոխզիջում էր ենթադրում սուսինների, շիաների և քրդերի միջև: Հունվարին ամերիկացիներին ուղղված Բուշի ուղերձում նշված էր, որ «Իրաքի յուրաքանչյուր քաղաքացու երկրի տնտեսությունից մասնաբաժին տալու համար Իրաքը կընդունի օրենք՝ նավթային եկամուտները բոլոր իրաքցիների միջև բաշխելու համար»³⁰:

Իրաքի կառավարությունն ածխաջրածինների վերաբերյալ օրենքին հավանություն տվեց 2007 թ. փետրվարի 27-ին: Օրենքով Նավթի և գազի դաշնային խորհուրդը, որի անդամ են նաև շրջանների ներկայացուցիչները, պատասխանատվություն պետք է կրեր նավթային քաղաքականության, նավթահանքերի շահագործման համար և իրավունք ունեւր փոփոխություններ կատարելու նավթային ծրագրերում ու քաղաքականությունում³¹:

2007 թ. Բաղդադի հետ նավթային օրենքի վերաբերյալ բանակցությունները, այդուհանդերձ, ձախողվեցին, որից հետո Իրաքյան Քրդստանը սկսեց զարգացնել իր նավթագազային արդյունաբերությունը: Քրդերը 2007 թ. նավթի ու գազի վերաբերյալ սեփական օրենքն ընդունեցին³²: Օրենքի 13-րդ հոդ-

վածում նշված էր գործող և դեռևս չշահագործվող նավթահանքերից եկամուտ ստանալու մասին, սակայն 17-րդ հոդվածում, որը դաշնային իշխանությունների հետ համագործակցության մասին էր, նշված է, որ Քրդստանի կառավարությունը գործող նավթահանքերից արդյունահանված նավթագազային ռեսուրսների կառավարումը համաձայնեցնելու էր դաշնային կառավարության հետ, սակայն խոսք չկար դեռևս չշահագործվող հանքավայրերի մասին³³: Շրջանցելով Իրաքի կառավարությանը՝ քրդական իշխանությունները պայմանագրեր ստորագրեցին միջազգային նավթային ընկերությունների հետ: Այդ քայլից հետո Բաղդադի ու Էրբիլի հարաբերությունները շարունակեցին վատթարանալ:

Մինչ այդ մի շարք փոքր նավթային ընկերություններ արդեն սկսել էին հետազոտական աշխատանքներ իրականացնել, սակայն բանակցությունների ձախողումից հետո ներգրավեցին նաև միջին մեծության ընկերություններին, այդ թվում՝ ԱՄՆ-ից: Քրդական ղեկավարությունը 2007 թ. սեփական նավթային օրենքի հիման վրա մի շարք պայմանագրեր ստորագրեց, որոնք Իրաքի նավթի նախարար Հուսեյն Շահրիստանին անօրինական որակեց³⁴: Պայմանագրեր ստորագրվեցին թուրքական Genel, ամերիկյան Hunt Oil, ԱՄԷ-ի Dana Gas, բրիտանական BP, նորվեգական BNO Asa, ավստրիական OMV, հարավկորեական SK, կանադական Talisman, շվեյցարական Addax ընկերությունների հետ³⁵: Բաղդադը չճանաչեց ինքնուրույն նավթային պայմանագրեր ստորագրելու Էրբիլի իրավունքը: Չնայած կողմերը համաձայնության եկան եկամուտների բաշխման սկզբունքների շուրջ, քրդերը պնդում էին, որ պետք է ինքնուրույն պայմանագրեր ստորագրելու իրավունք ստանան:

²⁸ Kane S., նշվ. աշխ., էջ 14:

²⁹ Նույն տեղում:

³⁰ Transcript of President George W. Bush's address to the nation on U.S. policy in Iraq, January 11, 2007. <http://www.nytimes.com/2007/01/11/us/11ptext.html> (մատչելի էր 01.04.2016):

³¹ 02.06.2007, 5, عبدالهادي الحساني, قانون النفط والغازيين النظرية والواقع, ص. 5, Արդալ Հադի Ալ-Հասանի, կանուն ալ-նաֆտ վալ դազ բեյնալ նազարիյա վալ վալիա: <http://www.iier.org/oillaw/Comments%20on%20the%20Oil%20&%20Gas%20Law%202.pdf>, 2007 (մատչելի էր 04.01.2016):

³² Oil and Gas Law of the Kurdistan Region – Iraq, Decision No. (28) – 2007, KRG website, 07 Sep 2007. <http://cabinet.gov.krd/uploads/documents/>

Kurdistan%20Oil%20and%20Gas%20Law%20English__2007_09_06_h14m0s42.pdf (մատչելի էր 01.04.2016):

³³ St'u Oil and Gas Law of the Kurdistan Region – Iraq, http://cabinet.gov.krd/uploads/documents/Kurdistan%20Oil%20and%20Gas%20Law%20English__2007_09_06_h14m0s42.pdf.

³⁴ Iraqi Oil minister authorized to ban Kurdistan oil exports, 24.11.2007, <http://ekurd.net/mismas/articles/misc2007/11/government1277.htm> (մատչելի էր 01.04.2016):

³⁵ KRG Ministry of Natural Resources Production Sharing Contracts, KRG website, <http://cabinet.gov.krd/p/p.aspx?l=12&p=1> (մատչելի էր 01.04.2016):

պայմանագրեր ստորագրելու հարցում²⁸: Նշենք, որ 2004-2009 թթ. շիաներով բնակեցված հարավում տեղական իշխանությունները մեծամասամբ Ալ-Մալիքիի «Դաուայի» մրցակից Իրաքի իսլամական գերագույն խորհրդի վերահսկողության տակ էին: Այն կողմ էր շիայական շրջանի ստեղծմանը, որը կվերահսկեր Իրաքի հարավում գտնվող նավթի պաշարները²⁹:

Ջորջ Բուշ Կրտսերի վարչակազմի աջակցությամբ, ինչպես նաև ճնշմամբ 2007 թ. քննարկման դրվեց նավթագազային ռեսուրսների մասին օրենքը, որը փոխզիջում էր ենթադրում սուննիների, շիաների և քրդերի միջև: Հունվարին ամերիկացիներին ուղղված Բուշի ուղերձում նշված էր, որ «Իրաքի յուրաքանչյուր քաղաքացու երկրի տնտեսությունից մասնաբաժին տալու համար Իրաքը կընդունի օրենք՝ նավթային եկամուտները բոլոր իրաքցիների միջև բաշխելու համար»³⁰:

Իրաքի կառավարությունն ածխաջրածինների վերաբերյալ օրենքին հավանություն տվեց 2007 թ. փետրվարի 27-ին: Օրենքով Նավթի և գազի դաշնային խորհուրդը, որի անդամ են նաև շրջանների ներկայացուցիչները, պատասխանատվություն պետք է կրեր նավթային քաղաքականության, նավթահանքերի շահագործման համար և իրավունք ունենա փոփոխություններ կատարելու նավթային ծրագրերում ու քաղաքականությունում³¹:

2007 թ. Բաղդադի հետ նավթային օրենքի վերաբերյալ բանակցությունները, այդուհանդերձ, ձախողվեցին, որից հետո Իրաքյան Քրդստանը սկսեց զարգացնել իր նավթագազային արդյունաբերությունը: Քրդերը 2007 թ. նավթի ու գազի վերաբերյալ սեփական օրենքն ընդունեցին³²: Օրենքի 13-րդ հոդ-

վածում նշված էր գործող և դեռևս չշահագործվող նավթահանքերից եկամուտ ստանալու մասին, սակայն 17-րդ հոդվածում, որը դաշնային իշխանությունների հետ համագործակցության մասին էր, նշված է, որ Քրդստանի կառավարությունը գործող նավթահանքերից արդյունահանված նավթագազային ռեսուրսների կառավարումը համաձայնեցնելու էր դաշնային կառավարության հետ, սակայն խոսք չկար դեռևս չշահագործվող հանքավայրերի մասին³³: Շրջանցելով Իրաքի կառավարությանը՝ քրդական իշխանությունները պայմանագրեր ստորագրեցին միջազգային նավթային ընկերությունների հետ: Այդ քայլից հետո Բաղդադի ու Էրբիլի հարաբերությունները շարունակեցին վատթարանալ:

Մինչ այդ մի շարք փոքր նավթային ընկերություններ արդեն սկսել էին հետազոտական աշխատանքներ իրականացնել, սակայն բանակցությունների ձախողումից հետո ներգրավեցին նաև միջին մեծության ընկերություններին, այդ թվում՝ ԱՄՆ-ից: Քրդական ղեկավարությունը 2007 թ. սեփական նավթային օրենքի հիման վրա մի շարք պայմանագրեր ստորագրեց, որոնք Իրաքի նավթի նախարար Հուսեյն Շահրիստանին անօրինական որակեց³⁴: Պայմանագրեր ստորագրվեցին թուրքական Genel, ամերիկյան Hunt Oil, ԱՄԷ-ի Dana Gas, բրիտանական BP, նորվեգական BNO Asa, ավստրիական OMV, հարավկորեական SK, կանադական Talisman, շվեյցարական Addax ընկերությունների հետ³⁵: Բաղդադը չճանաչեց ինքնուրույն նավթային պայմանագրեր ստորագրելու Էրբիլի իրավունքը: Չնայած կողմերը համաձայնության եկան եկամուտների բաշխման սկզբունքների շուրջ, քրդերը պնդում էին, որ պետք է ինքնուրույն պայմանագրեր ստորագրելու իրավունք ստանան:

²⁸ Kane S., նշվ. աշխ., էջ 14:

²⁹ Նույն տեղում:

³⁰ Transcript of President George W. Bush's address to the nation on U.S. policy in Iraq, January 11, 2007. <http://www.nytimes.com/2007/01/11/us/11ptext.html> (մատչելի էր 01.04.2016):

³¹ 02.06.2007, 5. عبدالهادي الحساني. قانون النفط والغاز بين النظرية والواقع, ص. 5, Արդալ Հադի Ալ-Հասանի, կանոն ալ-Նաֆտ վալ դազ բեյնալ նազարիյա վալ վակիա:

<http://www.iier.org/oillaw/Comments%20on%20the%20Oil%20&%20Gas%20Law%202.pdf>, 2007 (մատչելի էր 04.01.2016):

³² Oil and Gas Law of the Kurdistan Region – Iraq, Decision No. (28) – 2007, KRG website, 07 Sep 2007. <http://cabinet.gov.krd/uploads/documents/>

[Kurdistan%20Oil%20and%20Gas%20Law%20English__2007_09_06_h14m0s42.pdf](http://cabinet.gov.krd/uploads/documents/Kurdistan%20Oil%20and%20Gas%20Law%20English__2007_09_06_h14m0s42.pdf) (մատչելի էր 01.04.2016).

³³ St'u Oil and Gas Law of the Kurdistan Region – Iraq, http://cabinet.gov.krd/uploads/documents/Kurdistan%20Oil%20and%20Gas%20Law%20English__2007_09_06_h14m0s42.pdf.

³⁴ Iraqi Oil minister authorized to ban Kurdistan oil exports, 24.11.2007, <http://ekurd.net/mismas/articles/misc2007/11/government1277.htm> (մատչելի էր 01.04.2016).

³⁵ KRG Ministry of Natural Resources Production Sharing Contracts, KRG website, <http://cabinet.gov.krd/p/p.aspx?l=12&p=1> (մատչելի էր 01.04.2016).

Ըստ սահմանադրության՝ նավթի ու գազի հետ կապված հարցերը դաշնային կառավարության բացառիկ իրավասության տակ չեն, իսկ 121-րդ հոդվածի 2-րդ մասում նշված է, որ շրջանների օրենքները գերակայում են դաշնային օրենքներին, եթե խոսքը չի վերաբերում դաշնային կառավարության բացառիկ իրավասություններին³⁶: Հիմնվելով այս հոդվածի վրա՝ քրդերն ինքնուրույնություն էին պահանջում նավթային ոլորտում: Այդ նպատակով մեկնարկած խողովակաշարի շինարարությունը, որը պետք է Թաք Թաք և Թաուկե նավթահանքերից արդյունահանվող նավթը հասցնեի Թուրքիայի սահման, չէր լուծում այդ խնդիրը: Իրաքը Թուրքիային կապող նավթամուղը Քիրքուք-Ջեյհանն է: Նավթի արտահանման նպատակով կառուցվող քրդական ցանկացած խողովակաշար պետք է միանար Քիրքուք-Ջեյհանին, որը քրդերի տարածքով չի անցնում և պատկանում է Իրաքին: Թուրքիայի և Իրաքի միջև գործող պայմանագրով Քիրքուք-Ջեյհան նավթամուղով հոսող նավթը համարվում է Իրաքի սեփականությունը, և չկա իրավական մեխանիզմ, որը թույլ է տալիս Անկարային անմիջապես վճարել Էրբիլին³⁷: Բացի այդ, քրդերը նավթ արտահանելու համար այսպես թե այնպես պետք է ստանային Բաղդադի համաձայնությունը: Նավթի հարցում դաշնային կառավարության դիրքերն ավելի ուժեղ էին, հետևաբար վարչապետ Ալ-Մալիքին մերժեց ոչ միայն պայմանագրեր ստորագրելու իրավունքը, այլ նաև պայմանագրերի բնույթը, որով նավթ արդյունահանող ընկերությունները մասնաբաժին պետք է ստանային³⁸:

Էրբիլի վրա ճնշում գործադրելու համար Իրաքի՝ 2008 թ. բյուջեի քննարկման ժամանակ սուննի և շիա արաբ պատգամավորները փորձեցին ԲՇԿ-ին փոխանցվող նավթային եկամուտները 17%-ից կրճատել մինչև 13%: Քրդերը նախագահ Ջալալ Թալաբանիի միջոցով սպառնացին վետո դնել բյուջետային օրենքի վրա, ինչի շնորհիվ կարողացան պահպանել 17%-ը³⁹:

2008-2009 թթ. համաշխարհային տնտեսական ճգնաժամի ժամանակ նավթի գներն անկում ապրեցին, և նավթային եկամուտներից կախվածություն ունեցող երկու կողմերը միջանկյալ համաձայնության եկան: 2008 թ. դեկտեմբերին Բաղդադը համաձայնվեց ԲՇԿ-ի տարածքում երկու նավթահանքերը միացնել Իրաքից Թուրքիա գլխավոր խողովակաշարին: 2009 թ. մայիսին Բաղդադը թույլատրեց Էրբիլին նավթ արտահանել Թաք Թաք նավթահանքից⁴⁰: Առաջին համաձայնությունը տևեց ընդամենը մի քանի ամիս, քանի որ քրդերը ֆինանսական լուրջ ճնշումների էին ենթարկվում արդյունահանող ընկերությունների կողմից, որոնք պահանջում էին փոխհատուցել իրենց ծախսերը: Բաղդադը պնդում էր, որ ԲՇԿ-ը ծախսերը կատարի իր ամենամյա բյուջեից: 2010 թ., երբ քրդերի՝ արդյունահանման հնարավորությունները մեծացան, Բաղդադն ու Էրբիլը նոր պայմանավորվածություն ձեռք բերեցին, որով քրդերը պետք է շարունակեին նավթի արդյունահանությունը, իսկ դաշնային կառավարությունը փոխհատուցեր ընկերությունների ներդրումները⁴¹: Այս պայմանավորվածությունը ևս կարճ տևեց, քանի որ վեճ ծագեց նավթային ընկերությունների՝ հետազոտման և արդյունահանման կազմակերպման հետ կապված ծախսերի վերաբերյալ: Խնդիրն ավելի էին բարդացնում Ալ-Մալիքիի և Բարզանիի հարաբերությունների սրումը և Ալ-Մալիքիի դիրքերի ամրապնդումը: Բարզանին փորձեց Ալ-Մալիքիի հակառակորդների հետ պայմանավորվածության հասնել և անվստահություն հայտնել նրան, եթե Ալ-Մալիքին շարունակի խախտել իշխանական լիազորությունների բաշխման խոստումները: Բարզանիին վստահություն էր հաղորդում այն, որ աշխարհում նավթային խոշորագույն ընկերություններից մեկը՝ ամերիկյան Exxon Mobil-ը, պայմանագիր էր ստորագրել ԲՇԿ-ի հետ, ինչը զայրացրել էր Ալ-Մալիքիի կառավարությանը, որն ընկերությանը սպառնում էր պատժամիջոցներով⁴²:

Մյուս կողմից Թուրքիան ավելացրեց նավթի գնումներն Իրաքյան Քրդստանից, իսկ Ալ-Մալիքիի և Թուրքիայի վարչա-

³⁶ Anderson L., G. Stasfield, նշվ. աշխ., էջ 3, <http://mepc.org/journal/middle-east-policy-archives/kurds-iraq-struggle-between-baghdad-and-erbil> (մատչելի էր 01.04.2016)։

³⁷ Natali D., How independent is the Iraqi-Kurdish pipeline to Turkey?, Nov 4., 2013, Al-Monitor, <http://www.al-monitor.com/pulse/en/originals/2013/11/iraqi-kurdish-pipeline-turkey-oil-policy-export.html> (մատչելի էր 10.05.2014)։

³⁸ Hiltermann J., Revenge of the Kurds: Breaking Away from Baghdad. Foreign Affairs, Council of Foreign Relations, New York, 91 (6), 2012, p. 20.

³⁹ Kane S., նշվ. աշխ., էջ 16:

⁴⁰ Iraqi Kurdistan begins first-time oil exports, Jun. 01, 2009, Al-Arabiya News, <https://www.alarabiya.net/articles/2009/06/01/74513.html> (մատչելի էր 10.05.2016)։

⁴¹ Shareef M., The United States, Iraq and the Kurds: Shock, Awe and Aftermath, New York, 2014, p. 178.

⁴² Hiltermann J., նշվ. աշխ., էջ 21:

պետ Ռեջեփ Թայիփ Էրդողանի հարաբերությունները լարված էին 2011 թ. սկսված սիրիական հակամարտության պատճառով, որտեղ Ալ-Մալիքին աջակցում էր Սիրիայի նախագահ Բաշար Ասադին: Բարգանիի «հեղաշրջումը» չստացվեց, քանի որ Ալ-Մալիքին վայելում էր Իրանի ու ԱՄՆ-ի աջակցությունը: Ալ-Մալիքին, ի պատասխան նավթի արդյունահանման քրդական բոյկոտին, սպառնաց կրճատել ՔՇԿ-ին տրամադրվող միջոցները: Ի վերջո, կողմերը եկան նախկին պայմանավորվածությանը, իսկ քրդերը նավթային առումով շարունակեցին կախված մնալ Բաղդադից⁴³: 17% մասնաբաժնի շնորհիվ ՔՇԿ-ի եկամուտները 2005 թ. 2.5 միլիարդ դոլարից 2013 թ. հասան 13 միլիարդ դոլարի⁴⁴: 2013 թ. Էրբիլն ավարտին հասցրեց նավթամուղի կառուցումը՝ միացնելով այն Քիրքուք-Ջեյհան նավթամուղին: 2014 թ. նավթամուղով Ջեյհան հասած առաջին միլիոն բարել քրդական նավթը տանկերով ուղևորվեց Եվրոպա⁴⁵:

2014 թ. հունիսին ԻՊ-ը գրավեց Իրաքի՝ մեծությամբ երկրորդ քաղաքը՝ Մոսուլը՝ տիրանալով իրաքյան բանակի ստորաբաժանումների թողած մեծաքանակ սպառազինությանը, բանկերին, նավթագազային պաշարներին, վերամշակման գործարաններին, օդանավակայաններին: ԻՊ-ի կողմից Մոսուլի և մի շարք այլ տարածքների գրավումից իրաքյան քրդերը հայտնվեցին ռազմաճակատի առաջին գծում: Իրաքյան բանակի նահանջի պայմաններում քրդական փեշմերգան մարտեր էր մղում ԻՊ-ի դեմ նրանց առաջխաղացումը բուն Իրաքյան Քրդստանի տարածք կանգնեցնելու համար: Մոսուլի, Թիքրիթի գրավումից հետո գրոհայինները հարձակում սկսեցին քրդերի մայրաքաղաք Էրբիլի ուղղությամբ, որը մեծ ջանքերի գնով հաջողվեց կանգնեցնել:

2014 թ. հուլիսին իրաքյան բանակի ստորաբաժանումները նահանջեցին նաև Քիրքուքի շրջանից, որի նկատմամբ հավակնություններ ունի Իրաքյան Քրդստանը: ԻՊ-ի կողմից Քիրքուքի գրավումը թույլ չտալու համար քրդական փեշմերգան մտավ քաղաք: Պատերազմը ֆինանսական լուրջ խնդիր-

ների առաջ կանգնեցրեց քրդական կառավարությանը: Հարյուր հազարավոր փախստականների առկայության, ռազմական ծախսերի ավելացման, նավթի գնի անկման պայմաններում քրդական կառավարությունը դժվարությունների առաջ կանգնեց ֆինանսական պարտավորությունները կատարելու գործում: Բնակչության մի մասին աշխատավարձերի չվճարումը հանգեցրեց սոցիալական լարվածության, և 2015 թվականի հոկտեմբերի սկզբից Մուլեյմանիեի շրջանում ցույցեր սկսվեցին ընդդեմ կառավարության և ՔԴԿ-ի: Կալադիգե, Կալար բնակավայրերում ցույցերը վերածվեցին բախումների, որի հետևանքով զոհեր եղան⁴⁶:

2015 թվականի հոկտեմբերի դրությամբ կառավարության տվյալներով Իրաքյան Քրդստանում ապաստան էր գտել 1.5 միլիոն ներքին տեղահանված և 280 հազար սիրիացի փախըստական: Նրանց աջակցելու համար, ըստ ՔՇԿ-ի և Համաշխարհային բանկի հաշվարկների, տարեկան առնվազն 1.4 միլիարդ դոլար է անհրաժեշտ⁴⁷: Այս զարգացումները հանգեցրին ներքաղաքական լարվածության աճի խորհրդարանական գլխավոր ուժերի՝ ՔԴԿ-ի և Գորանի միջև: Բանը հասավ նրան, որ Գորանի ներկայացուցիչներին, այդ թվում՝ խորհրդարանի խոսնակին, թույլ չտվեցին մտնել Էրբիլ՝ մասնակցելու խորհրդարանի նիստին⁴⁸:

Ստեղծված ծանր պայմաններում Բաղդադին և Էրբիլին անհրաժեշտ էր նավթի արդյունահանման և արտահանման նոր համաձայնության հասնել, սակայն երկարաժամկետ պայմանավորվածություն, որը կբավարարեր երկու կողմին էլ, չէր հաջողվում ձեռք բերել: 2015 թվականի հունվարին քրդերն ու կենտրոնական կառավարությունը կարճես թե համաձայնության էին հասել օրական 300,000 բարել Քիրքուքից և 250,000 բարել ԻԲ-ի տարածքից վաճառել Բաղդադի միջոցով, որի դիմաց կենտրոնական իշխանությունը պետք է փոխանցեր բյուջեի 17%-ը: Նավթի նվազող գների պատճառով, սակայն, Իրա-

⁴³ Նույն տեղում:

⁴⁴ Natalie D., The Kurdistan Region of Iraq: Stabilizer or Spoiler?, Georgetown Journal of International Affairs, Washington, Feb. 2013, p. 73.

⁴⁵ KRG statement on first oil sales through pipeline export, <http://cabinet.gov.krd/a/d.aspx?l=12&a=51589>, 23,05, 2015.

⁴⁶ Three killed in violent unrest in Iraq's Kurdistan region, Oct. 10, 2015, <http://www.reuters.com/article/us-iraq-kurds-protests-idUSKCN0S40JE20151010>.

⁴⁷ Crisi Looms for Refugees Taken in by Iraq's Kurds, 30 Sep. 2015, <http://www.bloombergvew.com/articles/2015-09-30/crisis-looms-for-refugees-taken-in-by-iraq-s-kurds>.

⁴⁸ Goran gathers for first meeting since MPs ousted, Oct. 18, 2015 <http://rudaw.net/english/kurdistan/18102015>.

քի իշխանությունները ձգձգում էին պայմանավորվածության իրագործումը: 2015 թ. համար Իրաքի կառավարությունը ստիպված էր բյուջեն 151 միլիարդ դոլարից կրճատել մինչև 105 միլիարդ դոլար, իսկ 2016 թվականի համար ընդունվել է 89 միլիարդանոց բյուջե⁴⁹:

ԵԶՐԱԿԱՑՈՒԹՅՈՒՆ

Ամփոփելով նշենք, որ ֆինանսապես Բաղդադից անկախ դառնալու համար քրդերը ցանկանում են իրավունք ստանալ ինքնուրույն տնօրինելու իրենց տարածքում գտնվող նավթահանքերը, արդյունահանումը և վաճառքը, սակայն թույլ զարգացած ենթակառուցվածքները հնարավորություն չեն տալիս ստանալու այնքան եկամուտ, որը երաշխավորվում էր Իրաքի սահմանադրությամբ: Ի պատասխան Էրբիլի նավթային «ինքնագործունեության»՝ Բաղդադը սպառնում էր, որ չի փոխանցի քրդերին հասանելիք գումարը: Դաշնային կառավարության համար նավթային գործունե ազդեցության ամենաազդեցիկ լծակն էր Էրբիլի վրա վերջինիս զիջումներ պարտադրելու առումով:

Չնայած ԻՊ-ի գործունեությունը կենտրոնական իշխանության թուլացման համատեքստում ձեռնտու է Էրբիլին, սակայն դրա դեմ պայքարը և նավթի ցածր գները, ինքնուրույն ֆինանսական քաղաքականություն վարելու անհաջող փորձը դժվար վիճակում են դրել նաև քրդական ինքնավարությանը: Դրան գումարվել են նաև ներիշխանական հակասությունները բուն Իրաքյան Քրդստանի տարածքում՝ կապված «Գորանի» ուժեղացման և Բարզանիի նախագահության ժամկետի երկարաձգման հետ: Արդյունքում 2015 թ. վերջի դրությամբ քաղաքական ճգնաժամ էր հասունացել նաև Իրաքյան Քրդստանում:

Տարածքային հարցերի չկարգավորված լինելը մշտապես լարվածության պատճառ է դառնում: Քիրքուքը թե՛ քրդերի, թե՛ Իրաքի համար ռազմավարական կարևորություն ունի և ոչ միայն ռեսուրսային առումով: Հաշվի առնելով, որ կողմերից մեկը մյուսի հանդեպ չունի վճռորոշ առավելություն՝ տարածքային հարցերը շարունակելու են չլուծված մնալ և լուրջ սպառնալիք լինել Իրաքի կայունության համար:

⁴⁹ Frantzman S., Why Kurdistan Can't Sell It's Oil, <http://nationalinterest.org/feature/why-kurdistan-cant-sell-its-oil-16364?page=2>, 6 May 2016.

ՀԵՂԻՆԱԿՆԵՐ

Արմեն Մանվելյան, պ.գ.թ., ՀՀ ԳԱԱ արևելագիտության ինստիտուտի միջազգային հարաբերությունների բաժնի ավագ գիտաշխատող: Դասավանդում է ԵՊՀ միջազգային հարաբերությունների ֆակուլտետի մագիստրատուրայում: Զբաղվում է արդի միջազգային հարաբերություններում էներգետիկ աշխարհաքաղաքականության հիմնախնդիրների, էներգետիկ անվտանգության և միջազգային անվտանգության հարցերի ուսումնասիրությամբ:

Գոհար Իսկանդարյան, պ. գ. թ., դոցենտ, ՀՀ ԳԱԱ արևելագիտության ինստիտուտի միջազգային հարաբերությունների բաժնի ավագ գիտաշխատող: Հետազոտությունների ոլորտներն ընդգրկում են Իրանի Իսլամական Հանրապետության արտաքին քաղաքականության և ներքաղաքական հիմնախնդիրները:

Եվա Հարությունյան, պ.գ.թ., ՀՀ ԳԱԱ արևելագիտության ինստիտուտի միջազգային հարաբերությունների բաժնի ավագ գիտաշխատող: Զբաղվում է Ճապոնիայի արտաքին քաղաքականության, մասնավորապես Մերձավոր Արևելքի, Կենտրոնական Ասիայի և Հարավային Կովկասի երկրների հետ հարաբերությունների ուսումնասիրությամբ:

Արաքս Փաշայան, պ. գ. թ., դոցենտ, ՀՀ ԳԱԱ արևելագիտության ինստիտուտի արաբական երկրների բաժնի ավագ գիտաշխատող: Զբաղվում է արաբական երկրների ներքին և արտաքին հիմնախնդիրների, «Իսլամական համագործակցություն» կազմակերպության, ինչպես նաև քաղաքական իսլամի ուսումնասիրությամբ:

Գրիգոր Վարդանյան, պ.գ.թ., ՀՀ ԳԱԱ արևելագիտության ինստիտուտի արաբական երկրների բաժնի գիտաշխատող: Զբաղվում է Սիրիայի Արաբական Հանրապետության ժամանակակից պատմության, ալավիական համայնքի, ինչպես նաև Սիրիայում ալավիների ռազմաքաղաքական ազդեցության հիմնախնդիրների ուսումնասիրությամբ:

Գոռ Գևորգյան, պ. գ. թ., դոցենտ, ՀՀ ԳԱԱ արևելագիտության ինստիտուտի արաբական երկրների բաժնի գիտաշխատող: Զբաղվում է Եգիպտոսի ներքին և արտաքին քաղաքական հիմնախնդիրներով, արաբ-իսրայելական հակամարտության, ինչպես նաև միջարաբական հարաբերությունների հիմնախնդիրների ուսումնասիրությամբ:

Մուշեղ Ղահրիյան, պ.գ.թ., ՀՀ ԳԱԱ արևելագիտության ինստիտուտի միջազգային հարաբերությունների բաժնի գիտաշխատող: Զբաղվում է Իրաքում և Մերձավոր Արևելքի այլ երկրներում քրդական խնդրի ուսումնասիրությամբ:

AUTHORS

Armen Manvelyan, PhD, Senior Researcher of the Department of International Relations at the Institute of Oriental Studies, NAS RA. He engaged in the study of energy geopolitics and energy security as well as the contemporary international relations issues. Visiting lecturer of the Department of international relations at Yerevan State University.

Gohar Iskandaryan, PhD, Assoc., Prof., Senior Research Fellow of the Department of International Relations at the Institute of Oriental Studies, NAS RA. Main fields of her research include the problems of domestic politics and foreign relations of the Islamic Republic of Iran.

Yeva Harutyunyan, PhD, Senior Researcher of the Department of International Relations at the Institute of Oriental Studies, NAS RA. Main fields of her research include Japan's policy in the region of Middle East, Central Asia and the South Caucasus.

Araks Pashayan Assoc. Prof., PhD, Senior Research Fellow of the Department of Arab Countries at the Institute of Oriental Studies, NAS RA. Main fields of her research include domestic and foreign political issues of Arab Countries, Organisation of Islamic Cooperation, as well as political Islam.

Grigor Vardanyan, PhD, Research Fellow at the Department of Arab Countries at the Institute of Oriental Studies, NAS RA. Main fields of his research include the problems of contemporary history of Syrian Arab Republic, developments within Syrian Alawite Community and its political-military role in Syria.

Gor Gevorgyan, PhD, Assoc., Prof., Senior Research Fellow of the Department of Arab Countries at the Institute of Oriental Studies, NAS RA. Main fields of his research include domestic and foreign political issues of Egypt, Arab-Israeli conflict and the Inter-Arab relations.

Mushegh Ghahriyan, PhD, Researcher of the Department of International Relations at the Institute of Oriental Studies, NAS RA. Main fields of his research include the Kurdish issue in Iraq and in other Middle East countries.

АВТОРЫ

Армен Манвелян, к.и.н., Старший научный сотрудник отдела Международных отношений Института Востоковедения НАН РА. Приглашенный лектор факультета Международных отношений ЕГУ. Занимается изучением энергетической геополитики, а также проблемами энергетической и международной безопасности.

Гоар Искандарян, к. и. н., доцент, Старший научный сотрудник отдела Международных отношений Института Востоковедения НАН РА. Сфера исследований – внутренние и внешнеполитические проблемы Исламской Республики Иран.

Ева Арутюнян, к.и.н., Старший научный сотрудник отдела Международных отношений Института Востоковедения НАН РА. Занимается политикой Японии в регионах Ближнего Востока, Средней Азии и Южного Кавказа.

Аракс Пашаян к.и.н., доцент, Старший научный сотрудник отдела Арабских стран Института Востоковедения НАН РА. Занимается внутренними и внешнеполитическими проблемами арабских стран, изучением вопросов организации Исламского сотрудничества и политического ислама.

Григор Варданян к.и.н., Научный сотрудник отдела Арабских стран Института Востоковедения НАН РА. Занимается проблемами современной истории Сирийской Арабской Республики, изучением Алавитской общины Сирии и вопросами военно-политической роли Алавитов в Сирии.

Гор Геворгян, к. и. н., доцент, Научный сотрудник отдела Арабских стран Института Востоковедения НАН РА. Занимается внутренними и внешнеполитическими проблемами Египта, а также вопросами арабо-израильского конфликта и межарабскими отношениями в контексте международных политических процессов.

Мушег Гагриян, к.и.н., Научный сотрудник отдела Международных отношений Института Востоковедения НАН РА. Занимается изучением курдского вопроса в Ираке и в других ближневосточных странах.

ԺԱՄԱՆԱԿԱԿԻՑ ԵՎՐԱՍԻԱ

ՏՆՏԵՍԱԿԱՆ ԵՎ ՔԱՂԱՔԱԿԱՆ ԽՆԴԻՐՆԵՐ

ՀԱՏՈՐ V (1)

Ռուբեն Սաֆրաստյանի խմբագրությամբ

Խմբագիր՝ Ազատուհի Սահակյան
Համակարգչային էջադրումը՝ Վերա Պապյանի

Հրատ. պատվեր № 752

Ստորագրված է տպագրության՝ 20.12.2016թ.:

Չափսը՝ 60 x 100 ¹/₁₆, 7 տպագր. մամուլ:

Տպաքանակը՝ 200 օրինակ:

